

**NATIONAL ASSEMBLY OF
SEYCHELLES**

Tuesday 5th April, 2022

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. E bonzour nou *staff* ki pe asiste nou e tou nou piblik a lekout ki pe swiv nou. Byenveni nou pou nou travay ozordi.

Avan mon al lo *Order Paper* ki devan zot, *Leader* Lopozisyon in demann mwan pou kapab *raise matter of privilege* an relasyon avek de size. E mon'n akorde. Onorab Pillay ou ava *state* ou *matter* silvouple, briyevman.

HON SEBASTIEN PILLAY

Mersi Mr Speaker. Bonzour Mr Speaker. Bonzour tou koleg Onorab. Bonzour tou dimoun ki pe ekout nou.

Mr Speaker mon premye *matter of privilege* konsern size kontra *Travizory*, mon oule met lo rikord Lasanble ki mon'n resevwar en let sorti kot Minis Derjaques, ki ler mon ti ekrir li konman en Manm Lasanble konman *Leader* Lopozisyon, pou demann prodiksyon sa kontra. E i ti dir mwan mon ganny *advise* pou swiv *procedure including Standing Order of National Assembly. Standing Orders* Lasanble - Konstitisyon dan son lespri pou resevwar ki se Lasanble i bezwen en dokiman. Lefe ki nou, nou lenstans siprenm *oversight* Lezislasyon dan sa pei, nou devret kapab ganny sa dokiman.

Ziska la Mr Speaker nou pa ankor ganny sa kontra e mon ti ava kontan demann ou en gidans lo ki mannyer nou pou fer alors ki Lasanble i kapab ganny - pa zis en kopi sa kontra pa zis sa kontra *Travizory* ki sipoze en dokiman piblik. E ki Prezidan Larepiblik dayer in fer *commitment* ki Lasanble Nasyonal pou gannyen.

Me osi lezot dokiman ki Lasanble Nasyonal i pou demande dan son travay e ki okenn antite Gouvernman par ava dan en fason initil anpes nou kapab ganny sa bann dokiman, pou nou kapab fer nou travay dan en fason konkret e dan en fason drwat pou lepep Seselwa. Sa i mon premye pwen.

MR SPEAKER

Tre byen. Mon krwar ou kapab fer dezyenm pwen osi aköz mon krwar i tre apepre menm size.

HON SEBASTIEN PILLAY

Mersi Mr Speaker. Mon dezyenm pwen i konsern sa size ki nou ti pe diskite semenn pase ki nou pa'n kapab konklir. E sa se size *SBC*.

Mr Speaker mon ti ava ganny ou gidans ankor enn fwa, lo ki fason nou pou fer pou nou kapab fer ki *SBC* ki i kapab vin devan Lasanble, pou reponn kestyon ki bann Manm i ava annan?

Mon oule alert Lasanble ki anba son Lalwa *SBC* i annan en *living provision*, ki fer ki se Minis ki fer Regilasyon an relasyon avek sa Lalwa. Sa i vedir ki i annan lentansyon ki i annan en *parent Ministry*, e ki sa antite parey tou antite ki ganny konsidere. Menm si i ganny konsidere endepandan dan son fonksyonman, i sipoze kapab vin devan Lasanble pou vin reponn kestyon, zisteman parey Lapolis i vini e Minis pour Zafer Etern i vin ek Komisyoner Lapolis.

So mon ti ava kontan Mr Speaker, demann ou gidans lo ki mannyer nou kapab fer sa arive, kot nou ava kapab demann *SBC* kestyon kan i nesaser. E kan Lasanble i santi poudir i annan serten size ki nou bezwen ganny pwennvi bann dimoun ki pe *run SBC*. Mersi Mr Speaker.

MR SPEAKER

Mersi Onorab Pillay. Mon pare pou donn en *ruling* lo sa de pwen. E mon oule enform Onorab Pillay e Lasanble, ki provizyon pou Lasanble pou kapab ganny en dokiman depoze dan Lasanble, oubyen en dimoun pou vin dan Lasanble pou reponn kestyon i ganny kouver anba *National Assembly Privileges Immunities And Powers Act*.

E sa i dan Lartik 10 e mon lir "*The Assembly or and Standing Committee may subject to the provisions of section 13, 14 and 20 order any person to attend before the Assembly or before such Committee to*

give evidence or to produce any paper, book, record or document in the possession or under the control of such person.”

Sa Lartik i sit *the Assembly or any Standing Committee*. Alor Onorab *Leader* Lopozisyon i annan de opsyon. Enn i kapab fer li atraver Lasanble.

Me akoz i mansyonn Lasanble, savedir en Manm li tousel pa kapab fer li, *Leader* Lopozisyon pa kapab fer li, fodre Lasanble ki fer sa demann. E Lasanble i fer sa demann atraver Speaker.

Alor dan sa ka, si *Leader* Lopozisyon i oule pran sa opsyon, i bezwen anmenn en Mosyon da Lasanble ki demann Lasanble pou swa *order a person to appear or to order a document, to be presented to the Assembly*. Sa i enn.

Lot opsyon pou *Leader* Lopozisyon, se ki i fer li anba *Standing Committee*. *Standing Committee* tel ki FPAC i annan menm pouvwar. E sa i ganny site dan Lartik 104 Konstitisyon ki mon'n deza site.

Alor Onorab la i la sa de opsyon, ou kapab swazir ant le de lekel ki ou pou fer. Si ou deside pran opsyon en Mosyon dan Lasanble ou bezwen notifie mwan, e nou ava met letan pou li ler i apropiye. Mersi. Sa mon *ruling*.

Nou ava prosede avek *Order Paper*. Madanm Clerk nou annan prezantasyon dokiman.

MADAM CLERK

Mersi Mr Speaker. Bonzour Mr Speaker. Bonzour tou bann Manm e tou dimoun ki a lekout. Bann papye ki pe ganny reprezante *comme swivan*;

S.I 29 of 2022 Notification of Proposed reclamation at Cascade under Section 6(2) and (3) of Cap 106.

S.I. 30 of 2022 Land Reclamation Authorisation Notice, 2022.

S.I. 31 of 2022 Employment (Coronavirus) (Workplace) (Temporary Measures) Regulations, 2022.

S.I.32 of 2022 Public Enterprise Monitoring Commission (Amendment of Schedule 1) Regulations, 2022.

Seychelles Qualification Authority – Annual Report 2021.

2021 Annual Performance Reports.

Central Bank of Seychelles – Annual Report 2021. And the last one,

Central Bank of Seychelles – 2021 International Reserves Management Report. Mersi Mr Speaker.

MR SPEAKER

Mersi Madanm Clerk. Avek sa nou ava prosede avek *Private Notice Question*. Madanm Raporter mon ava demann ou apel Minis ki la silvouple.

Sorry lo en propozisyon lo komite, *yes* wi ou ti'n mansyonn sa avek mwan dan *ABC*. E nou ava pran li la.

HON SANDY ARISSOL

Mr Speaker bonzour. Mersi. Parey nou ti'n agree dan *ABC* zis pou nou annan en sanzman lo komite, an vi ki nou annan nouvo Manm, so mon ti ava kontan raporte lo mon kote *LDS* poudir Onorab Flory Larue in ganny aksepte pou li al lo Komite *MYCC* ki *Chair by* Onorab Woodcock. *MYCC* so i *Media, Youth, Culture Committee* e ganny *Chair* par Onorab Wavel Woodcock. E apre otomatikman i antre lo *Woman Caucus*.

E apre mon ti ava raporte ki Onorab Andy Labonte li in al lo *HIV and Aids Committee* ki ganny *Chair* par Onorab Rosie Bistoquet lo nou kote. Mersi Mr Chair.

MR SPEAKER

Mersi. Lo kote *US Chief Whip*.

HON SYLVANNE LEMIEL

Bonzour Mr Speaker. Bonzour tou mon bann koleg Manm Onorab. Kot nou, nou annan nouvo Manm Onorab Paul Ernesta. E Onorab Ernesta i lo *Standing Order Committee* in ranplas Onorab Audrey Vidot lo sa Komite. Mersi.

MR SPEAKER

Mersi *Chief Whip*. Bonzour Minis e byenveni dan nou Lasanble, pou pran *Private Notice Question Leader* Lopoizisyon. Onorab Pillay ou ava poz ou kestyon silvouple.

HON SEBASTIEN PILLAY

Mersi Mr Speaker. Bonzour Minis e ankore enn fwa bonzour tou dimoun ki pe swiv nou *Private Notice Question*.

Mon kestyon i lir koumsa, Eski Lasanble i kapab ganny detay lo konbyen in koute pou tou sa bann deplasman ki Prezidan

Larepublik ek son bann Minis in fer depi Oktob 2020, enkli sa enn ki zot fek ale resaman kot ti annan mon krwar i met 6 me i sipoze 5 Minis enkli Prezidan Larepublik ki'n *attend?* Mersi Mr Speaker.

MR SPEAKER

Mersi Onorab. Minis ou larepons silvouple.

MINISTER SYLVESTRE RADEGONDE

Mr Speaker mon remersye ou. Bonzour Mr Speaker. Mr *Leader* Lopozisyon bonzour Mr Zafer Gouvernman.

Mr Speaker atraver mon remersye *Leader* Lopozisyon pou sa kestyon tre pertinan. I montre ki oule ki nou adres sa bann problem labi ki nou'n annan dan lepase, nou lepase resan e ki ansanm nou kapab vwar ki mannyer sak sou ki nou depanse, sak sou sa pep i ganny byen zere byen depanse.

Ou ava permet mwan Mr Speaker avan mon al donn bann sif ki *Leader* Lopozisyon in demande pou mwan fer enn de remark, pou mon met sa zafer vwayaz dan konteks ki en mannyer nou tou nou konpran kote nou sorti, ki nou pe fer kote nou ale.

Mr Speaker mon premye pwen ki mon oule fer se ki tou sa bann vwayaz ki nou fer, ouswa mon ava met li dan en lot fason, nou relasyon avek bann pei enternasyonal bann lorganizasyon enternasyonal i pa nouvo i pa'n konmans avek sa ladministrasyon.

Dan relasyon enternasyonal i annan serten degre kontinite ki nou a apele. E ladan osi ler sa nouvo Gouvernman in vini, parey zot vwar dan nou oriyantasyon Zafer Etranzer, napa bokou keksoz ki nou'n sanze.

Nou'n *tweet* parey *Anglais* i dir enn de keksoz. Me an gro i reste parey. So i en kontinite e ki nou bezwen kontinyen angaze avek kominote enternasyonal.

Pandan 2an ki nou'n annan *lockdown* dan lemonn, mazorite nou bann kontak avek lemonn eksteryer n atraver *zoom*, *video conference*, telefonn, *fax* ensidswit.

La ki lemonn i konmans ouver, i kler ki nou osi nou bezwen resorti. Nou pa kapab reste lo nou pti ros ler lemonn pe diskrit bann keksoz ki riske konsern nou. Pran bann desizyon ki riske tous nou e nou, nou pa la pou nou dir nou mo ladan.

Mon bezwen dir osi e *Leader* Lopozisyon i konnen, ki nou ganny en kantite lenvitasyon, pou al gos drwat - kantite. Sorti dan nou pei,

sorti bann alegasyon enternasyonal. Nou pa kapab aksepte tou sa lenvitasyon. I kler ki nou bezwen selektif. E fer serten priyorite.

E sa mon kapab asire ki mon Minister nou fer li. E nou regard sak lenvitasyon ki vini byen regarde plizyer keksoz.

Enn ki sa *meeting* ki pe ganny fer, ki sa vizit ki'n demande ki pou anmennen pou Sesel? Nou gete eski i tonm dan nou priyorite nasyonal?

Eski i pou ed nou avans serten keksoz dosye ki nou, nou anvi? Ki benefis dan *short, medium* e lonterm i annan pou pei?

Eski i pou *raise* nou *profile* parey *Anglais* i dir? Eski i pou fer nou dimoun konn Sesel, konnen kote Sesel i ete, konn bann *challenge* Sesel?

Annan de ler osi nou ganny demande pou *attend* sa bann *meeting* pou *show* nou komikman dan en lorganizasyon, pou montre nou lanmitye avek e pei. Annan de ler avek solidarite. Montre respe pou sa lorganizasyon ki nou ladan. Nou lanvi pou angaze dan sa lorganizasyon. Sirtou bann lorganizasyon ki nou Manm e nou manm en klib ou pa kapab toultan absan. Tanzantan ou be zwen montre ou figir.

Donk ki mon pe dir Mr Speaker, se ki i annan en kantite, mon menm mwan mon annan en kantite *meeting* ki mon gannyen ou envite. Sertenman konman Minis Zafer Etranzer e mon *decline*.

Akoz i pa neserman *meet* tou sa bann kriter ki nou regarde e menm ler i *meet* i annan lezot konsiderasyon ki nou bezwen regarde, bann kou ki enplike ladan.

So premye keksoz ler nou ganny lenvitasyon, nou regarde eski sa pei sa lorganizasyon ki envit nou pe peye? Zot pe peye, zot pe pey antye, zot pe pey en bout, zot pey pasaz, zot pey lasanm, i dir ou pey ou pasaz zot ava pey lasanm, zot ava pey transpor. Zot pey en bout, tou ouswa eski zot annan en posibilite ki zot kapab fer sa *meeting* ki zot pe dir *hybrid* ;- en bout pou fer an prezansyel, en bout pou fer par *video conference*.

Nou'n etidye tousala e baze lo la nou pran en desizyon. E ler nou pran en desizyon pou nou asiste si nou pou al an prezans, nou regarde prezan ki nivo delegasyon. Ki kantite dimoun dan sa delegasyon.

Eski i en vizit Prezidansyel si en *meeting* ki konsern bann Prezidan ou pa pou kapab anvoy en Anbasader pou al asiz dan en renyon Prezidan, parske i kler ki i pou la zis pou li sof sez. Ler

Prezidan pe koze ou pa pou espekte Anbasader argye pou pou al debat en pozisyon.

So par respe protokoler e ot si en *meeting* Prezidansyel Prezidan i asiste. I menm zafer si en renyon Ministeryel *à la rigueur* ou mon kapab demann en Lanbasader pou reprezant mwan, me an gro ordinerman se Minis se mwan, ou en lot Minis ki asiste sa bann *meeting*.

Me sa ki mon kapab asir Lasanble Mr Speaker se ki ler Prezidan i deplase ouswa ler mwan mon deplase se ki en bezwen absolli. Napa en lot kek mwayen ki nou kapab fer san ki nou pa fwas sa dimoun ki'n envit nou, ouswa met nou pozisyon en pti pe an *jeopardy* an gro ale, me ou pa ganny sans koze, akoz ou napa nivo reprezantasyon ki neser.

Mwan dan mon ka i sertenman mon servi tou nou 9 Lanbasad atraver lemonn pou reprezant mwan dan bann *meeting*. Mon servi bann Konsil Onorer pou reprezante dan *meeting* ouswa reprezant Sesel dan serten *meeting*. Me i pa toultan posib.

La dan sa detrwa semenn ki vini i annan de renyon ki mon bezwen *turn down*, akoz menm si i *meet* bann kriter i annan bann kou ki asosye avek. E dan lentere sov sou Seselwa, mon'n prefere pa ale.

Ler mon'n dir sa Mr Speaker prezan mon ava al dan sif, pou reponn direktman kestyon Onorab *Leader* Lopoziyon. E mon pou al detay bann diferan misyon, diferan Minis kote zot in ale, kan konbyen in koute, e kote sa i *fit* dan Bidze. E apre nou ava fer konparezon konman ti ete 16 mwan pase, 17 mwan pase.

Ler sa ladministrasyon ti pran pouwar an Oktob 2020, ti annan de *trip* sa lannen ki Prezidan ti fer. Son premye *trip overseas* i ti al *Maurice* e apre i ti swiv par en vizit travay *UAE*. Tou le de sa *trip* ti ganny finanse parsyelman dan ka *Maurice* par *Maurice*. Avyon nou pa ti peye, dan vot Gouvernman. Mon byen presize *IDC* ti donn nou avyon. Dan vot Gouvernman sa 4 milyon ki'n vote pou *expenses travel* dan biro Prezidan nou pa'n servi larzan ladan.

Donk transpor pou *Maurice IDC*, loospitalite an parti delegasyon Gouvernman *Maurice* pou vizit travay *UAE* avyon e lotel peye par *UAE*.

E la mon oule dir en keksoz Mr Speaker, parey ti ete dan lepase ler bann Prezidan presedan, ti vizit *Abu Dhabi* ouswa *Dubai*, zot pasaz

ek zot lotel ti toultan ganny peye par Gouvernman UAE. Napa nanryen ki'n sanze anba Prezidan Wavel Ramkalawan.

Tou sa deplasman ki nou fer *Dubai, UAE*, bann deplasman ki bann Minis ti fer dan sa pei, tou i ganny kouver par Gouvernman UAE. Gouvernman Sesel ki peye, se *supplementary allowance* se *reduce per diem* parey zot konnen i prevwar anba PSO.

So mon'n fini 2020, ti annan sa 2 *trip* selman. E mon pe rod mon papye ki mon'n met sa 2 *trip* konbyen ti koute an tou ti apepre R200, 000 i ti kout Gouvernman Sesel pou sa lannen pou voyaz. Nou ti annan en Bidze sa letan 4 milyon.

An 2021 bann Minis in voyaz *comme swivan*;

Minis Dezinyen - zis pou mwan fer presizyon i annan en voyaz ki nou ganny konte anba delegasyon Prezidansyel, apre i annan bann voyaz ki menm si i annan Minis ki vwayaze zot pa form parti direk delegasyon Prezidansyel.

So la ler mon dir Minis Dezinyen ti al asiste *EXPO 2020*, son voyaz ti ganny peye par Gouvernman UAE.

Apre sa Minis Dezinyen ankor Novanm le 29 Novanm - 30 Novanm in al en *meeting* Ministeryel FOCA ki *Forum on China-Africa Cooperation* i ti al dan ka *Senegal* e sa se Gouvernman Sesel ki'n peye.

Pou sa 2 voyaz lannen pase pou Minis Dezinyen i ti ariv zis anba R100,000. Mon menm apard bann letan - anfen mon'n plizyer delegasyon me prensipalman avek Prezidan, me bann ki anba mwan direktman ki pa'n konte dan delegasyon Prezidansyel, i ti ler mon ti al vizit - (zis pou mwan fer sir ki mon ganny mon lenformasyon) zis ler mon ti al - lannen pase, mon ti al *meeting* zeneral *World Tourism Organization Madrid*, ki sa Gouvernman ti pey antye.

Apre sa mon'n form parti delegasyon Gouvernman, delegasyon Prezidansyel dan en vizit *Qatar*, ki mon ti akonpanyy Prezidan e sa ti ganny peye antyerman par Gouvernman *Qatari*.

Mon'n akonpanyy Prezidan lo en vizit pou asiste *Austrian World Summit*. E sa Gouvernman in pey an parti e an parti se Gouvernman *Autrichien* ki'n peye. E ler mon ti fini la, mwan mon ti kontinyen mon ti al fer en vizit Bilateral *a ondri La Croatie*, e apre mon'n akonpanyy Prezidan ankor pou al *EXPO 2020* pou *National Day* Sesel kot mon ti fer diskour Zournen Nasyonal.

An Novanm 2021 mon'n asiste Prezidan pou al *COP26 Glasgow* e sa ti *fund* par Gouvernman Sesel.

E mon'n koz lo *General Assembly World Tourism Organization*.

Minis Lasante i osi in deplase lannen pase an *Juin*. I ti al *New York*. Sa ti ganny peye antyerman par sa lenstitisyon sa Lopital ki i ti pe vizite *New York*.

Minis Enteryer dan bann negosyasyon diskisyon ki ti pe ganny fer pou vwar paspor biometrik, i ti bezwen al vwar plizyer *compagnie alettranze*.

I al *Budapest e Vienna* an Oktob lannen pase. E li son vwayaz ti ganny peye antyerman par Gouvernman Sesel. I ti ariv zis en pti pe plis ki R100,000.

Dr Valentin i ti al Konferans *UNESCO* an Novanm lannen pase *Paris*, li osi *funded* antyerman par Gouvernman Sesel in ariv apepre R90,000.

Minis Finans ki'n form parti delegasyon Prezidansyel pou al *Qatar*, byensir sa peye par Gouvernman *Qatari*.

Aprè sa an Oktob in al en *meeting ground handling operators Dubai* sa se *SCCA* ki'n kouver depans.

In retourn *Dubai* an Oktob lannen pase osi pou al en *business forum* lo *L'Afrique* sa in finanse par Gouvernman Sesel. *EXPO 2020 Dubai* finanse par *UAE*, aprè li osi in al *Glasgow* pou *COP26* finanse par Gouvernman Sesel. An tou pou lannen pase deplasman Minis Finans in kout 180,000 - zis en pti pe plis R180,000.

Minis Flavien Joubert i ti al *UN Climate Change Conference Glasgow* dan *sideline COP26*. E li finanse par Gouvernman Sesel son sel *meeting* ki ti ale lannen pase e sa in kout anviron R27,000.

Minis Zialor in fer 2 *trip* lannen pase enn an Oktob pou al *EXPO 2021, EXPO 2020 Dubai*. E lot ki'n al *Maurice* pou asiste Komisyon *CJSOI* pou Desanm lannen pase sa dezyenm pou *Maurice*, ti ganny finanse par Gouvernman Sesel. Son 2 *trip* ansanm in ariv en pti pe plis ki R91,000.

Minis Derjaques in deplas de fwa lannen pase. Enn in al fer diskisyon konsernan ekstansyon *Airport* in al *Abu Dhabi*, sa ti finanse par Gouvernman Sesel.

Aprè in al en *meeting Dubai Civil Aviation* ankor an koneksyon avek *Airport* an Novanm. Enn an Me pardon. Sa premye ki mon'n dir an Me.

Dezyenm an Novanm sa ti *fund* par *SCAA*. Sa ki'n sorti dan *Bidze President's office* ti zis apepre R17,000.

Total ki Gouvernman in peye pou sa bann deplasman Ministeryel ki mon'n dir la, pou lannen pase i ti ariv anviron R800,00.

Pou sa lannen Fevriye, Minis Dezinyen Minis Ferrari ti akonpanyy Prezidan dan *One Ocean Summit La France*, sa ti ganny finanse par Gouvernman Sesel.

An Mars fek retournen sorti en konferans *Monaco* pou fer avek *ocean*. E sa ti finanse par organizater sa Konferans *Monaco*. E apre i anfen la i pe al pou en *meeting* ki pe al fer *Ghana* organize par *OCAP Organization Caribbean African Pacific State*

Son voyaz pou ganny fer finanse par *SFA* sa enn. Donk tou sa bann voyaz ki mon'n dir in kout anviron R130,00.

Mon menm an Fevriye mon'n annan 1, 2, 3, 4, 5, 6, 7 7 *trip* konbinen an menm tan.

Mon'n ale *new counsellor Ministers* avek Prezidan *Addis Ababa*. Finanse par Gouvernman Sesel.

Ler nou'n sorti la nou'n al *One Ocean Summit Bresse La France*, finanse par Gouvernman Sesel. Mon'n akonpanyy Prezidan lo son vizit travay *La France*, finanse par Gouvernman Sesel.

From La France nou'n al *Belgique*. E laba ti annan sa *SOME EU-AU*. Ler Prezidan in rantre mwan mon'n kontinyen mon'n retourn *La France*. Akoz ti annan en lot konferans *Indo-Pacific* nivo Ministeryel nou asiste *Paris* e ti swiv imedyatman par Renyon Ministeryel *COI - Commission de L'Ocean Indien*.

Pou mon bann vwayaz ou petet mon krwar mon ava kouver lezot Mars. Mars osi mon'n annan enn de de vwayaz. Mon ti al en edisyon *Antalya Diplomacy Forum La Turkey* 11 a 13 Mars. E apre mon'n akonpanyy Prezidan pou de semenn pase semenn pase pou 2 semenn pase pou sa *World Government Summit, Dubai*. Tou mon bann vwayaz *so far* lannen in ariv anviron R310,000.

Minis Peggy Vidot i osi i ti dan sa vwayaz *UAE* pou sa *World Government Summit*. I ti annan en *panel* ki'n partisip lo la. E li son voyaz in ganny *funded* par *partly UAE* - anfen mon dir *partly*, lotel, avyon. Donk sa ki'n pran dan Bidze Gouvernman i apepre R12,000.

Minis Francourt li osi i ti *UAE* pou sa Konferans lo *World Government* li napa okenn larzan ki'n depanse lo li.

Minis Devika Vidot in annan en misyon an Fevriye, sa ti pou bann *meeting* bilateral ki'n annan *Abu Dhabi - Dubai* pardon, apre in retournen ankor pou al *Government Summit* li son bann vizit in kout anviron R70,000.

Minis Rose-Marie Hoareau, i ti osi dan sa *meeting World Government* ti lo en *panel forum UAE*. I pa'n pran okenn larzan dan Bidze Gouvernman.

Minis Naadir Hassan Minis Finans, i ti Londres, 12 a 20 Mars i ti en *Keynote Speaker* kot en *Annual Commonwealth African Summit*. Son voyaz la ti ganny finanse par Gouvernman. E an tou pou sa voyaz in kout zis en pti pe plis ki R100,000.

Minis Joubert in fer osi en *trip* an Fevriye in al senkyenm sesyon *UNEP or UNEA - United Nation Environment Assembly Nairobi Kenya*, finanse par Gouvernman R30,000.

Minis Marie-Celine Zialor avan sa *World Summit Government World Summit UAE*, in al osi *UAE* pou en lot *meeting Woman in Government - en forum*.

Minis Anthony Derjaques Fevriye in al *Airport Expansion Project Abu Dhabi funded by SCAA*. In retournen ankor - sa ti an Fevriye. An Mars in retournen pou en *Intergovernmental Standing Committee lo Shipping Assembly of Ministers* in fer *Uganda*. Sa in *fund* an parti par sa lorganizasyon ki ti pe fer sa *meeting*, e an parti par Gouvernman Sesel.

Total *so far* i Gouvernman in depase pou sa bann *trip* Minis i R850,000 e *quelque* sou.

Ok donk si prezan mon al spesifikman lo zis delegasyon Prezidansyel; Zis delegasyon Prezidansyel, Prezidan in fer an tou mon kont 9 voyaz aletranze depi 2020.

In al en premye vizit *UAE* kot in vizit. Pardon mon'n mank sa de vizit avan *Maurice* avek *UAE* avan in retourn an Fevriye *UAE* 2021. Apre sa an Mars in *Qatar*.

Sa vizit *UAE* from 18th Fevriye ziska 22 Fevriye 2021, ti kout Leta Seselwa zis en pti pe plis ki R34,000.

Pou Vizit Deta ki ti fer *Qatar* le 20 Mars ziska le 23 Mars in kout Leta R75,000.

Pou vizit *l'Austriche* in kout R316,000. Vizit *Dubai* pou *EXPO* an Oktob lannen pase, in kout R50,000. Vizit *Glasgow* pou *COP26* in kout an tou R391,000. Vizit travay *UAE* 8 Desanm ziska 13 Desanm lannen pase, in kout R91,000. Vizit *UAE* Zanbye sa lannen, in kout R126,000. Vizit *Addis Ababa* pou *SOME AU*, in kout zis en pti pe anba R300,000.

Vizit seri ki'n fer *Brest, Paris Belgique* in kout R470,000. E dernyen vizit ki nou'n fer *UAE* avek sa bann delegasyon ofisyel in kout R108,000.

Total donk pou bann delegasyon Prezidansyel, in zis en pti pe par lao en milyon pou lannen 2021. Ankor en pti pe par lao en milyon pou lannen 2022 ziska konmela i fer an tou en total anba R2 milyon, Lannen pase ek sa lannen ziska kot nou ete konmela.

Zis pou mwan konplete Mr Speaker, Lasanble i ava kontan vwar en pti pe konparezon, mon ava pran sa 3 dernyen lannen. Zis mon oule fer en prezizyon ki biro Prezidan ziska la 2017 pa ti pe fer sa *split* ant delegasyon Prezidan ek lezot bann *per diem* bann *travel expenses* ki zot peye pou bann *PS, CEOs* ensidswit, donk ti met tou ansanm.

Pou lannen 2017, biro Prezidan pou bann voyaz ti depans R16 milyon 850mil.

An 2018 in depans 17 milyon - anviron 17milyon. Me ladan pou delegasyon Prezidansyel li menm ti anviron 5milyon.

An 2019 biro Prezidan in depans an tou en pti pe plis ki R20milyon dan bann depasman aletranze. E ladan 9 milyon pou delegasyon Prezidansyel. Donk Mr Speaker mon ava termin lo la.

Lannen pase Bidze ki nou'n servi pou *travel* ti apepre 28poursan, Bidze ki ti'n vote sa R4milyon.

So far depi ler sa ladministrasyon i la, Oktob 2020 ziska la administrasyon Mr Wavel Ramkalawan dan son depasman Prezidansyel ek son bann Minis, in kout zis anviron 4milyon. En pti pe par lao R4 milyon pou sa parti 2020 antye 2021 ek sa detrwa mwan 2022. La, la kot nou ete Mr Speaker. Mon remersye ou.

MR SPEAKER

Mersi Minis. Sa repons in tre detaye. E mon napa bokou letan pou siplemanter. Mon pou pran en pti gin letan pou siplemanter lezot Manm avan mon retourn kot *Leader* Lopoizisyon. Onorab Loizeau.

HON NORBERT LOIZEAU

Mersi Mr Speaker. Bonzour Minis. Bonzour tou dimoun. Mr Speaker mon annan de pti kestyon. Minis mon anvi demann ou lo lakantite dimoun ki dan delegasyon Prezidan ler i *travel*, eski i annan

en logmantasyon lo groser son delegasyon, konpare ek ler bann lezot Prezidan Gouvernman presedan ti *travel*? Sa enn.

Minis ou'n koz lo bann benefis, ki sa bann *travel* in anmennen pou pei. La i fer mon mazine ler i ti *travel Abu Dhabi* nou ti ganny nou 50,000 vaksen, pou nou pep.

Kantmenm i annan ki pa ti tro kontan, apre ti pran par laport deryer ansousekre. Me ki byen, omwen zot in pran.

Alors Minis mon anvi demann ou dan tou sa bann Summit ki Prezidan i ale la, eski zis Prezidan Ramkalawan akoz li i kontan *travel* dapre zot ki partisip ladan, napa okenn lezot Prezidan okenn lezot Sef Deta ki partisipe dan sa bann Summit? Sa i dezyenm. Mersi.

MR SPEAKER

Mersi Onorab Loizeau. Minis ou repons *please*.

MINISTER SYLVESTRE RADEGONDE

Mersi Mr Speaker. Mersi Onorab pou ou kestyon. An sa ki konsern delegasyon. Nou konsern a sak fwa se redwir popilasyon delegasyon Prezidansyel pou *minimum – minimum*.

Souvan i petet 3 nou, 4 nou. E vwar ki Minis i an menm tan pe fer preske louvraz Protokol, ki pa devret. Me koumsa i ete. Akoz debit pou nou redwir *minimum o maximum* delegasyon.

Ou dir mwan konparezon ki mannyer ti ete avan? Mon annan lalis devan mon ki mon kapab partaze. I annan serten delegasyon ki mon krwar ti al *overboard*. Mon vwar en delegasyon par egzantp en misyon, dan en Prezidansyel dan lepase ki mon'n kont apepre 15 dimoun ladan - 15 dimoun.

I ti annan petet en zistifikasyon pou annan 15 dimoun, mon pa la pou zize. Me sa ki mon kapab dir ou si nou get kantite dimoun ozordi e kantite dimoun dan serten delegasyon dan lepase, i kler ki i annan en gran diferans.

Lo ou dezyenm kestyon, wi parey mon'n dir o konmansman i annan bann renyon, ki o nivo Prezidansyel e Prezidan i asiste. E byensir i annan lezot Prezidan la. sa bann lezot Prezidan ki arive. E souvan ou ava trouve Sesel akoz i annan en pti delegasyon. Annan de ler plas i limite dan lasal.

Ou annan serten delegasyon ki vini bann pei pa lwen avek nou, menm lo kontinan *Africain* par egzantp, i vini i vin rod plas pou nou, rod *pass* pou *access*. Akoz zot annan gran delegasyon. I bann

Prezidan ki vwayaz pa jet *prive*. Ki vini annandeler a fret en avyon antye, pou anmenn zot delegasyon.

So pa konparezon petet nou devret pa konpare nou ptipti nou, nou mwayen i limite. Mon krwar nou *modest* nou arive *attend* lobzektiv ki nou *set* nou lekor, parske nou ale kler ki nou oule *achieve* e nou *achieve*.

Prezidan ozordi i sanpyon - i merit sa sanpyon *Blue Economy L'Afrique - Linyon Africain*. I osi *spokesman* ki UNESCO fek apwent li pou Losean. Ki i annan en kantite sa bann langazman ki i bezwen pran par ladan. Me menm la nou bezwen limite. Parske souvan en kantite bann depans i vin lo Sesel pou peye. Mersi.

MR SPEAKER

Mersi Minis. Kestyon Onorab Cosgrow.

HON WALLACE COSGROW

Mersi M Speaker. Bonzour Mr Speaker. Bonzour Minis. Bonzour tou koleg Manm. Tou dimoun ki pe ekoute.

Mr Speaker Minis in fini fer en larepons ase long e ladan in edik nou ki pou dir ler mon kalkile Prezidan in *travel* li preski dan sa peryod 16mwan. In *travel* li preski tou le en mwan edmi ler ou pe kalkile *the average* pandan sa pti peryod 16 mwan ki zot in o pouvwar.

E Minis in eksplik nou ki i annan en bon pe bann *travel* ki ganny pete par *or funded* par serten lorganizasyon - *partly funded* ouswa *fully funded*.

E i annan sa konponan *reduced per diem* ki bann dimoun ki *travel* i gannyen. So eski Minis eski tou Minis e menm Prezidan i *travel* sa *reduced per diem* i ganny peye otomatikman?

E si Minis pe dir wi, si i kapab dir nou apepre konbyen si i annan konbyen *or* si i annan konbyen i arive par Minis? Si i annan sa lenformasyon, si i oule i kapab fer nou sey ganny apre, konbyen i arive par Minis?

Akoz ou ava dakor avek mon Minis ki deor la i annan en kantite konplent lo *delivery* ki bann Minis pa la e keksoz pa pe ganny delivre, e pep Seselwa ti ava kontan konnen silvouple.

MR SPEAKER

Mersi Onorab Cosgrow. Minis ou repons *please*.

MINISTER SYLVESTRE RADEGONDE

Mr Speaker mersi. Mon pa konnen si problemn Onorab i avek Prezidan ouswa ki Minis ki pa la.

Ozordi atraver ou Mr Speaker, Onorab i konnen ozordi avek tou kominikasyon modern ki nou annan, en Minis nenport ki kote i ete dan lemonn i kapab *run* son biro efektivman.

Mwan se sa ki mon fer zanmen ou pou trouv en '*Out of Office*' dan mon *email*. Partou kot mon ete mon *run* mon biro parey.

E tou sa bann Minis ki'n vwayaze, i menm zafer. I pa konmsi tou Minis i deor, tou le mwan tou dilon lannen. I pa korek.

I annan sa detrwa sa 4, 5 Minis ki'n *Dubai* an menm tan la, pou bann rezon spesifik. Me apard sa ou annan parey i ti ete dan bann Gouvernman avan, tanzantan i annan en Minis dan Gouvernman pou en rezon spesifik i bezwen vwayaze aletranze. In arive sa, i pa drol.

An sa ki konsern *per diem*, Mr Speaker dapre *PSO* i annan anfen mannyer i ete la *PSO* ou ganny *full per diem* si ou voyaz pa'n ganny *funded*, *reduce* si in ganny *funded*.

Eski i otomatik dapre *PSO* i otomatik. Eski tou dimoun i pran? Non pa tou dimoun ki pran. Mersi Mr Speaker.

MR SPEAKER

Mersi. Mon napa letan pou lezot kestyon siplemanter sorti kot lezot Manm. Mon a retourn kot *Leader* Lopozisyon pou son siplemanter.

HON SEBASTIEN PILLAY

Mersi Mr Speaker. Mr Speaker mon oule zis ek ou permisyon rapel Lasanble anba *Order 31 (5) - 31 (4)* "*the proper object of the question is to obtain information on the matter of fact within the responsibility of the Minister or to press for action.* "

Ler mon demann en kestyon, se pou mon ganny en *statement of fact* oubyen pou *press* Minis pou aksyon.

Bomaten ou ti servi Seksyon 10 nou *Assembly Privilege and Privilege Act* e mon oule met lo rikord ki ler mon kestyon in ariv lo *Order Paper* in pas *test of admissibility*, i pa mon kestyon, i pa kestyon *Leader* Lopozisyon neserman, me i en kestyon pou Lasanble pe rod sa lenformasyon. E mon ti a kontan ou regard sa?

MR SPEAKER

Ok Onorab silvouple prosed avek ou kestyon.

HON SEBASTIEN PILLAY

Ya Mr Speaker. Zis en pti pwen ki mon oule met devan ou e si ou regard Seksyon 14 i dir “*except with the consent with the President.*”

E lot dir” *upon direction of the President.*” Mon oule zis lapel ki lo sa size *Travisory* Prezidan in donn son *consent* ki nou ganny sa rapor pa ankor gannyen.

E la mon pe al demann Minis serten kestyon ki Prezidan in *consent* pou li vin devan Lasanble pou li vin reponn, e ki ler mon pe demann li, mon pa pe demann li konman *Leader* Lopozisyon, mon pe demann li konman Lasanble e ki nou ti ava kontan ganny serten lenformasyon konkret silvouple.

Mr Speaker Minis in dir ek nou koumsa in donn nou detay, bann diferan *trip*, diferan *travel* e in dir nou serten i *partially funded*, serten i *fully funded*. E dan son larepons i *omit* pou donn nou serten sif lo serten vwayaz. I donn nou pou serten me i pa donn nou pou lezot.

Par egzanp Minis i dir nou a en moman *Qatar* ti *funded* sa *trip* Prezidan, me mwan mon annan lenformasyon ki *Qatar* ti zis donn akomodasyon avek transportasyon. E *air fares* se nou ki ti peye.

MR SPEAKER

Onorab mon krwar ou pe rod largiman avek Minis, silvouple poz ou lot kestyon si ou annan.

HON SEBASTIEN PILLAY

En lot pwen se ki en tiket *first class* pou *Emirates* i R121,000 e ler nou *quantify* bann larepons ki Minis in donn nou, i enposib pou en tiket avyon ki nou nou’n peye pou ariv R30,000.

So mon ti ava kontan Minis avek tou ou respe ki mon annan pou li, konsantre lo lefe ki ou dan Gouvernman, mon pe demann ou kestyon lo ou Gouvernman ou kapab dir mwan sa ki avan, me la ou ki la.

So eski Minis i kapab dir nou an tou, enkli *per diem* se sa mon kestyon, i pou enkli *per diem*, i pou enkli tiket avyon, i pou enkli tou

bann depans ki'n ganny fer dan deplasman, konbyen in arive ki Gouvernman Sesel in peye pou Prezidan Larepiblik ek son bann Minis *travel*? An tou konbyen in arive enkli bann *per diem, reduced per diem* bann delegasyon ki'n akonpanyi zot, bann dimoun ki'n ek zot, konbyen in arive?

Akoz Mr Speaker-

(Interruption)

MR SPEAKER

Yes nou'n konpran ou kekyon Onorab Pillay - wi, ou'n lev ou pwen.

HON SEBASTIEN PILLAY

Speaker mon'n fer le pwen. Nou pa kapab ganny en Minis dan Lasanble ki vin dir ek nou koumsa poudir Prezidan in *travel* i annan 4 dimoun dan son delegasyon, ou pe pey 4 tiket ankor me selman i pe ariv ou R30,000. I pa posib.

MR SPEAKER

Onorab Pillay. Prosed ek ou kekyon.

HON SEBASTIEN PILLAY

Mon ti ava kontan Minis i reponn nou kekyon konbyen in arive an tou enkli *per diem*?

E eski sa *breakdown* ki Minis in prezante avek Lasanble, eski sa *breakdown* parey *Standing Orders* i demande e non pa Seksyon 10 *National Assembly e Members Privileges and Privileges Act*.

I demande Lasanble i ganny sa *breakdown travel* ki bann Minis in ale, enkli Prezidan e enkli tou lezot delegasyon gouvènmantal depi Oktob 2020? Mersi.

MR SPEAKER

Mersi. Minis ou ava adres ou kekyon silvouple, si ou annan klarifikasyon.

MINISTER SYLVESTRE RADEGONDE

Mr Speaker mersi. Mersi Onorab pou ou kekyon. Non zis lo remark lo *Qatar*. Non Mr *Leader* Lopozisyon atraver ou Mr Speaker

ki pa korek. *Qatar* si ou rapel ti anvoy en avyon vin anmas Prezidan avek son delegasyon, napa personn ki ti pey avyon.

An sa ki konsern, mon donneren sif, mon ava repete, depi ladministrasyon Mr Wavel Ramkalawan in ariv o pouvwar Oktob 2020 ziska la ki mon pe koze, total pou tou depans voyaz pasaz avyon, lotel, *per diem* kot in ganny peye swa *full* swa parsyel, in ariv R4milyon 42 mil ekek. Sa sif ki mon annan pou sa detrwa mwan 2020. 12 mwan 2021 ek sa 3 mwan 4 mwan kot nou ete la.

Konpare avek - non mon pou la, eskiz mwan. Me Mr Speaker, zis mon oule asire nou napa okenn problem partaz sa bann sif. I transparans onnet e bann sif ki nou kapab partaze e dimoun regarde e vwar detay ladan. Mersi.

MR SPEAKER

Mersi. Bon nou a termin sa sesyon kekyon la. Ou annan klarifikasyon Onorab? *Point of order* wi? Ki *Order* silvouple?

HON SEBASTIEN PILLAY

Mr Speaker mon oule koriz en-

MR SPEAKER

Ki *Order* ou pe *point of order* lo la Onorab Pillay?

HON SEBASTIEN PILLAY

Mr Speaker mon oule *raise en point of order* anba *Order* bezwen fer sir mon ganny sa byen akoz ou pou *challenge* mwan lo la. *Ok?* Mon ti ava kontan klarifye en keksoz anba sa kekyon ki Minis in reponn, anba 31 (4) - *ok?* *Order 31 (4)* lobzektif mon kekyon se pou *press en Minister for action*, e pou demann lenformasyon ki dan son *purview*.

E Lasanble i fer kler ki en Minis ler i vin reponn kekyon i bezwen donn en lenformasyon Lasanble - larepons ki korek.

Eski Minis Mr Speaker, eski Minis i krwar senserman ki pou dir ler mwan mon pe demann sa kekyon, mon pe vin demann li zis akoz mon anvi demann li, oubyen mon pa pe fer li lo lapar Seselwa ,ki santi ki pou dir ou Gouvernman pa pe performen zisteman akoz ou ek ou bann Minis dan Gouvernman enkli ou Prezidan, zot pe pas tro bokou zot letan aletranze?

MR SPEAKER

Sa pa en kestyon Onorab Pillay.

HON SEBASTIEN PILLAY

Sa i en pwen ki bezwen ganny met lo rikord Mr Speaker.

MR SPEAKER

Sa pa en kestyon Onorab Pillay. Onorab Pillay nou ava termin sa sesyon kestyon la Mersi.

Minis mon remerci ou pou ou partisipasyon e mon swet ou bonn zournen. Mersi. Nou ava pran en poz *sanitizing* silvouple.

(technical break)

MR SPEAKER

Raporter ou ava apel Minis Flavien Joubert silvouple.

Mon ti ava kontan eklersi pou bann Manm ki an kominikasyon avek Minis Madanm Clerk in aranze pou kestyon pour Minis Flavien Joubert ganny pran la. Akoz son letan i konplet pri pou larestan lazournen. Alor nou pe met li la. *Urgent Question to the Minister for Agriculture Climate Change and Environment.*

HON SEBASTIEN PILLAY

Selman sa ou devret ganny en Mosyon sa Mr Speaker, fodre ou ganny en Mosyon pou sispann *order of business* pou ou pran en lot size.

MR SPEAKER

Onorab Pillay nou dan Lasanble la silvouple.

HON SEBASTIEN PILLAY

Sorry Mr Speaker mon ti pe zis *remind* ou ki ou bezwen ganny en Mosyon, pou sispann *order of business*. Mon pa ti konnen mon mikro i on. *Sorry.*

MR SPEAKER

Bonzour Minis Flavien Joubert, Minis pour Lagrikiltir, *Climate Change* e Lanvironnman. E avek Minis mon dir osi bonzour e

byenveni Mr Denise Matatiken *PS* pour Lanvironnman, Mr Allen Cedras *CEO Seychelles Park and Garden Authority*.

Minis nou pe pran kestyon sorti kot Onorab Wavel Woodcock. Onorab ou kestyon.

HON WAVEL WOODCOCK

Mersi Mr Speaker. Bonzour Minis ek ou delegasyon, tou Manm e tou dimoun a lekout.

Mon kestyon i *comme* swivan;

An vi sa lensidan tris kot en touris in perdi lavi Praslin semenn pase, eski Minis i kapab enform sa Lasanble ki aksyon son Minister pe pran pou asire ki bann *trails* lo Praslin, i ganny byen demarke e mentenir?

2) Eski son Minister i pare pou pran aksyon kont bann letablisman ki anpes akse piblik avek lans, parey Anse Georgette, pou evite ki en tel lensidan kot dimoun i bezwen fer lot demars pou ganny akse avek lans, parfwa dan bann landrwa difisil kot aksidan e lanmor i kapab arive? Mersi.

MR SPEAKER

Mersi Onorab. Minis ou larepons silvouple.

MINISTER FLAVIEN JOUBERT

Bonzour Mr Speaker. Bonzour bann Manm Lasanble Nasyonal e osi bann dimoun ki pe ekoute ozordi bomaten.

Mr Speaker i toultan tris, letan bann tel lensidan i arive. Pou konmanse ozordi bomaten Mr Speaker mon ti ava voudre de la par Gouvernman e osi pep Seselwa eksprim nou senser kondoleans avek lafanmir sa msye, ki malerezman in perdi son lavi dan sa lensidan Anse Georgette.

Nou konpran douler son pros, ki'n vin Sesel avek lentansyon pou pas en vakans me ki pe finalman retrouv zot avek en trazedi.

Mon osi oule Mr Speaker eksprim lapresyasyon pou bann Lotorite ek bann endividi lo Praslin ki'n donn lanmen, lannwit ek lizour pou fer resers pou sa dimoun.

Zot aksyon i montre ki Sesel i ankor annan en kantite bann bon kalite, malgre nou bann problem ki nou annan ozordi.

E sa i sirtou enportan pou tourizm, ki nou bezwen fer tou nou posib pou nou gard son bon repitasyon.

Mr Speaker mon ti ava voudre fer en lapel ki sa *trail* kot sa lensidan in arive, i pa enn ki ganny zere par Gouvernman. Sa *trail* i ganny trouve lo later lotel *Lemuria* e osi lo later en Mr Savy.

Ti annan en propozisyon date depi 2013 ant sa bann propriyeter ek Gouvernman pou zot amenaz en *trail*, ki pou ed bann kliyan ganny akse avek Anse Georgette. Sa propozisyon ti sipoze adres sa problem akse avek lans ki'n egziste ki depi ki lotel *Lemuria* in ganny konstri.

Sa morso *trail Cherimont* ziska Anse Lazio li i pe ganny netwaye par Gouvernman atraver lazans *LWMA*. E sa *trail* ki li menm li i par selman i annan en semen lo la i prop i ase laz i napa okenn difikilte pou bann kliyan ki'n servi sa bout *trail Cherimont*.

Lensidan parey nou konnen in ariv lo *trail* Anse Georgette e i napa pou fer avek sa bout ki Gouvernman pe *manage*.

Mr Speaker kot i konsern sa lensidan li menm, mon pa dan en pozisyon pou fer okenn komanter lo bann faktor ki'n kapab kontribye a sa lensidan. Akoz mon'n fer kontak avek Lapolis e zot dir mon zot ankor pe fer bann lenvestigasyon.

E osi zot ankor dan demars letopsi. E son bann rezilta letopsi i pa ankor sorti. Okenn analiz i ankor i osi pa ankor ganny fer lo sa teren, pou determinen kwa ki'n kapab kontribye a lanmor sa endividi.

Alor nou pa kapab vreman etabli si sa santye li menm, i poz en risk pou bann kliyan ki frekant *trail*, ouswa si i osi annan lezot faktor an zwe.

Lo Praslin li menm bann *trail* i ganny vwar dan Park Nasyonal ensi ki an deor park. Lotorite Park ek Zarden avan sa *SNPA*, i responsab pou amenaz sa bann *trail* tel parey glasi nwanr ki pe byen ganny mentenir e ki pou byento pou ganny ofisyelman ouver pou bann viziter.

Bann *Board* lenformasyon e lezot gidans pe deza ganny prepare avek tou lenformasyon neser pou asire ki zot lo en standar eleve.

Mr Speaker aksyon ki Gouvernman i annan lentansyon fer swivan sa lensidan, se premyerman pou diskite avek Lapolis, apre ki Lapolis in konplet son lenvestigasyon, pou nou vwar tou bann amelyorasyon ki merit ganny fer dan sa landrwa. E apre zwenn avek responsab sa *trail* pou travay avek zot pou met an plas bann mezir neser.

Dezyenmman, nou vwar li neser pou nou zwenn avek tou bann ki responsab *nature trail* lo later prive. E i annan serten *nature*

trail ki pa ganny administre par Gouvernman ki lo later prive, lo Praslin e osi lo La Digue, pou zot adopte bann menm standar ki ganny devlope pou redwir risk pou kliyan.

Lo tou bann *Board* lenformasyon dan larantre bann *trail* ki pe ganny zere par Gouvernman ozordi, i annan lenformasyon lo sa *trail* li menm an *Anglais*, an *Francais*, i annan lenformasyon lo son longer dan son elevasyon savedir oter ki ou espekte arive letan ou ariv letan ou pe travers sa *trail*, kantite letan ki i pran pou marse e osi en lendikasyon nivo difikilte, i annan menm en nimerò *helpline* pou bann kliyan ki an difikilte.

E Onorab en legzanp kler si ou pas dan larantre Glasi Nwanr, ou pou kapab lir lo sa *board* tou sa bann lenformasyon i la e i *up-to-date*.

Mr Speaker kot i konsern dezyenm kestyon ki pe demande, si Minister i pare pou pran aksyon kont bann letablisman ki anpes akse avek lans? Mon ava rebran sa fraz pou fer rapel ki sa *trail* Anse Georgette i aktyelman en lesey pou adres sa problem akse avek lans, ki'n egziste pou plizyer lannen, depi konstriksyon lotel *Lemuria*.

Me nou konnen Mr Speaker ki dapre bann diskisyon resan i annan potansyel dan sa landrwa pou fer pli pti santye ki konmans deryer *security gate* e pas lo *boundary Lemuria* pou ariv Anse Georgette.

Sa pti *trail* i sipoze mwen difisil konpare avek sa ki sa pli gran *trail* ki konmans kot *bus stop* Mont Plaisir. Sa *nature trail*, ti pou kapab ganny servi konman dezyenm opsyon pou fasilite bann viziter pou al lo lans Georgette.

E sa i en keksoz ki nou pou pourswiv avek sa letablisman pou nou vwar en opsyon pli fasil pou kliyan traverse, pou ariv Anse Georgette. Sirtou an vi bann lensidan resan.

Kot i konsern aksyon kont bann propriyeter ki anpes akse avek lans, dan nouvo Lalwa *Planning 2021*, i annan provizyon kler i permet Gouvernman e non pa Minister Lanvironnman, pou egzers en drwa e kree en akse avek lans letan i napa.

Kot i annan bann ka parey, Minister Lanvironnman pou travay avek Minister responsab ki pou *Planning*, e osi ou travay avek sipor *Attorney Zeneral*, nou pou travay ansanm pou nou kapab rezourd sa bann problem kot zot egziste. Mersi.

MR SPEAKER

Mersi Minis. Onorab Woodcock si ou annan siplemanter?

HON WAVEL WOODCOCK

Minis i pa fer premye fwa mon anmenn sa kestyon. Mon koz sa isi dan Lasanble Nasyonal, depi mon'n deza anmenn sa *issue* devan sa letan Minis ki ti la oparavan, si mon pa tronpe Minis Cosgrow ki ti - Onorab Cosgrow ki ti Minis sa letan, e avan i ti *SNPA* ki ti responsab bann *trails* lo Mahe e Praslin avek La Digue.

Minis sa konsern i en konsern ki la pou en bon pe lannen. I pa fer premye fwa ki nou annan kliyan ki perdi lo *trail*. I pa fer premye fwa ki kliyan i perdi lavi lo *trail*.

Pou ganny akse avek Anse Georgette i annan 3 fason ou kapab ganny akse avek Anse Georgette.

MR SPEAKER

Pa fer ou *statement* tro long Onorab, *proceed* ou kestyon.

HON WAVEL WOODCOCK

Mr Speaker i annan Mont Plaisir pas atraver kot lafanmir Volcere ou desann anba. I annan sa enn Anse Lazio, Cherimont Anse Georgette. Apre i annan sa *trail* ki *Lemuria* in fek fer. Sa *trail* ki *Lemuria* i fek fer pou akse avek Anse Georgette ki osi en lot konsern.

Minis mon'n al lo sa *trail* mon'n vizite e mon'n vwar poudir difikilte pou ganny akse avek lans. Mon kestyon i ou'n dir Minis poudir i annan bokou bann *trail*, ozordi i annan bokou bann *unmarked trail*. I annan bann *trail* ki pa tonm anba responsabilite *SGPA*, *SNPA*.

Mwan mon kestyon e sa bann *trail* pa pe ganny *maintain* - mwan mon ti ava kontan konnen ki si Minis *going forward* zot pa kapab fer resansman pou idantifye tou bann *trail* ki annan lo Praslin? Menm sa dimoun pe perdi lo sa bann *trail*.

Alor mon kestyon i eski zot pa kapab konmans en legzersis pou idantifye tou sa bann *trail* ki nou annan Sesel. Sirtou bann *trail* ki ganny frekante par bokou kliyan, pou met bann demarkasyon bann pano ki kapab diriz bann kliyan dan en fason *safe* pou zot ariv kot sa lans.

Kot i konsern Anse Georgette *Lemuria Minister*, *Minister* i annan en Lalwa ki nou'n pase *Physical Planning Bill 2021*. E dan sa Lalwa i fer lobligasyon pou bann lans ki enkli par e propriyete pou sa

propriyete donn en akse, ki dimoun i kapab fasilman kapab ariv kot sa bann lans, parey Anse Georgette avek Petite Anse.

E i menm dan sa Lalwa dan ba a Lartik 56 i fer provizyon pou *fine* en lotel *up to one million rupee* si i pe refize donn lasistans avek lans.

Minis *Lemuria* en bon pe lannen pe fer gro lebra. La ozordi pou kliyan ganny akse avek lans, i annan en *quota* ki zot donner. Sesel pa en problem pou ganny akse avek lans.

Me bann etranze ki lo later Praslin zot pa pe ganny permisyon pou antre lo lans akoz *quota* ki *Lemuria* ki'n mete. E sa mon santi Mr Speaker ...

MR SPEAKER

Onorab ou kestyon *please*.

HON WAVEL WOODCOCK

... I pa fer sans e i en keksoz ki bezwen ganny *deal* avek enn fwa pou tou, akoz zabitan Praslin i fristre Mr Speaker. Mersi bokou.

MR SPEAKER

Thank you. Mersi.

MINISTER FLAVIEN JOUBERT

Ok mersi Mr Speaker. Mersi Onorab pou sa de pwen. Mr Speaker lo kote resansman pou konnen lekel sa bann *trail*, nou'n fer en resansman nou annan lalis. I annan 12 *trail* ofisyel e apre i annan plizyer en dizenn e plis ki pa ofisyel. Me selman i annan serten pe servi bann vye brosir.

Ee La Digue par egzanp ou vwar sa bann *trail* pa ti bann *trail* i pa ti bann *trail* ofisyel, me zefor in ganny fer pou met bann pano lenformasyon. E lo bann lezot *trail* osi nou kapab kolabor ek sa bann dimoun, e travay avek zot pou fer sir ki zot mont lo sa standar. Akoz nou bezwen annan en standar pou *trail* dan pei, pou ki nou bann viziter i kapab evite antre dan difikilte.

Kot i konsern *access* avek lans, byensir nou pou angaz avek *Lemuria*, nou pou rod konsey legal osi sirtou prenon kont bann nouvo provizyon Lalwa e pou nou vwar en solisyon pou ou fer ki dimoun i kapab pase san difikilte e san ou restriksyon osi.

Akoz parey ou pe dir i annan bann restriksyon ki pe ganny an poze. Mon pa konnen si vre oubyen non, me selman nou bezwen fer sir ki dimoun i libreman kapab akse - *accede* lans san ki zot ganny restrikte.

Alors sa i en keksoz ki nou pou fer parey mon'n dir nou bezwen esper Lapolis konplet son travay. Akoz nou pa kapab *assume* ki sa lensidan in ariv akoz tel ou tel rezon, e nou bezwen kapab konpran byen kler ki bann rezon par deryer avan, ki nou deside pou nou fer tel ou tel aksyon. Mersi.

MR SPEAKER

Mersi. Onorab ou'n pran en kantite letan pou ou kestyon si ou annan klarifikasyon fer li vitman silvouple.

HON WAVEL WOODCOCK

Wi en senp pti klarifikasyon plito en propozisyon. Minis mon kestyon pou ou, eski i pa posib pou ou Minister mon krwar an partenarya ouswa organiz en *meeting* tou bann *stakeholders*, ozordi plizyer bann groupman, parey *Fresh Focus*, nou annan *TRASS*, nou annan menm Lotorite Distrik pou nou diskite en fason pou nou kapab ed kanmarad. Antre dan en partenarya avek menm bann lotel, bann plizyer bann groupman, pou nou gete ki mannyer nou kapab adres sa size. Mersi.

MR SPEAKER

Mersi Onorab. Minis ou ti a kontan adres sa?

MINISTER FLAVIEN JOUBERT

Wi Mr Speaker mon krwar i en propozisyon korek, e i en keksoz ki nou'n deza konmans fer dan lepase. E nou kapab lo kote Praslin relans en pe bann aktivite, zwenn ek bann ki annan *trail*. Akoz i annan plizyer ki annan *trail* ki nou'n deza annan bann bon relasyon travay avek zot.

Re-demar bann travay e kot i annan bann landrwa ki pa pe ganny latansyon lo la e nou ava rode ki kalite siport nou kapab anmenn pou fer monte standar. Mersi.

MR SPEAKER

Mersi Minis. Mon a pran kestyon Onorab Porice.

HON DOYACE PORICE

Mersi Mr Speaker. Bonzour Mr Speaker. Bonzour Minis avek ou delegasyon. Bonzour tou mon bann koleg *MNA* e tou dimoun a lekout.

Minis eski ou Minister pe zwenn avek lezot Minister ou lezot lorganizasyon lokal, pou travay avek bann gid kot nou konnen i annan bokou Praslin?

Mon dezyenm ki ou Minister pe fer pou diriz bann letablisman touristik lo Praslin, an regardan akse avek bann lans? Mersi.

MR SPEAKER

Mersi Onorab. Minis si oule kontinyen avek ou leksplikasyon.

MINISTER FLAVIEN JOUBERT

Mersi Mr Speaker. Mersi Onorab pou sa de kestyon.

Premye i konsern lezot lorganizasyon lokal, si nou pe al angaz avek zot ek bann gid.

Nou pe deza annan nou deza annan en linisyativ pou travay ek bann gid lo kote Curieuse, akoz Curieuse i sa landrwa kot nou ganny bokou bann demann pou bann dimoun travay avek kliyan.

Lezot landrwa se pa vreman *Parks and Garden Authority* ki pe travay avek zot. Me i annan en nesesite mon krwar pou nou al pe pli lwen, e travay avek zot lo kote lafason ki bann travay i ganny fer e bann diferan prekasyon e konsey eksetera ki zot nepli donn bann dimoun.

Parks and Garden Authority ozordi i ase okipe. I ganny byen okipe i annan tou bann lenformasyon ki i bezwen, si zot apresye zot pou ganny tou sa bann lenformasyon akoz i annan lenformasyon lo *trail*, i annan lenformasyon *online*.

Nou annan tou sord kalite fasilite kapab ed zot. E nou annan bann dimoun osi ki ekipe pou asiste zot.

Me si i annan en bezwen pou nou agrandi nou travay lo Praslin, nou ava fer li. Me parey mon'n dir nou zefor ti pe konsantre bokou lo Curieuse konmela.

Me lot keksoz se diriz ouswa koz avek bann lotel kot i konsern akse avek lans, sa i en keksoz ki ganny fer letan nou annan bann travay direk. Par egzanp i annan bann proze ki pe ganny fer la, i annan enteraksyon ant Minister ek sa bann lorganizasyon, koz avek

zot tou bann opsyon pou *access* ek lans. I pa en keksoz ki nou pe fer regilyerman pou pase pou gete si ou annan akse ek lans.

Me kot i annan problemm, ouswa kot i annan nouvo proze ouswa nouvo demann alor nou fer li.

E dan plizyer ka in ganny rezourd pa okenn gran problemm. Me si i annan okenn petet mon santi i annan okenn problemm partikilye ki zot ti ava kontan leve kot i konsern Praslin, zot kapab anmenn li devan. Nou ava met li konman en keksoz pou nou travay lo la e pou nou rezourd, pou asire ki sa sityasyon lans i ganny met anba kontrol lo kote Praslin. Mersi.

MR SPEAKER

Mersi Minis. Mon a pran kestyon Onorab Aglae.

HON EGBERT AGLAE

Mersi Mr Speaker. Bonzour Minis ek ou *panel*. Minis mon konnen poudir i pa pou dernyen fwa osi ki en dimoun i riske perdi lo en *trail*, akoz potansyel perdi i la.

Minis mon ti ava kontan demann ou dan sa laliny, eski zot pe travay etrwatman avek bann Lazans konsernen parey Departman Touris li menm. Nou annan bann lezot lazans osi ki ede pou zer sa bann *trail*, eski zot pe mazin vin avek serten mezir adisyonnèl, sirtou pou bann etranze ki pa konn lo teren atraver zot bann letablisman touristik ki zot pe reste ? Pou fer ki zot ava kapab konn egzaktèman lafason ki zot pou antreprann bann *trail* par bann sir e osi annan serten mezir pou kontakte bann etranze ki si zot perdi lo en *trail*, petet i ava annan en fason kot nou kapab *track* zot *down*, pou ki zot pa perdi pou zot al perdi zot lavi? Sa i enn.

Dezyenmman kot i konsern bann *trail* ki ganny konsidere nasyonalmman. Minis nou annan bann gid ki fer bann travay avek bann Lazans touristik, e baze lo sa petet demann ki pou revwar en pe lafason loperasyon pe ganny fer ozordi, eski zot pe mazin osi enkorpor serten eleman ki pa neserman bezwen vin obligatwar, me selman i ava annan en fason kot okenn etranze, ki pe pran bann larout pou al ver okenn *trail* dan Sesel i ava ganny gide.

En dimoun dan zot prezans ki i ava vin en fason ki osi i ava anpese ki personn pa perdi, ki personn pa perdi zot lavi? Mersi.

MR SPEAKER

Mersi Onorab. Minis ou larepons *please*.

MINISTER FLAVIEN JOUBERT

Mersi Mr Speaker. Mersi Onorab pou sa de kestyon. Onorab kot i konsern bann mezir adisyonnèl wi Lotorite ki responsab bann *park SPGA*, pe travay avek Minister Tourizim ek tou bann *partner* e osi bann *DMCs*. Pou trouv bann lezot fason pou ed bann kliyan ki pe sirkile lo bann *trail*.

Ou ava realize ki par egzansp lo sa bann bord ki pe ganny mete, enn bann keksoz ki aktyelman i merit lo la petet i annan en plas pou li lo la ki pa ankor ganny mete, se *QR code*. Sa *QR Code* se ki ou pran ou telefonn ou tir sa pti *code* lo la e i dir ou egzaktèman kot ou ete.

E letan ou'n ariv lo sa *trail* osi i bann *QR Code* lo bann pti post, bann pti poto an plastik resikle. Sa osi i kapab edik o kote ou ete, ki zistans ou ete. Ki direksyon ou sipoze pe ale, e konbyen letan i reste ou pou marse ziska ler ou ariv lafen sa *trail*.

Alor i annan bann lenformasyon ki la, ki pe ganny aranze i annan en nouvo *website* ki *SPGA* pe vin avek pou kapab annan bann map sirtou bann keksoz.

I osi nou konnen konmela i annan bann fasilite modern ki ou kapab met lo ou *mobile phone*, e sa i bann keksoz ki ou pou bezwen eksplòre avek *tourism* pou ki bann dimoun i kapab *upload* bann lenformasyon, e zot konnen egzaktèman kote zot ete. E si i annan okenn problem osi zot kapab kontakte serten dimoun imedyatman si zot dan difikilte.

Kot i konsern gid pou touris, byensir idealman ti ava byen si tou, touris i kapab ganny gide par en gou en dimoun pou ki zot pa perdi lo bann *trail*.

Me nou konnen poudir i annan plizyer ka kot touris i pran linisyativ dan zot menm. Parey dan sa ka, mon lenpresyon ki mon gannyan se ki zot ti'n al Anse Lazio apre zot in decide pou zot marse pou retournen. E zot pou decide pou fer sa *trail* tousel, problem in arive zot in perdi.

Me wi *Tourism* i devret pe fer plis zefor mon krwar dan serten ka pou ankouraz dimoun servi gid, me selman ou pa kapab fors en dimoun pou servi en gid, zis parey mwan avek ou nou al *overseas* i pa toultan ki nou pran en gid. I annan serten landrwa ou ale dan en Park Nasyonal zot fors ou pou en gid, me selman letan ou pe marse

lo nenport ki landrwa, ou pa ganny forse pou pran en gid. E i difisil pou obliz tou kliyan pran en gid pou zot al lo bann *trail*.

Me selman i en size ki byensir nou ava kapab met zwenn avek *Tourism*, e vwar ki mannyer zot kapab amelyor sa sityasyon. E fer ki annan plis mwen posibilite pou dimoun ganny sa bann problemm perdi lo *trail*. Mersi.

MR SPEAKER

Mersi Minis. Mon pou aret la pou sa peryod kestyon. Mon pou pas sa pti gin letan ki reste lo lezot kestyon pou *Oral Answers*, me selman, nou ava profite la nou ava pran poz.

Mon ava swet Minis byen kontinyasyon ki ou lazournen. E mersi bokou pou zot partisipasyon. Nou ava pran poz e nou ava retournen 11er mwen 10.

HON SEBASTIEN PILLAY

(Off-Mic)

MR SPEAKER

Silvouple ou ava adres mwan 11er mwen 10 silvouple.

(BREAK)

MR SPEAKER

Wi Onorab Pillay, ou ti'n lev lanmen. Ou a dir mwan pour kwa oubyen- ?

HON SEBASTIEN PILLAY

Mersi.

MR SPEAKER

Point of order. Matter of privilege.

HON SEBASTIEN PILLAY

Mersi. Mr Speaker, *Order 40*, *Order 40* avek *Order 39*, anba *Order 40* mon le *raise en matter of privilege*, ki konsern ki lefe ki mon'n anmenn en *PNQ* bomaten. E mon pa'n ganny sans fini demann kestyon, lo mon *PNQ*, akoz mon'n ganny dir letan pe fini.

Me selman nou'n *end up break*, 8 minit avan, ki ler ki nou sipoze *break*. Prezan mwan, anba *Order 39*, mon le fer en *personal explanation*. Mon keston bomaten, mon'n anmenn li aköz dan en moman kot Seselwa pe ganny demande, pou fer bokou sakrifis, delwil *Sunflower* pe ganny rasyonnen dan *STC*. Pri *fuel* in monte, bokou dimoun pe *struggle*.

E mon keston mon'n anmennen, pou fer Gouvernman realize poudir eski i normal, pou nou pe pey R121mil, en tiket *business class* pandan sa letan kot dimoun pe bezwen fer sakrifis, olye ki Gouvernman i osi, i asim son responsabilite parey! Parey i dir lamazorite dimoun fer. E mon pe servi platform Lasanble pou fer li.

MR SPEAKER

Stop Onorab Pillay. Onorab Pillay mon pa vwar sa koman en *personal explanation*. Alor mon demann ou, *ok*, ou'n fer *statement* si oule, permisyon pou fer en *statement* silvouple notifie mwan. E nou a regarde kote nou kapab met li.

HON SEBASTIEN PILLAY

(Off-Mic)

MR SPEAKER

Onorab, Onorab Pillay mon pe demann ou, silvouple pou obzerv, mon lenstriksyon dan mannyer nou gard lord dan sa Lasanble. Ou'n konpran mwan? Onorab.

HON SEBASTIEN PILLAY

Mersi Mr Speaker, an okenn ka mon annan okenn lentansyon pou mwan pa obzerv lord ki Lasanble i annan. Me i kler Mr Speaker, ki poudir i annan en zefor pou anpes bann pwen pertinan, ki konsern nou pep la deor, ganny pase dan Lasanble.

E si ou - si ou aksepte poudir, ler Minis i vin devan Lasanble e Lasanble pa kapab met presyon lo Gouvernman pou delivre pou sa pep ki'n met li la, *then* Lasanble pa pe fer son louvraz, ki pe sipoze fer.

E mon krwar ou osi ou bezwen aksepte poudir, ozordi bokou nou sitwayen i dan difikilte e ki'n neser pour ki i annan en sakrifis ki nou tou nou fer.

E si sa sakrifis i bezwen komans avek pli o lenstans Leta, bann Minis, e Prezidan zot menm, an relasyon ek zot *travel, then* i bezwen, komans la.

MR SPEAKER

Onorab Pillay...

HON SEBASTIEN PILLAY

... napa nanryen mal ek sa. Yes, Mr Speaker?

MR SPEAKER

Onorab Pillay ou pe fer en largiman. Mon a dir ou mersi bokou, *desist* silvouple. Onorab Lemiel, ki ou annan ou en *point of order*?

HON SYLVANNE LEMIEL

Mersi Mr Speaker. Mr Speaker mon le zis fer e n koreksyon.

MR SPEAKER

Wi.

HON SYLVANNE LEMIEL

Dan lenformasyon ki mon'n donnen, lo kote Onorab Ernesta, bomaten. Komite ki i lo la-

MR SPEAKER

Tre byen. Onorab.

HON SYLVANNE LEMIEL

Aparaman mon'n mank en komite. Se *Youth and Media Committee*, ki i form parti osi lo la. Savedir i lo *Standing Orders Committee*, apre lo *Youth and Media Committee*. Mersi.

MR SPEAKER

Mersi Onorab Lemiel. Madanm raporter, nou ava apel Minis pou kestyon - *Question for Oral Answers*. Mon bezwen remet devan Lasanble, ki zot bann sef dan ABC, in dakor ki nou pas *maximum number of questions*, ler en Minis i vini.

Alor nou annan en kantite kestyon, e zot in dakor lo la ki, kestyon siplemanter par lezot Manm pou ganny limite, aköz kestyon

letan. Sa tou lede kote latab in dakor. E nou bezwen prosede avek zis akoz pou nou *fit*, lakantite kestasyon dan letan ki nou annan. Mersi bokou. Wi.

HON SANDY ARISSOL

Non lo sa i *ok*. Nou'n tonm dakor. Selman nou pa donn menm Manm, sans pou li demann tou siplemanter li menm. Annou partaz en pe.

MR SPEAKER

Mersi pou ou komanter. Onorab Arissol. Bonzour Minis Marie-Celine Zialor. Minis pou *Family Youth and Sports*. E ou delegasyon osi byenveni Mr Ralph Jean-Louis *PS* pou *Youth and Sports* e Ms Penny Belmont *CEO Seychelles Youth Council*.

Nou pou komans kestasyon pour Minis Zialor avek kestasyon 27, pour rezon ki nou le *accommodate* Ms Belmont pou li al swiv en lot fonksyon. Onorab Labonte ou kestasyon silvouple.

HON ANDY LABONTE

Mersi Mr Speaker. Bonzour Mr Speaker. Bonzour Minis avek ou *panel*. E bonzour tou manm koleg Onorab. E en bonzour spesyal tou zabitan Larivyèr Anglez, e tou dimoun ki a lekout.

Mr Speaker, kestasyon nimero 27 i lir koumsa: -

Minis, eski ou kapab enform sa Lasanble, kan eski Sant Lazenes ki sitye dan distrik Larivyèr Anglez pou retourn konpletman a dispozisyon lazenes Seselwa, dan en fason ki nou lazenes ava kapab reganny en landrwa apropiye avek bann servis nesesser ki zenn i vreman bezwen, espesyalman la ki bann *hard drugs* parey eroïn e kokain pe kontinyen afekte nou lazenes? Mersi.

MR SPEAKER

Mersi Onorab. Minis, ou repons silvouple.

MINISTER MARIE-CELINE ZIALOR

Mersi Mr Speaker. Mersi Onorab pou kestasyon. Bonzour Mr Speaker avek ou lekip. E bonzour tou Manm Onorab. E bann dimoun ki a lekout.

Mr Speaker nou konpran akoz Minister Lasante, ti bezwen pran sa sant avek Konsey Nasyonan Lazenes, pou distribye *methadone* pou

ede avek nou bann zenn, zisteman ki Onorab, in dekrir ki lo bann drog. E kot zot ti pe, partaz, ouswa distribye *methadone*.

I pa ti apropiye, e zot ti demann led ek sipor. E vi ki, lazenes osi - Departman e Konsey, e i tre konsernen avek sa size, Pou tir nou bann zenn lo drog. Nou ti, i ti nesese mon krwar pou nou kapab, ede avek sa sant.

E dan lespri travay ansanm, nou pe diskite avek Minister Lasante, pou ganny en solisyon, pour ki sa sant i retourn kot *SNYC*.

Desizyon in fini ganny pran pou sa sant retournen. Be nou konnen lasante in pas dan pa mal difikilte, avek pandemik *COVID*. E zot ankor pe rod en solisyon pou zot kapab, rod en landrwa pou distribye *methadone*. E antretan nou bezwen travay ansanm avek zot.

E *PS* Jean-Louis in fer kozri, avek *PS* kot Lasante e zot pe, an kozri pou zot kapab ganny en solisyon, pour sa sant retournen.

E in fini deside poudir wi i pou retournen, nou bezwen zis regarde kan ki i pou retournen. Be antretan, nou pe fer le nesese pou fer aksesib sant Perseverance, ki ti pe ganny servi koman en *store*, pour ki kapab ganny servi zisteman pou deservi bann zenn dan sa rezyon.

E nou a remersye *NSC*, ki'n fer aksesib sa landrwa, pour ki *SNYC* i kapab *store* son bann lekipman kot *NSC*. E pour ki sa landrwa Perseverance i kapab lib, pou kapab ganny deservi pou bann aktivite pou bann zenn. Mersi Mr Speaker.

MR SPEAKER

Siplemanter Onorab Labonte?

HON ANDY LABONTE

Mersi Mr Speaker. Mersi Minis, pou ou larepons. Minis avek menm lespri parey, ou'n dir ki zot pe pran konsiderasyon, pou sa sant retourn a lazenes.

E nou konpran ki lasante, i vreman bezwen en lespas. Me selman dan lespri pou ed bann lazenes, lo nivo rezyonal e menm lo kote distrik, sirtou mon bann lazenes English River, ki vreman napa en landrwa pou zot defoule. Vi ki *Community Center* i apartyen, a Parti *US* e zot pa pare pou retourn sa a Leta.

So an menm tan, ki *DSAPTR* ki nou ti apel li *APDAR*, pe itiliz sa sant. E Stad Lanmizik pe osi ganny itilize par Minister Lasante. Eski lo en baz tanporer dan lentere lazenes, nou pa kapab bouz, sa bann

dimoun dan en sel lokasyon ki nou kapab, ganny en lokasyon ki omwen nou lazenes i kapab servi, pou defoule e dan zot lentere? Mersi Minis.

MR SPEAKER

Mersi Onorab. Minis repons *please*.

MINISTER MARIE-CELINE ZIALOR

Wi, mersi Mr Speaker. Mersi Onorab pou ou kestyon siplemanter. Mon pou reponn zis enn pti bout apre, avek ou permisyon Mr Speaker petet *CEO* Belmont i kapab eksplike enn pti git, aktivite pou bann zenn.

Nou pa kapab koz pou, Departman Lasante, ki mannyer pou organiz son travay. Sa mon pa pou kapab reponn. Be selman nou kapab dir, ki mannyer nou lo kote lazenes. Akoz i en sel Gouvernman.

Nou bezwen konpran, sityasyon kanmarad, problemn kanmarad. E nou pe koze, nou fini fer, sa bann desizyon e vwala, antretan nou pe rod en pe bann diferan opsyon dan sa enterim, ki sa bann desizyon pe ganny pran. E mon ti ava kontan kekfw petet *CEO* Belmont, i al elabor enn pti git. Mersi.

MR SPEAKER

Mersi Minis. Ms Belmont, nou a pas ou laparol.

CEO PENNY BELMONT

Mersi Speaker. Mersi Onorab. Dan lespri desantralizasyon, akoz avan nou ti dri tou program ti ganny fer anvil. Me nou pe sey desantralize, sey fer nou bann aktivite ek program dan diferan distrik.

E konversasyon, i pa zis avek Minister Lasante, akoz lazenes i partou li, i dan tou. Nou pe fer diskisyon, osi nou'n annan diferan *meeting* avek *Local Government*, ki zot osi zot annan diferan distrik. Zot annan bann lenfrastriktir ki nou kapab servi, pou bann zenn.

E osi avek *NSC*, akoz bokou bann landrwa kot nou ti abitye fer aktivite, i pou diferan landrwa. So nou pe revwar tousala. E i pa mal depi ler nou'n komanse. Wi nou ti annan en pe kontrent pou nou fer bann aktivite. Akoz ti santralize, la kot *APDAR* i ete. Wi nou pa'n kapab servi, me la nou pe revwar bann lezot, landrwa distrik. E nou pe santraliz par rezyon.

So avek sa nouvo manda SNYC ki pa fer aktivite, me i donn sipor, bann lezot *Youth-Led, organization*. Nou pe ed zot pou zot ganny bann alokasyon. Bann landrwa pou zot kapab fer zot bann aktivite, ki zot bezwen.

Me par kont, i annan bann *training*, zot bann *meeting* ki zot pe fer. Zot pe servi nou *Headquarters*, ki kot *SACOS Tower* pou lemoman, pou zot fer zot bann aktivite *meeting*. *Thank you*.

MR SPEAKER

Mersi mon a pran en kestyon Manm ki'n lev lanmen premye. Onorab Pillay.

HON SEBASTIEN PILLAY

Mersi. Bonzour Minis. Bonzour tou dimoun a lekout. Prenon kont ki kestyon pe dir, retourn sa sant ek Departman Lazenes. E Minis i en Manm, lo *Cabinet*. E bann *statement* ki'n ganny fer, vizavi sa bann dimoun ki pe servi sa sant.

So ki lenformasyon ki Minis i annan, lo alternatif, ki pou ganny propoze, pour sa ki pe ganny servi atraver sa sant ozordi? Savedir bann zenn ki lo *methadone*. Akoz zot osi zot zenn. Annou pa bliye zot osi zot zenn. Zot osi nou pe sey ed zot, so ki propozisyon ki Gouvernman i annan alors, pou sa bann zenn, si sa sant pe retourn pou lazenes, pou son pwen fonksyon an relasyon avek Departman Lazenes?

E kote sa bann zenn, pou ale - ou'n nonm Perseverance. Kan eski sa pou arive? Oubyen eski zot pou al dan klinik. Eski zot pou al dan klinik, eski Minis i annan lenformasyon. Lo *whether* sa program pe marse avek bann klinik. Si in komanse, oubyen si pa ankor komanse? Mersi.

MR SPEAKER

Mersi Onorab. Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab *Leader* Lopozisyon, pou ou kestyon. En gran mazorite son kestyon, Mr Speaker, i annan pou fer avek Minister Lasante. Akoz *APDAR* i en program Minister Lasante. Selman nou, ki nou'n nobou kapab fer, se ki dakor avek Minister

Lasante ki sant kot Konsey Nasyonal Lazenes, i pou retourn avek Konsey Nasyonal Lazenes.

Program pou ed bann zenn sorti lo drog, i pa pou arete li. O kontrer nou pe regarde, vwar, anmas bann statistik donn lenformasyon. E mon konnen poudir, *CEO* Belmont ansanm avek *NCC*, ansanm avek *PS Roucou*, pe regarde ki mannyer nou siport, Minister Lasante, avek bokou program prevansyon, pou anpes bann zenn tonm dan drog.

E apre osi, bann ki deza lo la ki mannyer nou fer, pa zis en alternativ kemikal ki pou lasante. Be lezot program ankor, ki pou ede sipleman sa ki lasante pe fer. Mersi Mr Speaker.

MR SPEAKER

Mersi Minis. Nou pou pas lo lot kestyon, e mon permet Miss Belmont, fer son depar si i bezwen, ale. Mersi Ms Belmont.

Prosen kestyon numero 25, Onorab Gervais Henrie.

HON GERVAIS HENRIE

Mersi Mr Speaker. Kestyon numero 25 i lir koumsa.

MR SPEAKER

Atann, mon a retourn en pti moman Onorab. Nou bezwen lezot zofisye, pou le kestyon numero 25. E madanm raporter i apel zot enn pti moman.

Byen wi mersi, *Sergeant*, nou a pran enn pti *sanitizing break* silvouple.

(technical break)

MR SPEAKER

Byenveni, lo delegasyon Minis. Mr Clive Roucou, Sekreter Prensipal pou Lafanmir, Mr Jean Larue *CEO National Sports Council*. Onorab Henrie ou a prosede ek ou kestyon. *Please*.

HON GERVAIS HENRIE

Mersi Mr Speaker. Bonzour tou dimoun. Kestyon numero 25 i lir koumsa: -

Eski Minis pour Spor i kapab donn en kontrandi sa Lasanble lo travay spesifik ki'n fer depi Novanm 2021, letan Sesel ti devwal son

plan pou ganny son premye meday Olenpik e ki rezilta sa bann travay ziska la? Mersi.

MR SPEAKER

Thank you, Minis repons please.

MINISTER MARIE-CELINE ZIALOR

Mersi Mr Speaker. Mersi Onorab, pou ou kestyon. Mr Speaker depi lanons, fer par Prezidan Ramkalawan dan son premye SONA. In annan en gran lentere dan, sport an zeneral Sesel letan, i annan en prononsyasyon ki'n ganny fer pou ganny sa premye meday Olenpik.

Mon mazine akoz zanmen en Prezidan Sesel in deza fer en prononsyasyon, lo en tel lakonplisman, nou'n toultan pe regard zis, pa pli lwen ki *Commonwealth Games*. Nou pa'n regarde. E ou a krwar i annan en lenerzi pozitiv dan sport ki'n deklanse, depi sa prononsyasyon, aotvwa.

E nou bann atlet osi, in ganny en nouvo souf. Pe fer tre byen. Zis pran legzanp li tim futbol zonn nasyonal, e nou futbol, tim futbol madanm osi tou, avek sa bann bon rezilta, ki zot anmennen. E la depi ler bann restriksyon in ganny tire, bann laplenn partou kot ou pase, zot a dakor ek mwan bann ki pas kot bann laplen, i preski plen.

Mon dir tou bann dimoun ki pe pratik sport, felisitasyon ki'n ganny sa nouvo souf. E nou ankouraz zot pou kontinyen. E fotespere ki lapopilasyon Seselwa i deryer zot. E nou zwenn zot.

E bann lorganizasyon prive, osi e bann Diplomat in osi komans donn nou sipor. Tel ki program lekol segonder *Premyer League*, pa zis pou pou bann garson. Me osi nou'n lans pou bann fiy tou avek Lanbasad Britanik.

E ansanm, Minister ansanm avek SOCGA Mr Speaker, in etabli en Komite pou kordin lenplimantasyon sa linisyativ, pou ranport sa premye meday Olenpik.

E zot pe travay pou drafte, en Term Referans sa ki nou dir en *TOR*, an Angle. E bann lasosyasyon sportif in komans idantifye bann atlet avek zot bann dosye. E zot pe al lo sa program byento.

Nou pe apros bann lenstitisyon, e lorganizasyon enternasyonal pou plas sa bann atlet. Lantrener, e lezot ankadrer, osi dan nou bann demars pou ganny sa meday.

E mon ti ava kontan senserman, remersye Mr Speaker tou dimoun ki pe, ede pour akonplir sa misyon. E misyon tre, tre enportan pou nou ganny sa meday Olenpik. Mersi Mr Speaker.

MR SPEAKER

Mersi Onorab Henrie, siplemanter.

HON GERVAIS HENRIE

Mersi Mr Speaker. Mersi Minis, pou larepons. Mon ti ava kontan Minis i donn nou en pe plis detay lo dabor lenfrastriktir, pou asire ki bann atlet i antrenn, par egzantp ouswa *compete* dan en landrwa ki konvenab. So ki pe fer dan sa direksyon?

Dezyenmman i annan resours imen, an term bann ankadrer, pou kapab swiv bann atlet ki ava ganny idantifye. Pa neserman bann ki pe vwayaze, me bann ki lokalman, bann ankadrer lokalman.

E trwazyenmman, an term resours finansyel, ki kalite Bidze, ki zot pou anvizaz-e met dan target sa prononsyasyon parey ou'n dekrir li? Mersi.

MR SPEAKER

Mersi Onorab Minis.

MINISTER MARIE-CELINE ZIALOR

Mersi Mr Speaker. Mersi Onorab pou ou Kestyon Siplemanter. I annan bann, detay ki *PS* avek *CEO* i kapab donner Mr Speaker avek ou permisyon.

Mon ti a zis kontan, pour azoute ki sa program ki nou a pe koz lo la, la, i en program, i annan 5 diferan program sport kot *NSC*.

Sa program ki la i enn ki, nou viz ver bann dimoun ki plito, pe fer spor profesyonnel. E lamazorite, ou kestyon ki ou'n demande lo lenfrastriktir, lamazorite zot, zot pou ganny plase aletranze.

E bann ankadrer e lezot osi tou sa bann *training* ki pou ganny fer osi tou. E sa kestyon lenfrastriktir, mon krwar ti annan en lot Onorab ti'n demann en kestyon osi lo lenfrastriktir ki nou kapab pran.

Me selman sa bann spesifik ki ou pe demande, *CEO* Larue i ava kapab donn enn pti pe plis *feedback*. E lo kote osi tou bidzeter, lo enn pti plis lo sa program spesifik, ki kot departman, ki *PS* Jean-Louis i a donn enn pti pe plis detay.

Mersi Mr Speaker. So avek ou permisyon, mon ti a kontan ki PS Jean-Louis i ava reponn enn pti git lo kote bidzeter e lo programm spesifik pour sa programm, e CEO i reponn lenfrastruktir. Mersi.

MR SPEAKER

Bon dakor. PS premye.

PS YOUTH AND SPORT RALPH JEAN-LOUIS

Mersi Mr Speaker. Mersi Onorab, pou ou kestyon. E bonzour tou Manm Onorab. E tou dimoun ki pe ekoute. Konsernan sa programm, parey ou'n dir mon krwar konsern i vin lo resours imen, lenfrastruktir e resours finansyel.

E parey Minis in dir sanmenm sa, nou pe etabli nou kontak ek bann, nou bann lo *international corporation* ek bann pei vwazen, ek nou bann Pei Zanmi, pou nou kapab rod debousman pou nou bann atlet.

E nou konnen pou lemoman, pou nou ariv sa nivo Olenpik, nou bezwen pe *train* ase bokou pli o ki nou pe fer lokalman. E sanmenm sa rezon ki, nou mazine pour sa premye faz ki nou pe koz 2024, i sa plan ki sa komite, ki enkli SOCGA, NSC e osi Departman Sports dan Minister Lazes ek Lafanmir, nou'n realize, e nou pe travay ver sa.

Parey Minis in dir, nou'n an kontak ek bann lasosyasyon pou zot idantifye zot bann atlet, ki pou al lo sa programm. E ansanm, nou'n ganny lalis, nou pou pas lo la avek zot.

E nou pou fer bann lasosyasyon kot i annan bann pti keksoz ki pa kler oubyen ki nou bezwen klarifikasyon, avan ler nou devwal lalis sa bann atlet ki'n ganny mete lo sa programm, pou viz ver sa meday Olenpik.

Me selman an dizan sa, ler nou pe koz lo sa meday Olenpik, parey Minis in dir. I en mouvman sa, i bezwen komans partou. Ou pa kapab ekspekte zis sa pti group, pe target sa meday *Olympic*. Nou, nou pe zis *hope and pray*. Ok?

I tou dimoun i bezwen donn, sa lankourazman, tou dimoun i bezwen fer en zefor. E nou krwar ki nou kapab, fer li. Lo kote *sports*, nou'n vwar ler nou'n annan sa linite, sa solidarite, nou mazin Zwe Dezil 2011.

Si oule al enn pti pe pli deryer, ou mazin 1993 kot tou ti annan tout en popilasyon deryer nou. E nou kapab vwar nou menm ki rezilta nou pei ti fer dan sa bann zwe. So pou sa meday Olenpik, nou demann sipor tou dimoun.

E petet mon a pran sa lokazyon ozordi pou lans sa lapel pou bann lorganizasyon, ki enterese pou asiste nou, pou asiste nou bann atlet, nou pare, nou la, pou nou ekout zot. E zot vin devan pou aport zot soutyen ek zot sipor pou sa Komite ki pe viz ver sa meday Olenpik. Mersi Mr Speaker.

MR SPEAKER

Mersi *CEO*. Ou azoute.

CEO NSC JEAN LARUE

Mersi Mr Speaker. Bonzour tou bann Manm a lekout. E manm piblik. Kestyon se ki, nou'n koz de keksoz lo fasilite, avek resours imen Onorab. Wi sa ki enportan pou nou, pou nou kapab ganny sa meday Olenpik en zour, fasilite i enportan, e fasilite i devret lo nivo.

Me solman antretan nou rekonnet - nou rekonnet poudir nou, nou annan fasilite ki pa lo sa nivo, ki nou, nou ti ava swete. Me i en travay ki nou'n deza komanse pou met li lonterm.

So alors nou konsantrasyon i plito, lo bann fasilite ki aletranze. Ki donn bann fasilite ki nou napa par egzantp. Lasyans sportif, medikal, bann eksetera. Ozordi bann keksoz ki bann dimoun, *top* nivo pe servi.

So letan nou met - nou'n vwar legzanp kot letan nou bann atlet i al dan sa bann lenstitisyon aletranze. Lakantite erdtan *training* ki zot in gannyen, kapasite ki zot in gannyen dann sa bann lenstitisyon, zot in retournen, avek rezilta. So nou'n al dan sa direksyon.

E dezyenm, an sa ki konsern resours imen. Nou, nou'n deza fer en pe konversasyon avek bann lenstiti. Bann liniversite aletranze. Ki zot, zot in pare pou anvoy bann *coach* etranze vin donn nou en koudmen.

E la mon kapab dir, ou'n dernyen konversasyon ki nou'n annan avek *ex-Minister Spor La Croatie*, Nou'n annan zis pou donn zot, egzaktman lekel ki nou le. I menm zafer ek *La Bulgarie* ki zot in dakor pou pran apepre, 12 atlet pou met dan zot lenstitisyon.

E *La Bulgarie* i enn bann landrwa, ki tre, tre bon dan naze, atletik. So se sa lapros ki nou pe pran, Onorab. Mersi.

MR SPEAKER

Mersi. Mon a pran kestyon Onorab, William.

HON WAVEN WILLIAM

Mersi Mr Speaker. Bonzour Minis avek ou lekip. Minis mon ti a kontan zot eklersi sa Lasanble. Par lefe ki dan lepase nou'n koz *High Level Sport*, ki mon krwar nou pe refer avek bann profesyonnel.

E mon a dir ki nou annan en bon pe lenformasyon. E mon ti a kontan ki Minis ou son bann zofisyè *Senior*, zot dir avek sa Lasanble, menm si nou pe rod plizyer meday Olenpik, me ozordi nou'n devret kapab, konnen dan ki disiplin ouswa ki spor ki endividyel i fer, ki nou kapab ganny meday lor. e ki par lefe ki nou napa resours. Nou resours i limite, pou zot kapab dir nou lekel sa bann disiplin ki zot pe targete?

Epi dezyenman, mon konnen aköz mon ti enplike dan bann demars dan lepase. I annan bann pei ki atraver bann Lanbasad, i annan led zot kapab ganny. I annan bann *MOUs* ki'n gannyen dan lepase. E mon ti ava demande ki ou Minister zot regard sa bann *MOU*, aköz i annan en ta lasistans, ki bann pei ki nou annan bann Lanbasad, zot pare pou donneren.

Me selman problem, Minis se ki i annan serten nou bann atlet, ler i nonm serten bann pei, nou pe ganny tou keksoz gratwit, nou pa tro, tro anvi al lo sa bann pei. Mersi.

MR SPEAKER

Mersi Onorab. Minis, repons *please*.

MINISTER MARIE-CELINE ZIALOR

Mersi Mr Speaker. Mersi Onorab, pour ou kestyon avek ou lenformasyon. Definitivman sa komite, i fek ganny etabli li. Aköz prononsyasyon nou'n fer, apepre en 4,5 mwan pase. Ki kot nou'n vremen asize, pou nou kapab avek *SOCGA*, regard posibilite.

E i ankor dan son staz, enn pti pe anfantil. Aköz nou pa anvi fer en keksoz, zis nou anonse. En keksoz ouswa ki zis nou a pe tay taye, nou'n prononse. Nou pe fer plan konkret. E nou depan bokou lo lasosyasyon e Federasyon Sportif. Zot ki pou donn nou atlet. Zot ki poudir nou ki nivo, e zot bezwen donn nou ek dosye, avek lenformasyon konkret. Pa zis a mwan mon krwar Paul, mon krwar

Tom. Zot bezwen donn nou egzakteman e son bann rezilta ki sa atlet pe fer.

E apre vwala, ki *PS* Jean-Louis ti pe eksplike sa komite. E komite pe esper ankor dosye finalize. I pou annan lenformasyon tre byento, ki sa komite pou vin devan, pou vin eksplike, pou vin donn egzakteman lekel atlet, konbyen atlet. E apard sa nou ava konnen konbyen, son Bidze i pou koute.

Ou dezyenm pwen konsernan Lanbasad, definitivman se sa ki *PS* avek *CEO* pe fer. Zot louvraz, preski tou le semenn, kot zot a pe regard sa bann *MOU*, e zot a pe regarde fer bann kontak, atraver *Foreign Affairs* byensir. Pou nou kapab konnen lekel sa bann pei, pou nou kapab konnen lekel sa bann disiplin, lekel bann atlet, lekel ki nou krwar rezilta i pou vini.

Kan ki i pou vini, tousala i en prosedir syantifik ki nou pe fer. Pa zis parey siport oparavan in ganny regarde koman en keksoz enn pti pe, enn pti pe petet mwen akademik.

Nou pe fer li dan en fason akademik. Vwala akoz i pe pran enn pti pe plis letan. E nou bezwen fer sir ki tou bann dimoun, par egzanp nou bann lasosyasyon, Federasyon sportif. I avek nou, e zot pe zot pe travay avek nou pou nou kapab fer sir nou ganny sa bann lalis, pou nou kapab apre vin donn tou detay, devwale. Byento i ava vini Onorab. Mersi Mr Speaker.

MR SPEAKER

Mersi nou a pas lo prosen kestyon nimerò 26. Onorab Andy Labonte.

HON ANDY LABONTE

Mersi Mr Speaker. Ankor enn fwa bonzour zot tou. Minis kestyon 26 i demann koumsa: -

Minis, eski i en norm ki ler okenn atlet Seselwa, endividyelman ou lekip, ki ganny en meday lor e fer paviyon Sesel mont pli o, i ganny rekonpanse finansyerman koman en *token* lankourazman lo son retour Sesel? Mersi.

MR SPEAKER

Mersi Onorab. Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou kestyon. Mr Speaker larepons i senp, wi. Me selman sa i aplik pou zis bann konpetisyon mazer. Tel ki Zwe Olenpik, Zwe *Commonwealth*, Zwe Dezil. E bann konpetisyon ki Gouvernman i anvoy bann atlet. Savedir, i al lo non reprezant Sesel.

Pou lemoman mwayen, pa permet pou enkli, okenn rezilta kalifikasyon, ouswa bann konpetisyon ki klib, ouswa lasosyasyon, Federasyon sportif i anvoy atlet. Mersi Mr Speaker.

MR SPEAKER

Mersi. Siplemanter Onorab Labonte.

HON ANDY LABONTE

Mersi Minis, pou ou larepons. Minis savedir ou pe konfirm avek nou, ki si en *sportsmen*, swa en lekip oubyen endividuelman i ganny envite pou li al partisip dan en konpetisyon aletranze.

E finalman, nou paviyon i mont pli o. Si pa Gouvernman, ou Minister ki'n anvoy li. *Therefore*, ler i retournen, kantmenm in fer nou fyer. I pa ganny rekonnet pou son *achievement* ki in fer.

E dezyenmman, eski ou annan lenformasyon si sa bann konpetisyon, sa bann dimoun ki organiz sa bann konpetisyon aletranze, zot, zot rekonpans sa atlet lo kote finansyer? Mersi.

MR SPEAKER

Mersi Onorab. Minis repons *please*.

MINISTER MARIE-CELINE ZIALOR

Mersi Mr Speaker. Mersi Onorab pou kestyon siplemanter. Avek ou permisyon Mr Speaker, *CEO Larue* i ava kapab reponn sa dernyen kestyon.

Sa enn premye, bann konpetisyon mazer in fini prononse mon'n dir, pour lemoman. Akoz nou tou nou konnen, nou'n pas dan en sityasyon la, kot ki mannyer Bidze i ete. E nou napa Bidze pour rekonpans diferan konpetisyon.

E i annan en kantite konpetisyon, ki ganny fer. Kantite, diferan nivo. E nou bezwen regard dapre nou, mwayen ki nou annan Mr Speaker. Mon ti ava swete pas laparol avek *CEO Larue* pou elabore. Mersi.

MR SPEAKER

CEO. Wi.

CEO NSC JEAN LARUE

Mersi Mr Speaker. Mersi Minis, mersi Onorab pou ou kestyon. Konsernan sa bann lenformasyon lo sa bann konpetisyon ki ganny organize, aletranze. Wi.

Akoz sak fwa par egzanp, en group atlet oubyen Federasyon zot ganny lenvitasyon, Vandredi pou ale lot semenn. Nou al rode nou, akoz ozordi lenformasyon i lib, i kler.

E i annan, letan i sorti premye sa konpetisyon, zot ganny meday lor oubyen, parey zot devret gannyen. Me pa tou sa bann konpetisyon, ki annan, ki vin avek en rekonpans monneter.

Sel bann konpetisyon ki nou ofisyelman, nou rekonnet se sa bann ki pei pe, zot al reprezant pei. Akoz sinon nou pou vwar nou avek en kantite konpetisyon, kantite menm, i annan en kantite deor. E sak fwa nou ale, sak fwa nou pou ganny meday, pou rezon finansyerman, nou pa kapab met zot. Mersi.

MR SPEAKER

Onorab Labonte, ou'n ganny ou en siplemanter si ou annan klarifikasyon vitman *please?*

HON ANDY LABONTE

Enn pti klarifikasyon Mr Speaker. Mersi Mr Speaker. Mersi Minis, CEO pour ou larepons. Minis rezon ki mon pou demann sa. Akoz ler mon pe get kestyon numero 25, ki'n koz pou nou kapab *achieve* en meday lo kote Olenpik.

Dan lespri pou nou ankouraz atlet. Si en atlet li, in donn tou, in fer tou son kontak li menm li. E ler nou pe gete ou kapab pe - mon pa poudir gaspiy larzan. Me nou pe depans bokou larzan lo serten, sport ki petet nou pa pou zanmen ganny en meday Olenpik lo la.

Me li sa atlet, sa spor ki i pe fer nou vwar poudir demen nou kapab ganny en - i annan potansyel pou anmenn en meday dan Olenpik. Me selman ler li i retourn Sesel, i pa ganny rekonnet zis akoz pa Minister ki'n anvoy sa.

Eski nou pou, sirtou si i anmenn en meday lor ki zanmen nou'n deza resevwar lo later Sesel? Mersi.

MR SPEAKER

Mersi. Mon pa'n tro konpran ki klarifikasyon ou'n rode. Eski Minis ou anvi adres sa?

MINISTER MARIE-CELINE ZIALOR

Wi, mersi Mr Speaker. Mersi Onorab pou ou konsern. Mon apresye, konsern Onorab Mr Speaker, pou nou bann atlet. E pour bann dimoun ki anvi amelyor zot bann rezilta.

Mon garanti Lasanble Mr Speaker, tou atlet ki fer bann rezilta, si i pa ti lo nou program. Nou al rod zot, nou al rod zot. Me parfwa Mr Speaker, ler nou a l rod zot e zot ganny serten benefis, ouswa zot ganny met lo program.

Zot pa dir, zot pa dir avek medya. Ler zot mekontan kekfwa petet, zot kontakte lezot dimoun zot dir. E en kantite fwa lannen pase, sa lannen kot NSC, kot mwan mon konnen poudir nou'n ed en kantite bann atlet, ki i riske pe ganny problemm avek son Federasyon, avek son lasosyasyon, kot nou, nou vini, nou fer, nou sey met lape. E nou sey rod fason.

Tou atlet nou garanti, tou atlet ki anmenn rezilta pour Sesel, pou son klib, pou lasosyasyon, pou pei. Nou si nou kapab ed zot, ki mannyer nou kapab ed zot, nou koze nou regarde ki mannyer nou kapab ede. E dan plizyer fwa, lamazorite fwa Mr Speaker, nou ede bann atlet.

Be selman nou annan en Bidze pou travay avek. E parfwa i annan bann atlet Mr Speaker, sa osi zot pa, i pa vin en petet kekfwa dan domenn piblik. Zot bann demann, ki taler mon krwar Onorab William ti pe koz lo la enn pti git.

Ki zot fer, i fer ki tou sa Bidze pou al pou zis en atlet. Ki lezot atlet pa pou ganny sans. E i annan, dan re-klasifikasyon sport ki'n preski fini travay lo la.

E parey mon pe dir sa bann travay administratif, parey nou dir an Angle *behind the scenes*, par deryer rido dan spor pe ganny, fer entansivman, toulezour pou nou kapab anmenn standar anmenn disiplin ladan.

Anmenn akademik ladan, anmenn lasyans ladan pou fer li byen. Vwala petet kekfwa i pa ankor ariv lo lasenn pou nou vwar sa bann rezilta enn pti pe deswit. Kot mon konnen poudir nou enn pti pe enpasyan. E ki nou anvi. Be nou anvi vremen, e letan nou donn

program, nou donn detay, nou egzakteman konnen ki nou a pe dir letan nou pe donner.

Par ler i bon, ou pran letan pou fer keksoz byen. Me selman mon antann, konsern e mon partaz ou konsern Onorab, definitivman, avek sa bann atlet. E letan nou'n abitye, parfwa osi, se labitye dan en serten fason, kot i annan bann atlet ki fer letour lemond, partou. E ki zis apre anmenn en *Bill* ki *NSC* in peye.

Sa i larzan piblik, nou bezwen fer sir poudir nou rann kont. E ki i annan en sistenm ki ekitab, ki *fair*. E definitivman nou tann ou konsern pou bann sport ki pe anmenn rezilta. Vwala aköz nou pe demann lasosyasyon Federasyon en dosye, ler ou annan dosye.

Ou annan parey zot pei i fer, tou atlet i annan en dosye avek tou son rezilta, ladan. E tou atlet ki anmenn rezilta definitivman, nou pou donn bokou sipor pou nou kapab, fer sir ki zot kontinyen zot parkour. E ki zot kontinyen anmenn rezilta. Mersi Mr Speaker.

MR SPEAKER

Mersi mon a pas lo prosen kestyon nimerò 28. Onorab Sylvanne Lemiel.

HON SYLVANNE LEMIEL

Mersi Mr Speaker. Mon kestyon i al koumsa: -

Etan donner ki sa morso teren dan *Leisure Park* Anse Royale kot Minister Lenvestisman atraver *ESA* ti pou fer kiosk e lezot lenfrastruktir pou lwazir, kot sa ti pou benefisyè bann dimoun ki dan domenn pti biznes e osi bann antreprenè dan Anse Royale e la rezyon, in ganny transfer avek Minister Lafanmir. Eski Minis i kapab dir sa Lasanble e osi zabitan Anse Royale, ki son Minister i annan plan pou fer dan sa landrwa ?

MR SPEAKER

Mersi. Minis repons *please*.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Mr Speaker, sa lenformasyon i pa korek. Mon a donn zot lenformasyon ki korek Mr Speaker. Proze ki Lantrepriz Sesel *ESA*, ti anmenn dan *Cabinet* konsernan sa proze.

Pa ti ganny aprouve akoz ti annan bann *stall* ki ti pe vann zis lalkol. *Cabinet* ti demann *ESA*, pou zwenn avek Minister Lafanmir Sport ek Lazenes, pou revwar sa plan, pou enkli aktivite pozitiv pou nou bann fanmir.

Sa travay, napa transfer ki'n ganny fer, sa travay pa ankor fini ganny fer. E nou ankor pe analiz, byen sa landrwa pou kapab fer plan apropiye vi ki lespas, kot sa proze i sipoze etc.

Sa lespas in pa'n byen ganny servi, e nou de Minister Vidot nou a pe ankor an diskisyon, pou nou regarde ki mannyer nou kapab fer en proze la.

E Mr Speaker, i regretab dan sa plan ki ti la, ki sa landrwa Anse Royale la in ganny donnen trwa kar landrwa pou fer, stasyon *SFRSA*. I nesese en stasyon definitivman.

Be eski, sa ti landrwa apropiye pou met li? E lot kote, nou i annan en *substation PUC*, i osi nesese. Be eski, i ti en landrwa pou met li ankor? Alors, vwala rezon nou a pe sey rod en fason pou travay avek ssa bout later ki nou'n gannyen la, i pa en gran bout later. Be selman nou plan pou nou kapab konkretiz li tre byento. Mersi Mr Speaker.

MR SPEAKER

Mersi siplemanter Onorab Lemiel.

HON SYLVANNE LEMIEL

Mersi Mr Speaker. Mon vreman dezapwente avek larepons Minis. Akoz i pa sa, ki nou ti ganny dir. Minis, mon ti a kontan mwan osi fer en koreksyon.

Akoz mon pa konnen la lekel ki annan bon lenformasyon, lekel ki napa bon lenformasyon. Dan sa plan ki'n ganny fer, ki mon annan en kopi ek mwan sa plan.

Sa plan ti annan 5 kyos, e dan sa bann kyos, ti napa zis kyos, lalkol. Mon pa konnen kot sa lenformasyon i sorti, me dan sa plan, ti annan kyos, enn pou vann manze, ti annan enn pou vann bann zafer konfitir, bann keksoz koumsa, ti annan de kiosk artizanal, manze Kreol, pou vann. Ti napa sa zafer lalkol.

Ti annan bann dyous Kreol, bann keksoz koumsa. Mon vwar i drol ki ozordi dan nou Lasanble. Nou pe ganny sa kalite lenformasyon. E se sa ki mon pe dir, Minis mon pa konnen si ou, ki ou lenformasyon i byen. Si mwan ki mon lenformasyon i byen.

Me ti annan en *Development Committee*, ti'n ganny etabli Anse Royale Mr Speaker. E nou ti diskite, e *CEO ESA* ti lo sa komite, bann dimoun kot *Planning* ti lo sa Komite. E nou annan plan tou nou *project design* li menm. *Project proposal* ki ti'n ganny fer, ti napa zafer lalkol.

Ti annan en *stage* ki ti pou ganny fer tou. Tou sa ladan. I ti en proze ki ti'n byen ganny konsewar. Mon pa konnen kote sa zafer zis lalkol in sorti pou Minis dan Lasanble. Mersi.

MR SPEAKER

Nou'n konpran. Nou'n konpran ou pwen. Permet Minis klarifye lenformasyon lekel ki korek, dapre li. Minis mon sipoze dan son Minister, i annan lenformasyon ofisyel. Minis.

MINISTER MARIE-CELINE ZIALOR

Mersi Mr Speaker. Mersi Onorab pour lenformasyon ki ou annan. Be selman Mr Speaker, sa later i pa'n ganny transfer avek Minister Lafanmir li. I pa'n ganny, napa transfer ki'n ganny fer, ki sa proze in vini.

Cabinet in demande ki Minister Lenfrastriktir, Lenvestisman avek Lantreprenarya, atraver *ESA*, ansanm avek Minister Lafanmir Sport ek Lazenés. Asize regard en lot proze. Sa proze pa'n aprouve par *Cabinet* ki la an se moman, sa proze.

E nou sa proze ki mannyer in vini, ganny eksplike definitivman i pa en proze ki nou, nou krwar i bon, pou lafanmir. E nou krwar poudir nou kapab fer meyer, e si ou regarde en pe partou, nou napa tro gran bann landrwa bann sit. Ki nou kapab fer aktivite pou bann lafanmir.

E nou kapab parey mon pe dir toultan, nou kapab agree pou dezagree. Nou pa kapab pe ekspekte kekfwa en plan, ki Gouvernman oparavan ti krwar i bon. Sa Gouvernman ki la li osi i bezwen krwar i bon.

E dan sa proze, kot kyos letan i ti vini. Akoz mon konnen kekfwa ki Onorab Lemiel, ki plan i ti ganny prezante avek. Plan ki nou, nou ti ganny prezante avek, i pa ditou li. E vwala akoz *Cabinet* pa'n aksepte sa plan.

E nou'n ganny demande pou nou kapab, al revwar ki nou kapab fer keksoz ki pli pros avek fanmir, ki pa zis biznes. I pou annan, son bout lantreprenarya. Me selman ki osi, en landrwa ki nou kapab fer

fanmir avek. Vwala lenformasyon, ki korek Mr Speaker, ki annan e ki i annan osi tou, lo e in ganny limite akoz ti en *Cabinet meeting*, sa lenformasyon.

E nou kapab debate ziske demen bomaten lekel lenformasyon ki i annan ki vre ki pa vre.

Be selman sa ki nou, nou ganny prezante avek *Cabinet*, vwala ki ti ganny prezante avek sa program. E nou, nou pa'n dakor avek sa program. E nou'n avek sa plan, e nou'n regarde ki mannyer nou'n kapab, refer en plan ki nou, nou krwar i pli bon pour sa landrwa. E pli bon pou bann fanmir.

Sirtou sa *area* ki nou apel, par ler bann *prime land* bann landrwa, kot nou kapab fer landrwa kot bann fanmir i kapab vini vin defoule. Ansanm zanfan, bann zenn, bann enn pti pe pli aze.

Pa bliy nou bann zanfan ek dezabilite osi, tou ki nou kapab ganny bann landrwa. Vwala ki nou a pe koz lo Mr Speaker.

MR SPEAKER

Mersi Minis. Onorab Lemiel nou pa pou *argue* avek Minis lo lekel ki plan. Si ou le al lo lot pwen klarifikasyon, mon permet ou.

HON SYLVANNE LEMIEL

Mr Speaker mersi. Mon anmenn sa kestyon pou mwan rod klarifikasyon menm pou dimoun Anse Royale, ki pe demande Mr Speaker.

So mon bezwen kapab demann mon klarifikasyon.

MR SPEAKER

Wi me ou'n fini fer ou pwen. In reponn ou en fwa, de fwa.

HON SYLVANNE LEMIEL

Mersi mon ankor annan pwen pou fer Minis, Mr Speaker. Mon ankor annan mon pwen pou mwan fer Mr Speaker.

MR SPEAKER

Mon pe dir ou, kler nou'n *settle* sa pwen, lo lekel plan ki Minis i annan e in donn ou lenformasyon.

So si ou annan en lot kestyon, ou pa bezwen, ou pa kapab kontinyen *argue* avek li lo lekel plan ki byen.

(Interruption)

MR SPEAKER

Savedir, *order! Order* silvouple. Prosede si ou annan lot kestyon poz Minis.

HON SYLVANNE LEMIEL

Mr Speaker mersi. Ou pa konnen ki mon pe al dir Minis ! Mon pa pe al argimant ek Minis, mwan !

MR SPEAKER

Ale prosede.

HON SYLVANNE LEMIEL

Mon annan klarifikasyon, ki mon le fer. Minis in dir ki sa later pa ankor ...

(Interruption)

MR SPEAKER

Order!

HON SYLVANNE LEMIEL

Be ki arive la?

(Interruption)

MR SPEAKER

Order! Onorab prosede ek ou kestyon silvouple.

HON SYLVANNE LEMIEL

Minis in dir ki sa later li menm i pa ankor ganny transfer. Sa mon okouran, sa. Prezidan ti vin dir isi dan nou Lasanble ki sa later, pe al ganny transfer ek Minister Lafanmir.

Mwan mon annan rekomandasyon avek Minis, *ok?* Zot pe koz travay ansanm, zot pe koz *whatever*.

(Off-Mic)

HON SYLVANNE LEMIEL

Onorab Woodcock! Les mwan demann mon kestyon!

(Interruption)

MR SPEAKER

Ale, *stop! Order! Order!* Silvouple bann Manm, ekout lezot Manm koze. Nou pa kapab annan enteripsyon. E Onorab Lemiel, i pa pou ou pou ou koriz lezot Manm. Les mwan fer sa. Ou kontinyen.

HON SYLVANNE LEMIEL

Zot koriz nou zot ! Wi Mr Speaker, mwan mon ti a kontan dir avek Minis mon rekomandasyon *Minister*, ler zot pe zwenn, zot pe diskite. *Cabinet, whatever* ki desizyon zot ki pran.

Mon ti a kontan ki byen boner parey nou ti'n komans fer avek *ESA*, nou ti'n etabli en Komite, la nou pa pe koz Komite la.

Me mon propoze, ki *once* ou avek ou bann *l'entourage*, zot in fini agree. E zot in fini tonm dakor, *involve* distrik pou nou osi annan nou pwennvi. Akoz i *nou distrik!* Mersi Mr Speaker.

MR SPEAKER

Mersi. Minis mon sipoze, ou'n not sa rekomandasyon. Eski ou le fer en komanter lo la?

MINISTER MARIE-CELINE ZIALOR

Mersi Mr Speaker. Mersi Onorab pou ou rekomandasyon. Definitivman, nou, nou fer sir ki tou bann proze ki nou fer, nou enkli Leta apropiye letan pou al enkli dimoun, ou bezwen konnen ki ou pe al prezante. Pou ou kapab enkli.

E letan sa in pare, nou pou definitivman enkli distrik dan bann proze. Napa zis Anse Royale. I annan lezot aktivite sportif osi proze, ki nou pou enkli distrik Mr Speaker. Sa napa en problem. Mersi bokou.

MR SPEAKER

Mersi. Mon annan de Manm ki'n lev lanmen. Menm dir mon dakor, pou donn lezot Manm ki pa'n lev lanmen souvan. Me selman mon bezwen rekonnet, sa ki'n lev lanmen premye.

Alor mon a permet kestyon Onorab Pillay. Selman Onorab Pillay, nou kourt letan. Fer ou kestyon vit, silvouple.

HON SEBASTIEN PILLAY

Mersi Mr Speaker. Mon kestyon i tre vit. Minis eski ou kapab klarifye, dan Lasanble pandan en Ladres devan Lasanble, Prezidan ti dir ki sa later i sipoze ganny transfer avek ou Minister. Sa i lo rikord.

Apre ou dir nou poudir *Cabinet*, in pran en desizyon. Zis ou kapab dir nou, kan eski *Cabinet* ti pran sa desizyon? E kote nou kapab vwar sa desizyon *Cabinet*, akoz *Cabinet usually* i pibliy son bann desizyon. Kote nou kapab vwar sa desizyon *Cabinet*? Mersi Mr Speaker.

MR SPEAKER

Mersi Onorab Pillay. Minis ou repons.

MINISTER MARIE-CELINE ZIALOR

Wi. Mersi Mr Speaker. Mersi Onorab pou ou kestyon. Tre senp. Ler Prezidan ti'n vin anons dan Lasanble, i ti'n fini pran desizyon dan *Cabinet*, ti'n ganny diskite pour ki sa bout later, i bezwen annan diskisyon ant *ESA* avek Departman Lafanmir, pou nou kapab fer aktivite la.

E apre Prezidan in vin anonse dan Lasanble. Mersi Mr Speaker.

MR SPEAKER

Mersi. Mersi. *when?* Ale Minis ou kapab adrese kan?

HON SEBASTIEN PILLAY

Senp kestyon mon demande *when?* Se tou.

MR SPEAKER

Esper en kou Onorab Pillay. Ou bezwen aksepte, repons Minis. Si Minis i kapab dir kan, i a dir. Si i pa kapab dir, nou a *move-on*, Minis. Sa dernyen pwen.

MINISTER MARIE-CELINE ZIALOR

Mersi Mr Speaker. Mersi Onorab. Nou kapab al rod avek *Cabinet Sekretarya* sa *Minutes of Meeting*. E revwar dat, pou nou kapab si Lasanble, i demande formelman, Pou nou kapab ganny sa lenformasyon. Mersi Mr Speaker.

MR SPEAKER

Mersi.

MINISTER MARIE-CELINE ZIALOR

Napa nanryen ki nou kasyet nou. Mersi.

MR SPEAKER

Mersi. Onorab Larue ou kestyon.

HON FLORY LARUE

Mersi Mr Speaker. Bonn apre midi Minis ek ou delegasyon. Minis eski ou kapab dir nou, ki laz sa plan i annan e konbyen tan ansyen Gouvernman, in annan pou li devlop sa pa'n mannyer in ganny mete?

E Minis mon apresye ki i pe ganny *review* ozordi, sa plan pou kapab deservi piblik dan son fason pli apropiye. E mon pran sa loportinite Minis, la ki zot pe koz ek kanmarad, pou koz avek Minister Gouvernman Lokal, ki annan 14mil met kare kot Ladministrasyon Distrik, ki dimoun Anse Royale mon krwar ti a byen kontan, pou ganny devlope. Mersi.

MR SPEAKER

Mersi Minis, ou kapab adres sa?

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon e klarifikasyon. Pou pran ou dernyen rekomandasyon, definitivman parey mon pe dir nou a pe koz avek tou dimoun konsernen, pou regarde ki mannyer nou aranz keksoz.

E kan eski sa plan ti la. Mon pa pou annan dat, me selman si Lasanble i anvi lenformasyon, nou kapab rode fer zot gannyen.

I ti definitivman letan nou ti vin zwenn, sa plan i ti deza fini ganny, i ti deza fini ganny desinen, i ti deza la. E vwala akoz rezon, pou serten letan nou'n vwar poudir nou, nou pa'n dakor ek sa plan. Mersi.

MR SPEAKER

Mersi. Onorab Woodcock. *Sorry* Onorab. Ankor en *point of order* Onorab Pillay? Wi. *Point of order*.

HON SEBASTIEN PILLAY

Mersi Mr Speaker. Lo *manner of asking and answering question*. Mon oule zis met sa pwen devan ou. Ou'n fer en *statement* ki ler Minis, i donn en larepons nou, nou bezwen aksepte.

Standing Orders i dir en kestyon ki'n ganny reponn nou pa kapab existe lo larepons. Me mon oule fer kler ek ou Mr Speaker, ki dan okenn ka, ki si nou santi en larepons, pa korek.

E si nou santi larepons i *misleading*, ki nou pou debout pou nou demann klarifikasyon, se tou. Senp. Senp.

MR SPEAKER

Bon mersi.

(Interruption)

MR SPEAKER

Order! Order! Onorab Lemiel, Onorab Lemiel ou a gard *order* silvouple? Onorab Vidot ou a gard *order* silvouple. Lot osi. Bon lo *point of order* Onorab Pillay, mon le dir sa. Minis in reponn en kestyon en fwa. Mwan mon santi in reponn en kestyon, dezyenm fwa e i pa bezwen revin lo tou kestyon plizyer fwa.

Alor in donn son repons, e dan *Standing Orders* i dir nou bezwen aksepte en repons ki Minis in donner. Onorab Wavel Woodcock ou kestyon numero 29.

HON WAVEL WOODCOCK

Mersi Mr Speaker. Minis mon kestyon i *comme* swivan: -

An vi ki sport lo delo i vreman popiler lo Praslin e sa zil in prodwir plizyer atlet profesyonnel, eski Minis i kapab dir nou Lasanble:

Ki plan NSC pou renouvle e devlop sa *Water Sport Centre* Grand-Anse Praslin?

E, b)

Ki plan son Minister pour develop *Sports Tourism* lo Praslin? Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Mr Speaker, avek ou permisyon, mon krwar Onorab Woodcock i annan en lot kestyon ki a pe demann lo lenfrastruktir sport lo Praslin. Eski i posib, pou nou kapab pran tou lede kestyon ansanm silvouple?

MR SPEAKER

Onorab Woodcock i annan en lot kestyon? 34. Minis ou'n prepar ou larepons pou sa de kestyon ansanm? Minis ou donn mwan en lendikasyon. Eski- ?

MINISTER MARIE-CELINE ZIALOR

Mr Speaker wi tou lede ansanm avek ou permisyon.

MR SPEAKER

I neser pou.

MINISTER MARIE-CELINE ZIALOR

Avek ou permisyon. Avek ou permisyon.

MR SPEAKER

Tre byen.

MINISTER MARIE-CELINE ZIALOR

Avek ou permisyon. Si ou dir mwan reponn li separeman i *ok*. Be ou ti ava permet mon reponn li ansanm, i ava pran Kestyon Siplemanter ansanm. Sa osi mon ava *ok* avek. Mon pe demann ou permisyon. Mersi.

MR SPEAKER

Wi, mon pou, mon pou aksepte sa. Prensipalman pou rezon, letan. Akoz i pou ed nou, pou nou fer sa pli kourt. Onorab Woodcock ou ti a kontan pas ou kestyon nimer 34 silvouple ?

HON WAVEL WOODCOCK

Mersi Mr Speaker. Mon konpran akòz Minis pe demann tou lede kestyon ansanm akòz aneife sa de fasilite i o bor kanmarad.

MR SPEAKER

Ale.

HON WAVEL WOODCOCK

Mon lot kestyon, kestyon 34, eski Minis i kapab dir nou Lasanble kan ki travay renovasyon pour konmanse lo laplenn Grand Anse Praslin, enkli bann lenfrastruktir sportif o bor sa laplenn?

MR SPEAKER

Mersi. Minis ou kapab adres sa de kestyon.

MINISTER MARIE-CELINE ZIALOR

Mersi Mr Speaker. Pou ou premye kestyon. Nou pa ankòr ganny nanryen konkret. Me i annan lenvestiser ki enteres, pou antre dan partenarya avek Gouvernman, pou devlop sa landrwa kot *Watersport Center*, Grand Anse Praslin.

E la mon ti a kontan remersye tou bann, dimoun ki ti rankontre avek sa investiser, ansanm avek ou menm Onorab. Mersi bokou.

Avek ou lekip, e avek NSC Lotorite Distrik, ki'n nobou kapab annan en komansman pour sa plan. E nou rekonnèt bokou talan, bann atlet sport lo delo Praslin. Bokou bann dimoun parey tel, ki Jean- Marc Gardette, Bertrand Lablache, Jaquelin Languilla, la nou annan en zenn Loic D'Offay ki pe fer vreman byen.

E vwala akòz, nou a pe lans lapel avek nenport lenvestiser, ki anvi antre dan en partenarya, sa ki nou dir *PPP*. Parey nou pou annan pou Beau Vallon. Nou ti ava swete ki zot vin devan, e ki nou ava kapab regarde ki manyer, nou devlop sa *Water Center* Grand Anse Praslin.

Definitivman, nou annan plan pou devlop li. Be nou ti ava kontan swete ki vin en partenarya, prive, piblik Mr Speaker. E plan pou spor tourizm, nasyonal, nou'n fek komanse, nou'n fek lanse. Nou pe ganny pa mal lentere.

E nou pe byento al fer, enn. En aktivite ansanm avek Departman Tourizm, e apre ler nou'n fini fer enn, pou nou evalye. E byensir apre, i annan lentere pou Praslin, La Digue e lezot zil enkli Mahé, ki annan lo sa plan.

E apre si i annan Kestyon Siplemanter, Mr Speaker, PS Jean - Louis ek CEO Larue i ava kapab donn plis lenformasyon.

Pour sa kestyon ki pe demann ankor lo, renovasyon laplenn Grand Anse e bann lezot lenfrastriktir o bor laplenn. Proze renovasyon laplenn Grand Anse Praslin, i dan staz kot nou a pe fer *scope of work*, pou nou regarde konbyen i pou koute. E avek Departman Lenfrastriktir.

E fodre fer rapel Mr Speaker, sa laplenn ti bon li. Selman mon krwar i ti sibir, en *Show Ortikiltir* an 2018, ki'n andomaz li. E vwala akoz, nou pe evite la, ki bann aktivite parey lo nou bann laplenn i ganny fer pour nou kapab fer sir ki son lakantite letan, ler in ganny repare ki i reste byen.

E bann lenfrastriktir, prezan i otour sa laplenn, sa i bezwen ganny diskite, pou ganny en plan konkret pou nou regard redevlopman. Akoz nou bezwen diskite avek bann lezot departman osi, ki konsernen pou nou kapab ganny en plan konkret. Mersi Mr Speaker.

MR SPEAKER

Mersi Minis. Onorab Woodcock.

HON WAVEL WOODCOCK

Mersi Mr Speaker.

MR SPEAKER

Ou annan drwa avek ou siplemanter. Annou retourn lo kestyon 29 siplemanter.

HON WAVEL WOODCOCK

Mon siplemanter i tou lede kestyon. Sa lenfrastriktir o bor laplenn, i pli vye ki mwan. E zanmen i annan gran renovasyon ki'n ganny fer lo la.

Alor mon kestyon i, sirtou lo kote sa bout ki fer *judo*, avek kot lofis *judo* avek kot i fer laboks, eski zot annan plan a lonterm, pou fer en travay en pe pli konpreansif, akoz i vremen dan en kondisyon deplorab.

E menm sa *Watersport Center* osi, i mank serten fasilite parey kabinen pour fiy. Ki nou pa pou kapab pran atlet fiy, nou annan en kantite zenn.

Eski zot annan en plan konmsi, dan kour term pou kekfwa petet fer en pe renovasyon lo la? E an menm tan, sey fer demars pou nou ganny en pe lekipman ki manke.

Parey lavwal, *board*, e pou *windsurfing*. E finalman lo *tourism*, lo *sport tourism*. Eski i posib, ozordi, nou annan plizyer bann sport popiler, lo Praslin. Sirtou *watersport*, *wakefoil* ek *kite surfing*, *windsurfing* e nou kapab koste lezot sport parey *kayaking*, *canoeing*, *sailing* osi.

E la zisteman, nou komans fer *skydiving*. Eski i annan en posibilite, pou annan en *meeting* ant tou bann *stakeholders*. Akoz *sport tourism* i konsern ou Minister i konsern Minis *Tourism*, i konsern Minis pou Lantreprenarya ki'n koz a lonterm lo la.

Eski i annan en posibilite pou nou zwenn ek bann *stakeholders*, Lotorite Distrik, bann lasosyasyon, bann atlet *watersport*. Konmsi pou nou annan en diskisyon lo *the way forward*?

E eski i posib, pou Minis kekfwa, nou annan sa *meeting* avek ou, ouswa avek *CEO* Jean Larue dan fitir pros? Mersi.

MR SPEAKER

Mersi Minis, ou adres siplemanter lo la.

MINISTER MARIE-CELINE ZIALOR

Mersi Mr Speaker. Mersi Onorab pou siplemanter. Pou sa dernyen kestyon. Nou bezwen avek *tourizm*, ganny en model. Nou pa ankor ganny en model.

E letan model in pare, la prezan ki nou kapab al ver bann lenvestiser. Al ver lezot bann partener ki pe fer, apre osi nou anvi anmas lenformasyon, nou anvi fer enn ansanm ek *tourizm*, avek lantreprenarya.

Anmas lenformasyon avek osi Minis pou Finans. Akoz nou anvi konnen sa ki nou pe investir, sa *return* lo sa lenvestisman eski, i kontribye dan lekonomi pei. Akoz nou anvi fer en keksoz akademik parey mon'n dir oparavan. E nou a pe fer sa lo nou nivo, avan.

E selman i pa anpese ki bann larestan aktivite osi, nou a pran parey nou ti pran, rekomandasyon Onorab Lemiel pli boner. Pour nou fer sir ki nou, al konsilte dimoun pli larz. Pou nou kapab, fer sa louveraz.

Lo premye kestyon Mr Speaker, vwala nou bezwen asize, kalkil tre byen sa, *judo* la. Sa bann lenfrastruktir ki ou a pe koz lo la. E

regard posibilite, avek sa partenarya ki ou a pe dir prive pou nou kapab, fer keksoz enn pti pe pli byen. En pe parey, nou pe fer Beau Vallon.

En keksoz enn pti pe pli vre. Eski i vo lapenn *renovate* la e nou bezwen koz avek parey mon'n dir lezot, i annan lezot antite osi, ki pe get sa landrwa pou regarde.

Eski i pou reste pou spor, eski i pa pou reste pou spor. Ki mannyer nou pou fer provizyon, si nou fer ki mannyer nou pou fer li. Sa i ankor dan staz kot nou a pe pran bann desizyon. Mersi Mr Speaker.

MR SPEAKER

Mersi Onorab Woodcock ou annan siplemanter lo ou lot kestyon?

HON WAVEL WOODCOCK

Wi Mr Speaker, finalman kot i konsern sa lenvestiser ki nou'n zwenn, nou diskite avek. Eski zot in ganny *feedback* avek sa envestiser, apre sa vizit ki zot ti fer avek Lotorite Distrik avek bann lezot parti prenon? Mersi.

MR SPEAKER

Mersi Minis.

MINISTER MARIE-CELINE ZIALOR

Mersi Mr Speaker. Mersi Onorab, pou ou kestyon. Mon ti ava pas mikro avek ou permisyon Mr Speaker avek *CEO* Larue. Akoz sa i en proze ki li ape *oversee*. Mersi.

MR SPEAKER

Tre byen *CEO*.

CEO NSC JEAN LARUE

Mersi Mr Speaker. Mersi Onorab, pou kestyon. Wi. Mon'n resevwar *feedback* avek li. Annefe i tre optimis poudir nou kapab, i kapab fer keksoz pou Praslin avek Mahé ek La Digue.

Anfe son Direkter Zeneral, i sipoze vini de semenn apre. Me avek sa bann sityasyon ki pe pase, zot pa'n kapab - Iipa'n kapab vin fer sa vizit. Me selman mwan mon an kontak avek zot regilyerman, pou fer sir nou pa'n perdi okenn sa bann dimoun ki nou'n diskite avek. Mersi.

MR SPEAKER

Mersi mon a pran siplemanter Onorab Uranie.

HON ROCKY URANIE

Mersi Mr Speaker. Bonzour tou dimoun a lekout. Bonzour Minis avek ou delegasyon. Minis mon rapel le 17 Desanm 2020. Ou ti vin fer en vizit La Digue avek, akonpanyen par *CEO* Jean Larue, *PS* Palmyre. Mon osi ek bann Lotorite Distrik. E la, ou ti donn bann komitman.

Me ziske la nou pa ankor vwar nanryen ganny fer. Ou ti dir mwan dan de semenn ou pou sanz ban ki bann zwer foutbol i asiz lo la.

Me la in sot lan, nanryen pa ankor fer. Me mon kestyon la, bann konplent ki mon pe gannyen, vi ki bann sport skoler pe vini. E nou servi sa laplenn, pou fer manmay fer bann lantrenman.

MR SPEAKER

Onorab lo ki ou pe demande la?

HON ROCKY URANIE

Lenfrastriktir, fasilite lenfrastriktir Mr Speaker.

MR SPEAKER

Sorry, eskiz mwan. Ou pe demann siplemanter lo sa kestyon?

HON ROCKY URANIE

Wi-wi.

MR SPEAKER

Ok prosede.

HON ROCKY URANIE

Lo lenfrastriktir. Prezan swivan konplent ki lenfrastriktir pa bon, lo La Digue. E nou vwar. Be non-Mr Speaker nou bezwen koz lo la.

MR SPEAKER

Sorry. Sorry.

HON ROCKY URANIE

Mr Speaker. Eski.

MR SPEAKER

Sorry. Kestyon i lo lenfrastriktir Praslin. Siplemanter, i bezwen lo la. Si ou napa siplemanter, lo la. Nou a pase silvouple. Nou a pas lo kestyon, nou a pas lo kestyon nimerò 30. Onorab Esparon. Onorab Esparon ou kestyon.

HON REGINA ESPARON

Mersi Mr Speaker. Bonzour Minis ek ou delegasyon. Eski Minis i kapab dir, eksplik Lasanble ki bann kontrent ki son Minister pe fer fas avek, ki pe anpes Gouvernman met an aplikasyon *Domestic Violence Act 2021 of 2020* ki ti ganny *assent* depi Zen 2020. Mersi.

MR SPEAKER

Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Mr Speaker, avan pas nenport ki Lalwa, nou bezwen devlop kapasite pou fasilite lenplimantasyon.

E en aktivite ki ti, pa ti tro, tro ganny fer oparavan. Nou pa oule si en Lalwa, en Lalwa ki si enportan i ganny dat komansman e apre i ganny met lo *shelf*.

Sa ki Departman Lafanmir i kapab fer, ziska prezan se pran sa responsabilite pou rod de konsiltan ant 2020,2021 pou travay avek nou bann partener ki donn sa servis.

En konsiltan, ti konsantre lo ledikasyon dan medya. E lot ti konsantre lo fer levanter bann servis, pou nou kapab annan en bon mekanizm an plas. Pou sirvey sa servis, e osi devlop en bon prosedir ki tou sekter i kapab swiv.

Apre konsiltasyon avek nou bann partener, an Desanm 2021, zot ti fer resorti dan en *forum*, ki ankor annan kontrent, ki anpes dat komansman kapab ganny etabli.

E avek ou permisyon mon ti ava swete ki PS Roucou i a kapab donn sa lalis. Kontrent prensipal, se ki napa serten lenfrastriktir an plas pou fasilite bann mekanizm pou reponn ler i annan en ka labi. E ka i ganny raporte. E i annan en lalis bann rekomandasyon parey

mon'n dir ki nou pa ankore kapab adrese. Akoz i pa zis Departman Lafanmir, i tou bann partenarya ansanm.

E nou osi annan en pe defi pou Departman Lafanmir pou nou organize. E fer sir ki tou partener in pare pou enplimant sa Lalwa. Vwala mon larepons Mr Speaker, avek ou permisyon PS Roucou i ava annan enn pti pe plis detay. Mersi.

MR SPEAKER

Yes, PS ou kapab elabore.

PS FOR FAMILY CLIVE ROUCOU

Mersi Mr Speaker. Bonzour Mr Speaker. Mersi Onorab pou ou kestyon. Mr Speaker, pou kontinyen kot Minis in kite. Sa Lalwa, in fer demann pou annan parey Onorab, pe demann en *shelter*.

En landrwa apropiye pou gard nou bann viktim vyolans, avek son bann gid striktirel. Sa i ganny trouve dan bann part 2, konplent e bann responsabilite, bann zofisyè Lapolis par egzantp.

Alors, nou annan bokou bann ki'n, bokou pwen ki'n ganny met devan. Par egzantp dan menm laliny, vi ki annan, ki nou vwar, ki en kantite bann zenn i komet lofans, napa en landrwa spesifik pou nou, ankadre sa bann zenn.

Bann detrwa pwen ase pertinan ki'n sorti dan sa, *meeting* ki nou ti annan Desanm. Nou'n vwar ki napa en *standard operating procedures* nasyonal pou kordin mekanizm ler en viktim i raport en ka vyolans.

An se moman, sak MDAs pe ofer *domestic violence service*, pe aplik son prop mezir, prosedir, an kontan prosedir refer kliyan, i diferan par diferan antite. Me malgre ki annan bann *referral*, ankore tou bann antite pe fer zot prop zafer.

So napa sa kordinasyon, ant bann antite spesifik ki pe *deal* avek sa *domestic violence*. Demann atraver nou kestyon, nou *meeting* Desanm. Se pou etabli en *call center*, ki efektiv e ki aktiv pou konsolid en sistenm ki tou viktim vyolans, pou ganny *channel* ver sa.

Ankore sa nou napa. En demann pou konpri tou sektè ki ofer servis ki relye avek *domestic violence*, imedyatman anba en lofis ki pou tonm anba *Family Department*, ankore sa nou napa. Tousala i bann keksoz ki nou pe met, ki nou pe konsidere ou met an plas.

Avek sa rekomandasyon sa rapor, nou pe fer sir ki Departman Lafanmir pe fer li o pli vit posibil, dan en limedya tre kourt, pou nou

ganny tou bann *partners*, ki *deal* avek *domestic violence*, pou tonm anba menm parasol.

So i pou tonm anba *Family Department*, pou nou kapab met sa an plas. Sa i lefe akoz, sa Lalwa pa ankor kapab vin a plas ki pe donn nou en pe difikilte, pou nou al avan.

Me selman nou reste *committed* ki koman en departman. Nou pe travay avek lezot Lazans pou nou met li an plas, pou fer sir ki i arive. Mersi Mr Speaker.

MR SPEAKER

Mersi PS. Onorab Esparon ou annan siplemanter?

HON REGINA ESPARON

Wi Mr Speaker. Mersi Mr Speaker. Mr Speaker mon ti a kontan demann avek Minis, ki dele letan a son avi, anvi ki ou ki pe konsilte avek bann *stakeholders*, ou krwar petet ki sa Lalwa pou kapab vin an aksyon? E ki kantite letan i pou pran pou, kapab rezourd sa bann defi, bann *challenges* ki PS in mansyonnen. E eski zot pe travay etrwatman avek lofis AG's *Office*?

E lo kote finansman, eski ou santi poudir zot annan finansman pou kapab pourswiv sa, program ki zot anvi met devan? Mersi.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Speaker. Mersi Onorab, pou ou kestyon siplemanter. Lo kote dele letan i pa fasil, pou nou donnen akoz en kantite pa depan lo Departman Lafanmir.

Par egzanp annou pran Lapolis, pou zot met keksoz annord. Nou pa konn zot plan, nou pa konn zot problem. E nou pa konnen ki kantite letan, zot pou kapab. Ki nou, nou kapab fer se. Anmenn parey nou fer tanzantan, Departman Lafanmir i anmenn *workshop*, i met tou dimoun ansanm.

E nou kontan ki zot tou zot vini, zot enterese. E pour nou vwar, ki bann lenfrastruktir an plas. Ler mon pe dir sa mon pa pe dir zis fizik. Mon pe dir bann prosedir, nou a pe dir bann sipor, bann servis ki merit an plas. Pou nou kapab enplimant sa vreman byen.

Nou pa kapab donn dele letan, akoz bokou parey pou lasante in difisil. Akoz zot in fek sorti dan en pandemik pou zot kapab, al evalye pou vwar lo zot kote. Ki zot bezwen met an plas, pou zot kapab.

Be selman AG pe ede en kantite. Tanzantan AG i anvoy nou en pti git lenformasyon lo ki mannyer nou kapab. Be selman, nou ganny bokou sipor led avek COMESA avek SADC, avek bann lezot lorganizasyon. Ki anvi ed nou pou kapab met sa an plas.

E Bidze, nou servi Bidze ki nou'n gannyen pou nou kapab met an plas. E nou, nou pa oule ki *gender base violence*, i vin en keksoz separe ki ganny Bidze separe.

Tou vyolans, nou kondann tou vyolans ki annan, dan nenport ki sityasyon. E nou merit met nou bann lenfrastriktir. Definitivman nou konnen bann ki target *genre*. Ki i merit dan Bidze ki nou gannyen pou nou kapab travay avek, pou nou kapab fer sir ki nou donn rekour ouswa ki sa Lalwa ki kestyon ki i kapab ganny enplimante.

Mon pa konnen si mon'n reponn tou kestyon, Mr Speaker. Ouswa si PS Roucou i le azout serten keksoz. Mersi.

MR SPEAKER

PS ou annan keksoz ou le azoute la? Non *ok*. Mersi Onorab Esparon, nou a pas lo prosen kestyon, numero 31.

HON REGINA ESPARON

Eski Minis pour Lazenés, Spor ek Lafanmir i kapab dir Lasanble ki distans travay renovasyon lo *Vocational Training Centre* in arive? E kan ki bann zanfan sa sant i espekte rebran zot bann aktivite? Mersi.

MR SPEAKER

Mersi Minis. Repons *please*.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Mr Speaker dernyen fwa, ki nou ti abord sa size dan Lasanble, nou ti pe enform zot son leta, e enn pti git pronostik ki nou ti ava pe gannyen avek Departman Lenfrastriktir. E depi sa, evalyasyon in fini ganny fer. E nou'n aprezan ganny en *scope of work* ki defini pour fer renovasyon.

E sa proze ti ganny anvoye kot Departman Zafer Etranzer. Akoz pou finansman anba *India Grant*. Be anvi lakantite proze ki'n ganny soumet, anba *India Grant*, nou'n ganny enformen, ki'n ganny en pe

retar. E ki in al dan trwazyenm faz. E alors nou pe fer kozri avek, Departman Finans pou vwar posibilite. Annefe nou ti pou annan en *meeting* ozordi, Mr Speaker ki nou pou fer Vandredi, pou ganny finansman, pour nou regard posibilite fer sa proze.

E mon ti a kontan la, remersye *Seychelles Breweries* lakonpanyen ki'n pare pou finans tou lekipman. Si nou, nobou kapab *renovate* sa sant.

Akoz avan nou ti krwar petet nou bezwen refer en lot sant. La prezan, nou'n vwar poudir nou kapab sov li, nou kapab *renovate* li. E bann, detay renovasyon *PS Roucou* i annan Mr Speaker.

Mon dezyenm pwen, se i enportan pou note ki menm si sa sant pa ankor reouver, Divizyon, pou dimoun avek dezabilite in angaz li pou met bann program an plas. Pour tou bann etidyan. Sirtou avek bann lenstisyon, edikasyonnel ankor, bann detay ki *PS Roucou* i annan.

Nou pran sa loportinite pou lans en lapel, osi la avek bann lorganizasyon, ki enterese. Ki annan sa bagaz pour travay avek sa bann etidyan, pou kontakte Divizyon e pou nou kapab fer bann partenarya.

Akoz sa responsabilite, i responsabilite tou dimoun pou nou kapab vin donn en koudmen, pou nou kapab ed nou bann etidyan dezabilite. Mersi Mr Speaker.

MR SPEAKER

Mersi Minis Onorab Esparon, siplemanter?

HON REGINA ESPARON

Mr Speaker mon krwar *PS Roucou* ti pe al donn en pe detay avan mon demann mon siplemanter. Mersi.

MR SPEAKER

Wi *ok*, wi. Minis in dir *PS* pou donn en pe detay.

PS FOR FAMILY CLIVE ROUCOU

Mersi Mr Speaker. Mersi Onorab pour ou kestyon. Mr Speaker, wi bokou in ganny fer, *from* dernyen fwa ki nou ti isi, dan Lasanble. Plan pou *VTC*, in ganny diskite avek Lazans pour Lenfrastriktir. Kot plan in ganny aprouve, *in fact* in tonm apepre R3milyon.

I zis pou son *internal structures* ki'n *disable friendly*. Proze in fini ganny ekri parey Minis in dir, nou'n fini anvoy-e pour *India Grant*, ki la in tonm dan trwazyenm faz. Me li menm striktir i ankor pe ganny mentenir byen.

Me par kont nou bann zanfan pa pe ganny kite an aryer. Bokou plan, pe ganny fer pou zot. Par egzanp nou kontinyen travay tre pros avek bann lezot lazans. Par egzanp *SIAD*, *SIAH* avek *GEM Consultancy*, pour nou kit nou bann, nou bann zanfan avek dezabilite angaze.

E pour sa lannen osi tou, nou pe kontinyen, la nou pe travay avek *SNYC*. Pou kontinyen ankadre nou bann zanfan. E par kont, avek menm Lekol Eksepsyonnel, nou pe kontinyen avek en program pou *TIVET*. Kot nou pe ed zot avek bann aktivite, pratik ki nou pou kapab, larg zot demen dan *mainstream*.

Alors bokou keksoz in ganny fer, e Departman Lafanmir nou reste, *committed* ki nou pou bezwen fer sa o pli vit posibil, pou nou bann zanfan. Me par kont nou napa en dat egzakt ki sa in fini planifye. Mersi.

MR SPEAKER

Wi Onorab Esparon.

HON REGINA ESPARON

Mersi Mr Speaker. Mr Speaker kekfwa kestyon adisyonnèl mon ti ava demann avek Minis. Ki bann aktivite adisyonnèl ki sa sant pou ofer letan in reouver?

E konbyen zelev, zot pe anvizaz-e pour *cater for*? E lo son bann kriter Minis. Akoz enn bann *main* konplent ti annan, se ki avek *Vocational Training Center* i annan en *entry criteria*. Me i napa en *exit criteria*. Eski sa zot pe pran kont osi letan zot reouver?

E Minis en keksoz petet mon kapab demann ou, pou sey met en pe presyon avek *SLTA*, ki letan sant i reouver, *at least* zot ava kapab met sa *raised crossing*, la devan sa sant ki pou en *deterrent* pou bann zanfan pa ganny tape. Parski la dan sa plato, i annan en gran plato.

E i annan sa *speed*, ale vini de kote. E i port danze pou pou bann zanfan ki servi sa landrwa la, letan zot pe koup semen.

MR SPEAKER

Thank you. Onorab ou demann.

HON REGINA ESPARON

E mon dernyen. Eski dan sa letan zot pe fer sa renovasyon, zot pe pran en lapros konpreansif pou lyez avek bann lezot Minister, tel parey Minister Lanvironnman.

Parski par *history*, i annan en problem inondasyon dan sa bout deryer kot VTC i ete la. Letan nivo lanmar i monte, e mon konnen ti annan sa proze pour avek Minister Lanvironnman pou met en *culvert*, pou tir delo pou anpese ki i ganny inonde.

Eski i annan sa lapros konpreansiv avek Minister Lanvironnman pour ki letan bann zanfan i tournen, sa danze osi in ganny eliminen.

MR SPEAKER

Ou ava aret la silvouple Onorab. Mon krwar i fer 4 kestyon. Minis.

MINISTER MARIE-CELINE ZIALOR

Mersi Mr Speaker. Mersi Onorab pour bann kestyon, mon vwar sa size i pasyonnen pre avek ou leker. Mersi bokou.

Sa bann kestyon teknik, PS Roucou i ava eksplike.

Me selman wi nou'n zwenn avek Minister Ledikasyon, pou nou kapab vwar, en program konpreansiv ;- en program pli modern. En program kot i annan pwen antre, apre kot i ava annan en pwen sorti.

E PS i ava elabore. Mersi Mr Speaker.

MR SPEAKER

Yes, lekel ki pou pran laparol Minis? PS Roucou *ok*.

PS FOR FAMILY CLIVE ROUCOU

Mersi Onorab pou ou kestyon. Onorab *in fact* an term ledikasyon, nou annan diskisyon tre pros avek Minister Ledikasyon kot sa bout ledikasyon parey Minis pou Ledikasyon ti pronons son lekor, ki i pou tonm kot zot, e i en program konpreansiv, kot ledikasyon pou pran sa eleman, ledikasyon.

Nou, nou pran sa bout, vokasyonnel. Me selman nou travay tre pros an kolaborasyon avek kanmarad. E parey ou'n dir, dan *entry*

avek *exit criteria in fact*, mon ti soke pou mwan vwar ki mon ti annan bann zenn 35an, 40an ki ti ankor dan VTC.

Ler nou'n pran - *up to* 45an tou. So ankor, dan nou diskisyon. Nou'n vwar ki i pou bezwen annan en bout antre avek *training* apropiye. Zot pou kapab resorti, al dan lemonn toulezour. Tousala nou pe pran kont, ankor travay tre pros avek lanvironnman. *In fact* mon fek ganny en konversasyon avek PS pou an relasyon avek sa lanmar.

Ki ler lapli i tonbe i *overflow*. Me mon ti'n deza ganny en konversasyon menm dan an relasyon avek sa lanmar. Kot zot ti pou debouse pou fer ariv, kot lanmer. Me apre diskisyon zot in vwar ki ler lanmer pou plen lanmer pou retourn anndan. *So plan* se pou refer li tourn lo menm semen. I pa pou debous an avan.

Raised crossing kot la devan *Vocational Training Center* i ete. Wi in annan sa diskisyon avek, bann *partners* kot nou'n vwar ki annan en kantite *speed* ki ganny fer lo sa bout.

E prenon kont ki kalite, bann zanfan ki laba, ki annan en kantite fwa ki'n sey koup semen. *This is* en pwen ki nou'n diskit lo la pou fer sir, ki sa i ganny atake.

Tre byento koman Lekol Vokasyonnel pou ouver, mon garanti tou zafer pou tonm an plas. Mersi.

MR SPEAKER

Mersi. Mersi PS. Mon a pran kestyon Onorab Ernesta.

HON PAUL ERNESTA

Mersi Mr Speaker. Mr Speaker, Minis ek delegasyon, koleg Onorab, tou dimoun a lekout, bonn apre midi. Mr Speaker, lannen pase mon ti pe swiv letan Minis ti pe adres sa kestyon parey in fek pe dir.

E zot ti donn en komitman, ki sant in fini pare, e pe al fonksyonnen nenport keler. E la ozordi, nou vwar en kestyon i anmennen par Onorab.

Eski nou kapab ganny leksplikasyon e leklersisman, aköz sa sityasyon? Mersi Mr Speaker.

MR SPEAKER

Mersi Onorab. Minis?

MINISTER MARIE-CELINE ZIALOR

Mersi Mr Speaker. Mersi Onorab ou kestyon. Mon pa rapel, nenport ki moman ki nou ti dir sant pe al fonksyonnen. Ki sant pe al ouver.

(Interruption)

MR SPEAKER

Silvouple nou a ekout Minis.

MINISTER MARIE-CELINE ZIALOR

Nou ti donn en leta - dan ki leta sa sant ti ete. E Mr Speaker, si Onorab i anvi konnen akoz leta ti koumsa, i akoz son Gouvernman, oparavan pa ti enterese pou li aranze.

(Interruption)

MINISTER MARIE-CELINE ZIALOR

Sa sant nou ti vin zwenn li dan en leta parey i ete ki lasante, Departman Lasante, ti dir ek nou pa pou kapab *operate*. Nou bezwen fer sa bann renovasyon, lo la ki i pa ti apropiye pou nou nenport ki etidyan, dimoun servi.

Vwala ki nou ti'n vin zwenn. E napa en moman, ki nou ti pe dir poudir nou pou al ouver sa sant, tre byento. Nou ti pe dir louvraz i bezwen ganny fer. Nou bezwen evalye avek Departman Lenfrastriktir pou vwar ki pou fer avek.

Eski nou bezwen refer en lot, ouswa eski i kapab *renovate*. Vwala ki ti pase dan sa Lasanble Mr Speaker. Mersi bokou.

MR SPEAKER

Mersi. Ou annan klarifikasyon Onorab. Klarifikasyon silvouple. Ou pa pe repet, menm kestyon, *yes*.

HON PAUL ERNESTA

Non Mr Speaker. Presizeman en klarifikasyon.

MR SPEAKER

Wi.

HON PAUL ERNESTA

Me, mon le met lo rikord ki ti annan. Si nou pou al dan *archive* nou pou vwar ki sa ti ganny dir par *PS*.

E an menm tan nou annan en tandans, ki letan zot Minister - ki letan zot Gouvernman.

(Mic switched off)

MR SPEAKER

Onorab. Ou annan en pwen klarifikasyon oubyen non, Onorab?

HON PAUL ERNESTA

Mersi Mr Speaker. Parey mon pe dir, ki a sak fwa blanm Minister ek son Gouvernman zot vin dan sa Lasanble, letan i annan keksoz pou fer avek zot Gouvernman, toultan zot *refer* dan lepase.

E la zot ki la, e so zot bezwen *assume* responsabilite zot bann travay.

MR SPEAKER

Mersi. Bon nou a pas lo prosen kestyon Onorab, Richard Labrosse. Kestyon 32.

HON RICHARD LABROSSE

Mersi Mr Speaker. Bonzour Mr Speaker. Bonzour tou dimoun isi prezan. En bonzour spesyal, pou bann zabitan Plaisance, ki a lekout. Mr Speaker, kestyon nimero 32 i sorti Plaisance e i *comme* swivan: -

Eski Minis responsab pour Spor, i kapab enform Lasanble ki plan son Minister pour lansman bann aktivite sportif dan distrik la ki en pe bann restriksyon *COVID-19* in ganny retire? Mersi Mr Speaker.

MR SPEAKER

Mersi Onorab. Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou kestyon. Mr Speaker avek rediksyon dan bann ka *COVID*, *NSC* in nobou negosye pour ki bann aktivite sportif in kapab rebran.

E mon oule felisit tou lasosyasyon, e tou bann lorganizasyon ki pe rekomans fer *sports* dan bann distrik. Parey mon ti pe dir

oparavan, ler nou pase la nou kontan, nou vwar laplenn partou, nou vwar dimoun pe fer *sports*.

NSC li menm i pa organiz aktivite sportif dan distrik. Me i travay tre pros avek nenport ki endividi, group, lasosyasyon ki anvi fer li. Parey nou'n vwar, Lasosyasyon *Rugby* in apros NSC fer partenarya tre pros.

E menm koman i fek lanse, in nobou kapab fer en kantite aktivite e en pe partou pou dan sa *sport*. I annan osi bann Lotorite Distrik, ki nou pe travay avek ki in komans. Dapre nou konpran planifye zot bann aktivite sportif, dan distrik.

E nou annan nou Seksyon Spor pou tou, Mr Speaker ki osi pe al desantraliz son bann aktivite. Akoz nou annan nou en target pou nou atak sa kous popilasyon ki obez, Sesel pou nou kapab ganny en pli bon, en bann group dimoun ki pli bokou pli an bonn sante ki nou annan la.

E la vi ki sa semenn Mr Speaker, nou pe selebre en lazournen premye fwa nou pou selebre dan Sesel - *Sport* e avek lape. Pou nou anmenn tou dimoun ansanm dan *sports*. Nou ti ava kontan dir tou dimoun, pour vin zwenn nou, e pour zot kapab donn en koudmen pou nou vin ansanm, servi platform NSC, Departman pou nou kapab fer bann aktivite.

Fer nou bann distrik, bouze, fer pei bouz enn pti pe plis sport. Pour nou redwir sa, sa presyon ki annan lo lasante. Mersi Mr Speaker.

MR SPEAKER

Mersi. Wi Onorab Labrosse, ou siplemanter?

HON RICHARD LABROSSE

Ok mersi byen Minis pou sa lenformasyon byen detaye ki ou'n donn nou. Me selman mon annan zis en Kestyon Siplemanter, ou'n dir ki NSC zot par la pou organiz sport dan distrik.

E ler mon pe regarde dan distrik, parey Plaisance mon kapab nonm dan mon distrik. Nou annan zis en fasilite sportif sa se en laplenn. Ler nou pe koz lo lansman bann aktivite sportif, dan distrik kefwabriyevman la NSC ti kapab enform Lasanble, ki zot rol lo bann fasilite parey dan bann distrik? Mersi.

MR SPEAKER

Mersi Minis.

MINISTER MARIE-CELINE ZIALOR

Mersi Mr Speaker. Mersi Onorab pou kestyon. Mon ti a kontan pas laparol avek *CEO* Larue, pou reponn sa kestyon. Mr Speaker. Mersi.

MR SPEAKER

Thank you. CEO.

CEO NSC JEAN LARUE

Mersi Mr Speaker, Onorab. Ki rol *NSC* dan bann zafer fasilite dan distrik. *NSC* son rol, se pou mentenir. Fer sir nou met sa bann laplenn, sa bann *court*, lo en nivo.

E mazin nou annan nou, plis ki 70 fasilite sportif dan tou distrik ki nou pe travay lo la. E nou byen kontan poudir osi, nou ganny sipor sorti kot Ladministrasyon Distrik. An sa ki konsern, spor avek Gouvernman Lokal, *NSC* i la koman en regilater, ou en fasilitater.

So nou vin donn sa sipor e se sa ki nou pe fer avek Gouvernman Lokal, ki'n lans zot annan en bann *Sport Committees*. E prezan nou kot seksyon, *Sports for all Community Sport*, nou, nou vini nou ed zot. Donn zot sa bagaz, pou fer sir poudir sak distrik, Son tim *Sports Committees* i fonksyonnen. Mersi.

MR SPEAKER

Mersi. Wi mon a pran kestyon Onorab Pillay. Siplemanter.

HON SEBASTIEN PILLAY

Mersi Mr Speaker. Mon kestyon i tre senp. Eski *NSC*, prenon kont ki nou pe *move* avek bann aktivite sportif, eski *NSC* pe zwenn avek bann lasosyasyon, ek bann Federasyon, pou regard ki plan zot annan osi pour antre dan sa program?

Akoz konsern ki nou'n gannyen se ki *NSC*, pa ankor oubyen, pa ankor ganny pa'n annan *meeting* ek bann Federasyon oubyen bann lasosyasyon? Mersi.

MR SPEAKER

Mersi. Minis ou oubyen *CEO*? *CEO* i a pran laparol.

CEO NSC JEAN LARUE

Mersi Onorab. Onorab sa kestasyon ki ou pe demande la, NSC, sirtou mwan an partikilye avek mon tim, i annan federasyon ki nou'n zwenn zot. Depi ler nou la. 5,6,7,8,9 fwa. Akoz? En Federasyon li i annan son *issue*, i diferan avek en lot.

Kestyon ki ou pe demande, anmenn tou dimoun dan en lasal, pou diskite, lepase nou'n vwar sa bann diskisyon, pa'n abouti nou dan gran keksoz akoz in annan tro bokou tirayman.

Be solman lapros ki nou, nou'n pran ozordi. Se en Federasyon i annan en *issue*, i annan en program ki anmenn devan. Nou diskite avek li, nou kapab rezourd son problem. Oubyen vwar en solisyon bann *challenge*. Mersi.

MR SPEAKER

Mersi. Minis i azoute.

MINISTER MARIE-CELINE ZIALOR

Wi, mersi Mr Speaker. Mersi Onorab pou kestasyon. Mon konpran sa kestasyon ki Onorab Pillay pe demande. Wi, i annan bann, program pou zwenn avek diferan group, bann lasosyasyon, bann Federasyon. E nou, nou pe aprann par bann rezilta ki'n ganny dan lepase.

Menm si i pa kontan mon dir, be selman fe se fe. E ler ou pran sa responsabilite, ou pa kapab fer parey bann rezilta ki'n anmennen ki pa'n abouti dan gran keksoz.

Par egzanp kot bann lasosyasyon, Federasyon, ki mannyer nou vwar *sport*, ki mannyer i ete la - son kiltir, i pa ankor ariv lo sa nivo ki nou kontan. E nou annan en stratezi, pe travay lo la, ki vremen i enn pti pe diferan ki mannyer nou pe fer li.

E nou pe zwenn, nou'n kategoriz bann *sport*, ki NSC in fini kategorize par bann group. E sa dimoun, ki ansarz lasosyasyon, Federasyon pe travay lo bann kriter. Akoz?

E pe travay avek Rezistrar, pou met tou sa bann keksoz annord. Son konteni legal, tou son bann kiltir ki mannyer keksoz pou deroule. lasosyasyon, Federasyon.

E apre pou nou kapab annan, en lantant partenarya ki i pa ou kont mwan. Akoz la par egzanp mon konnen Federasyon, lasosyasyon zot a pe demande pou vwar nou. E zot annan en kantite konsern dapre zot, pou adrese.

Be nou anvi sorti dan sa zafer, kot ou annan en ta konsern. E zot pe vini zis poudir Gouvernman ki pe fer, Gouvernman ki pe fer. NSC ki pe fer. *Sport* la partou dan lemonn, se Federasyon ek lasosyasyon ki *run sports*. Nou pa ankor arive lo sa nivo, ek sa kiltir. Nou konnen nou bezwen fasilite keksoz pou arive.

E travay ansanm avek tou dimoun, pour nou kapab premyerman fer lape, kapab koz ek kanmarad, kapab osi annan latolerans. Parey nou tou nou dir, mon agree pou dezagree, i annan ki krwar dan en metod, i annan ki krwar dan en lot metod.

Nou bezwen annan en matirite, pour nou kapab, pour nou kapab vini dir be *ok* nou konnen, nou annan nou bann diferans. Me selman ki manner nou pou travay ansanm. Pa pou mwan vini pou akiz en kote, lot kote osi pou akize.

Sa ki nou pe, pe travay avek ki petet *CEO* pe sey eksplike. E nou, nou pou zwenn sa bann lasosyasyon Federasyon. Akoz sport i met kategori, kategori 1. I pou tou asosyasyon Federasyon, avek bann kategori 1. Bann kategori 2, kategori 3.

Akoz parey mon krwar taler i annan en Onorab ki mansyonnen poudir, Labonte poudir, pa tou *sport* ki anmenn menm rezilta. Pa tou *sport* ki lo menm nivo, pou nou kapab koz enn pti git lo bann kriter, lo ki manner sa bann relasyon pou fonksyonnen.

Ki manner sa bann stratezi, sa bann Polisi, pou marse ansanm avek lasosyasyon, Federasyon. E nou pe sey sa bann stratezi pou nou anmas rezilta pou nou regarde ki manner i marse.

Be parey, *CEO* in dir Mr Speaker, dek koman i annan bann lasosyasyon, Federasyon ki annan en *emergency*, kot i annan en priyorite. Nou fer li nou devwar pou nou kapab zwenn, pou nou kapab vwar lasosyasyon e vwar Federasyon.

En nou anvi anmenn lasosyasyon Federasyon dan en standar, en standar enternasyonal osi tou. E travay avek zot, i annan bann *training* bann *capacity building* ki nou'n deza, ki nou'n deza koz ek *Registrar*.

Avek osi bann lezot lorganizasyon, pou nou kapab fer pou lasosyasyon avek bann Federasyon. Vwala en pti pe Mr Speaker, travay avek lasosyasyon, Federasyon, i en travay ansanm. I pa en travay ou kont mwan, mwan kont ou. Nou vin dan en lasal, nou vin kritik kanmarad, nou vin dispit avek kanmarad. Mersi.

MR SPEAKER

Mersi. Mon pou pas lo prosen kestyon. Kestyon 33 Onorab Labrosse.

HON RICHARD LABROSSE

Mersi Mr Speaker. Kestyon 33 i lir *comme* swivan: -

Eski Minis i kapab donn nou en kontrandi lo leta bann fasilite sportif dan pei ozordi, an partikilyeman Stad Linite, *fitness trail* Roche Caiman, *Palais des Sports*, *Victoria Gym*, basen naze Roche Caiman, eski sa bann fasilite pe ganny servi e eski i annan plan pou fer renovasyon lo zot? Mersi Mr Speaker

MR SPEAKER

Mersi. Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Bann sa bann, detay *comme* swivan apre CEO Larue i ava pran kot mon'n kite, pou donn enn pti pe plis.

Victoria Gym in fini fer renovasyon lo la pe ganny servi. *Palais des Sports* in fini ganny en kontrakter, Kontrakter pe komans travay. Pou basen naze, i lo staz kot sa travay i kot *Procurement*, pou decide lekel ki pou ganny sa kontra.

Stad Linite, tre malere ki nou pa kapab zwe okenn *match* enternasyonal ladan an se moman. Dernyen *match* ki nou ti zwe lo sa laplenn ti le 13 Oktob, Mr Speaker 2019. E nou a pe travay tre pros avek Federasyon Foutbol, pou re-aranz li lo standar ki *FIFA* i demande. E li osi, sa bann louvraz i dan staz *procurement*.

Mon ti ava kontan swete Mr Speaker, ek ou permisyon, CEO Larue i donn en pti pe plis detay. Mersi.

MR SPEAKER

CEO wi. Ou annan laparol.

CEO NSC JEAN LARUE

Mersi Mr Speaker. Mersi Onorab. Pou kontinyen sa bann fasilite wi pe ganny servi. Parey nou'n vwar, tou resaman letan *COVID* restriksyon in ganny tire.

Tou fasilite *NSC* Gouvernman pe ganny servi e anfe i telman pe ganny servi, ki nou pe ganny presyon prezan pou donn plis lespas.

Akoz tou dimoun i le vin fer, aktivite sportif. So la nou pe deza pe ganny en problem pou fer program lekel, keler eksetera.

E an plis renovasyon i kontinyen. I annan en komansman i kontinyen. Akoz i annan landrwa nou bezwen penn, i annan landrwa nou bezwen fer sir poudir tou bann lezot fasilite i o standar.

E apre nou bezwen servi osi bann norm enternasyonal. Par egzanp dan ka Federasyon Foutbol, pou *upgrade* pou met li lo staz ki *FIFA* pe demande.

Me selman sa i en travay ki nou'n komanse. Pou *Palais des Sports*, ozordi mon'n fini ganny *the scope of work*. E kontrakter in fini mont lo *site*. In komans fer en premye travay, dezyenm travay ki pe fer se fer vini son bann - sa bann *roofing sheet*. Sa deza i anmars.

Fitness trail, son kontrakter in fini ganny pas kot *procurement*. E kontrakter *anytime* la son proze mon ava sinyen i ava komanse.

E menm pour basen naze Minister in eksplike. E *Victoria Gym Federasyon Basketball* in deza met zot program, e zot pe al demare tre byento. Mersi.

MR SPEAKER

Mersi, terminen wi. Onorab Labrosse ou'n demande ou siplemanter ou?

HON RICHARD LABROSSE

Mersi Mr Speaker mon ti annan zis en - Wi Mr Speaker.

MR SPEAKER

Ou annan la?

HON RICHARD LABROSSE

Mon ti annan siplemanter. Mon kestyon, ler mon'n ekout Mr Larue ek Minis. Minis eski ler mon pe ekout sa, sirtou sa zafer Stad Linite la, ki en *match* in deza zwe *Maurice*. Akoz parey Mr Larue i dir zot pou bezwen *upgrade* li.

Eski (mon pa konnen ki mannyer mon pou remet sa kestyon) eski zot dan *NSC* zot menm, zot revwar - zot annan en, *maintenance plan* lo zot kote lo fasilite sportif.

Par egzanp ler mon pe get dan ka Stad Linite, mon pe vwar ki zot in ganny en konsey avan en *match* pou anvoy sa deor. E ler nou pe gete nou annan diferan kalite fasilite sportif Sesel. Par egzanp

Palais des Sports i enn ki ganny servi souvandfwa pou bann konpetisyon enternasyonal. Basen naze i enn osi ki ganny servi, bann konpetisyon enternasyonal.

Eski la ki nou pe koze la, i annan en *maintenance plan* ki zot in fer, ouswa en odit lo tou bann fasilite avan ki en konpetisyon i ganny mete Sesel pou nou ganny dir, ki nou pa lo standar, pou nou fer li isi? Mersi Mr Speaker.

MR SPEAKER

Thank you. Minis. Lekel pou pran?

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Definitivman i annan *maintenance plan*, *maintenance* bann lenfrastruktir i reste en defi Mr Speaker. I reste en gro defi, pou NSC. Be mon a koz spesifikman pou Stad Linite, i annan diferan model *maintenance*. Akoz i annan lenfrastruktir ki Federasyon lasosyasyon i pran responsabilite, pou zot antretenir. Sa ti leka pou Stad Linite.

E dan bann papye ki'n deroule ant *FIFA* ek Federasyon Foutbol, *FIFA* ti a pe demann, kontrol antye lo stad. Ki definitivman Gouvernman pa ti pou donn *FIFA*, kontrol lo Stad Linite. E kot negosyasyon ti pe ganny fer, e sa i met retar, renovasyon ki Federasyon Foutbol ti pou fer.

E letan nou kontinyen, pli ale e nou pa'n kapab zwe sa *match*. Definitivman nou pa'n kontan, e nou'n negosye regarde avek Departman Finans. Regarde avek Bidze NSC, poudir ki mannyer NSC nou, nou kapab.

Akoz finans ti pou sorti kot *FIFA* pou fer. Ki mannyer nou, nou kapab komans fer en pe travay ki mannyer nou bann standar *FIFA*, ki nou'n gannyen, ki mannyer nou kapab regarde. Ki mannyer nou met li alaoter. E Federasyon Foutbol, pe donn tou korperasyon ansanm, pou nou kapab aranze.

Malerezman nou'n esper *FIFA* en pe letan, sa redi ale vini avek Biro *Attorney Zeneral* osi, pou nou fer sir, sir, sir ki nou a pe sinyen. Fer sir sa bann kalite Lagreman ki nou a pe sinyen ki nou pa pe donn kontrol en lorganizasyon enternasyonal isi Sesel. Mersi Mr Speaker.

MR SPEAKER

Mersi. Minis, mon a pran kestyon Onorab Roucou.

HON MICHEL ROUCOU

Mersi Mr Speaker. Bonn apre midi Minis avek ou lekip. Minis si ou kapab dir avek nou ki dernyen fwa ki ti annan en renovasyon lo sa bann fasilite? Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Speaker. Mon ti ava demann *CEO* pou reponn sa kestyon.
Mersi.

MR SPEAKER

Mersi *CEO*.

CEO NSC JEAN LARUE

Eskize Onorab mon pa'n tro tann ou byen.

MR SPEAKER

Ki dernyen fwa ti annan renovasyon lo sa bann fasilite? Korek Onorab Roucou?

HON MICHEL ROUCOU

Yes Sir.

CEO NSC JEAN LARUE

Mersi Mr Speaker. *By the way* Onorab wi parey nou pe dir. Renovasyon i kontinyen li, lo en *daily basis*. Par egzanp bann fasilite dan bann distrik, nou tim *maintenance*, i pase, zot fer sir poudir ozordi zot netwaye, zot koupaye, zot fer, zot met tou laplenn lo nivo. Apre zot bouze, sa pou distrik.

Me bann travay, lo bann fasilite mazer, sa akoz i pli gro, *then* nou bezwen fer prosedir al kot *Procurement*, *tender* louvraz eksetera. E parey mon pe dir ou la ozordi, nou'n fini ganny kontrakter ki'n komans lo *Palais des Sports*. Basen naze i osi i annan son dimoun, ki'n komans ganny lekipman pou komans fer.

So, i annan bann renovasyon, ki'n deza komanse. So si ou pe demande, ki dernyen fwa? Se mon kapab dir se detrwa semenn pase, par egzanp lo *Palais des Sports*, nou'n komanse.

MR SPEAKER

Mersi *CEO*. Mon a pran kestyon - atann en kou - mon pou pran kestyon Onorab Vidot.

HON AUDREY VIDOT

Mersi Mr Speaker. Minis mon kestyon. Ou'n koz lo - mon ti a kontan konnen ki petet atraver *CEO*, letan in mansyonnen poudir i annan travay ki'n deza komanse, in fini *tender*.

Mon ti a kontan konnen lekel kontrakter ki'n deza ganny *tender* pou serten renovasyon, bann fasilite sportif?

Aprè osi mon ti a kontan Minis, petet si ou ti kapab eklersi nou egzaktaman petet, kwa ki *FIFA*, pe met presyon lo Sesel, pour lo serten konsiderasyon anver nou bann stad. Akoz, mon konpran poudir, i annan, sa stad, parey Stad Linite, i ganny servi pou bann lezot levennman nasyonal, Parfwa ki Gouvernman i servi.

E eski i vre ki *FIFA*, pa oule i le spesifikman sa stad i ganny servi zis pour foutbol oubyen pou zis bann aktivite sportif? Si ou kapab eklersi, oubyen donn nou enn pti pe detay lo la.

MR SPEAKER

Mersi. Minis, ou a eklersi silvouple.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Pou sa dernyen kestyon, lo kote an zeneral nou pe fer Polisi, avek Departman, avek *NSC*, pou tou lenfrastruktir sportif.

Nou'n vwar ki'n arive Praslin. E i pa zis *FIFA* sa, nou, nou bezwen pran responsabilite. E letan en lenfrastruktir sportif i annan bann lekipman, i annan bann standar enternasyonal ki nou bezwen.

Sirtou nou pe koz, *sport* tourizm, nou a pe koz lo meday Olenpik, nou bezwen fer sir ki bann aktivite ki pou detri nou lenfrastruktir nou annan Polisi ki nou pa, nou pa fer bann aktivite ki nou annan.

E avek bann larestan plan ki nou pou fer, pou aktivite rekreasyonnel, pou annan son landrwa pou li kapab ganny fer.

Spesifikman avek *FIFA*. *CEO* i annan tou lenformasyon i ava kapab eksplike Mr Speaker. Mersi.

MR SPEAKER

Mersi *CEO*.

CEO NSC JEAN LARUE

Mersi Mr Speaker. Onorab i annan en kestyon premye, mon ava pran sa enn. Pour restorasyon *fitness trail*, Roche Caiman. Sa kontra, in gannyen par *Budget Construction*, ok.

An sa ki konsern *Palais des Sports*, sa se *Onivo Construction* ki'n ganny sa travay ok? Prezan an sa ki konsern *FIFA*, avek Federasyon Foutbol. Nou, nou bezwen fer sir, poudir tou dimoun i kapab servi Stad Linite, parey letan nou annan *National School Championship*.

Nou annan *National Day*, so dan sa kontra se sa bann keksoz ki nou, nou'n mete pou fer sir poudir Stad Linite, i pa vin *exclusivity*. Se sa, sa mo ki zot le zot. Zot anvi *exclusive use of* Stad Linite. En fason prezan, nou prop dimoun pa kapab servi.

Be nou nou'n dir non. So se pou sa rezon nou'n kapab negosye, diskite e vwar kisisa ki ansanm ek Federasyon Foutbol, ki *FIFA* pou mete. E zot, zot in dir nou *FIFA* pou re-aranz sa laplenn. Met li lo en lot nivo. An menm tan zot pou ganny finansman pou re-aranz lalimyer - *LED* ki ava fer mwens servi elektrik.

Me solman, kote Gouvernman, *NSC* nou'n nou pou bezwen *upgrade* nou *VIP stand*, *VVIP*, *changing rooms*, *seatings*. E menm sa de kote *east and west wing* zot pe ensiste poudir la, nou osi nou met bann sez.

Me selman i en diskisyon ki nou ankor pe kontinyen. Me i annan travay ki nou'n deza desinen pou nou fer sir nou annan sa *VIP*. E *VVIP room*, ek twalet, lespas pou refri, lespas pou *ball boys*, lespas pou *flag bearers* eksetera. Mersi.

MR SPEAKER

Mersi. Mon a pran kestyon Onorab Gabriel.

HON CONRAD GABRIEL

Mersi Mr Speaker. *Welcome* Minis ek ou delegasyon. Bonzour tou dimoun ki a lekout. Spesyalman, bann dimoun Pointe Larue.

Minis mon'n ekout, lenfrastriktir enn pti pe koman zot *panel* i la, koman zot *CEO* i la. Petet mon ti a kontan, ganny en kontrandi lo Stad Popiler, silvouple.

Mon pa'n tann nonm li ditou. I en landrwa ki ganny servi par, serten atlet *Higher Level*. E mon krwar son *tartan*, i enn pti pe *depleted*. En pe *resurface* ki demann fer laba. E mon krwar anliny avek zot stratezi, anmenn meday Olenpik, ti a bon sa fasilite i ganny gete osi. Akoz *training* lokalman i tre enportan.

Ziska ler bann deor, debousman i ouver. Mon ti a kontan ganny en pe leksplikasyon, lo la silvouple. Mersi.

MR SPEAKER

Mersi. Minis, Stad Popiler. *CEO* pou pran.

CEO NSC JEAN LARUE

Mersi Mr Speaker. Onorab kestyon tre senp. Ankor sa kalite travay refer *tartan track*. Trwa semenn pase, mon'n rankontre en lenvestiser ki'n vin Sesel. E nou'n fer sa vizit lo Stad Popiler ek Stad Linite. Nou ekspekte ganny en *scope of work* konbyen pou koute. *Then* nou ava met kot devan Gouvernman, pou nou fer sir nou re-aranz sa stad. Mersi.

MR SPEAKER

Mersi Onorab Gabriel, fini vitman wi.

HON CONRAD GABRIEL

Vitman briyevman. Kestyon fek tonbe, enn pti teks la. Sa lankadreman - bann *coach* pe dir nou - vi ki i annan en nouvo souf ki'n ganny deklanse. Stad Popiler i komans ranpli. I annan bann dimoun ki vin marse, i annan bann foutboler osi ki *train* la.

Zis ti a bon Minis, zot met en pe lord – petet, lo Stad Popiler. Mersi.

MR SPEAKER

Thank you. Minis mon asire, *CEO* zot in note sa pwen. Mon pou termin sesyon la, pour sa lanmwatye lazournen. Nou pou rebran travay 2er en kar. E nou pou kontinyen avek en *Urgent Question*, apre nou pou pas lo *Bills*.

Minis ek ou delegasyon, mon a dir zot mersi bokou e mon swet zot bonn apre midi e bonn kontinyasyon. Nou a pran poz la. Mersi.

(BREAK)

MR SPEAKER

Bonn apre midi tou dimoun. En leskiz pou sa dele dan rebran, ki akoz nou ti pe fer laranzman pou prezantasyon en *Bill*. Premye nou pou pran *Urgent Question*. Madanm Raporter ou ava apel Minis ek son delegasyon.

Bon, bonn apre midi Minis Errol Fonseka e byenveni dan Lasanble ankor enn fwa. E mon swet la byenveni Mr Ted Barbe osi Komisyoner Lapolis, *Superintendent* Antoine Desnousse, *Head of Visible Policing*. Mrs Analisa Labiche *Clinical psychologist and Head of Psychological Care Services* dan Minister Lasante.

Nou pe pran en kestyon, en *Urgent Question*. Onorab Johan Loze. Onorab prezant ou kestyon silvouple.

HON JOHAN LOZE

Mersi Mr Speaker. Bonn apre midi Minis. Bon apre midi tou koleg Manm e tou dimoun a lekout.

Minis piblik an zeneral pe eksprim konsern avek logmantasyon dan lakantite ka swisid, ki'n ganny raporte par Lapolis e posibilite ki i osi annan plizyer ka *self-harm*. Eski Lasanble i kapab ganny detay lo konbyen ka swisid e *self-harm* ki'n ganny rikorde par bann Lotorite konsernen, e ki mezir oubyen mekanizm ki pe ganny met an plas pou fer fas avek sa bann sityasyon? Mersi Mr Speaker.

MR SPEAKER

Mersi Onorab. Minis ou repons silvouple.

MINISTER ERROL FONSEKA

Mersi Mr Speaker. Mr Speaker. *Leader of Government Business*, *Leader* Lopoziyon, tou Manm Onorab e tou dimoun a lekout bonn apre midi.

Mr Speaker zis avan mon reponn kestyon Onorab Loze mon oule dir 2 mo. Premyerman sa topik i en topik enportan, enportan me osi tre sansib. Mr Speaker an se moman nou bezwen mazin soufrans sa

manman, sa papa, sa frer, sa ser ki'n pas dan tel leksperyans. E sa soufrans ki toultan reste ek li.

Dezyenmman i en topik ki pa senp e pa nou tou ki annan sa ekspertiz dan sa domenn. Mon konsern se ki nou reste pridan dan nou diskisyon an konsiderasyon ki nou pa relev douler serten fanmir, ki'n eksperyans bann sityasyon parey.

Alors Mr Speaker pou sa bann rezon, mon pou reste zis dan paramet kestyon Onorab Loze. Mr Speaker pou sa 3 dernyen lannen Lapolis in rikord 3 ka swisid pandan lannen 2020. 2 parmi ti bann ka pann e 1 kot viktim ti sot devan en bis.

Pou 2021 6 ka in rikorde, 2 ka pwazon avek 4 ka pann.

Mr Speaker ziska la prezan 2022 Lapolis in rikord 3 ka pann. Pou note Mr Speaker ki parmi sa bann sif ti annan 2 madanm, enn ladan ti'n bwar pwazon an 2021 e en lot ti pann sa lannen boner Fevriye. Larestan ka ti bann zonn.

Pou bann ka kot viktim in esey koz dimal son prop lekor savedir *self-harm*, Lapolis in rikord 3 ka pandan lannen 2021, sa ti 3 fiy miner. Pou sa lannen 2022 ziska prezan 2 garson miner ek en fiy.

Mr Speaker i enportan note ki sa bann ka ki'n ganny raporte avek Seksyon Zanfan dan Lapolis *Child protection and Family Squad*. Lapolis i annan en sistenm an plas ler en ka *self-harm* ou en lesey pou swisid i ganny raporte, sa viktim i ganny refer kot Lopital Sesel e avek psikolog depandan zot leta lespri. Psikolog i swa admit zot ouswa larg zot avek swivi.

Mr Speaker Lapolis i fer li en devwar pou kontinyelman swiv sa ka. Par kont nou bezwen realize ki i annan plizyer ka ki pa neserman ganny raporte avek Lapolis. Me plito ganny raporte dan bann lezot lenstitisyon ou lasosyasyon ki konsernen avek proteksyon bann zanfan e sipor lafanmir.

Zisteman Mr Speaker si nou pou reponn kestyon Onorab Loze lo ki mezir oubyen mekanizm ki i pe ganny met an plas pou fer fas ek sa bann sityasyon, atraver mo larepons mon'n brefman pas lo sa ki Lapolis pe fer. Me pli gro zefor i reste lo lasosyete an antye danm la fanmir, al kominote e lekol pou nou ede gard en pe plis latansyon lo sa sityasyon.

I annan bann *helpline* an plas pou asiste *NCC helpline* 432..26..26, Departman Servis Sosyal *helpline* 116, kot Lopital 438..80..00, nou kapab telefonn kot *Wellness Clinic* kot Twa Ver

pandan lazournen. Apre 4er ou kapab kontakte *emergency* e apre pou pas ou avek sa psikolog ki *on call*. Mersi Mr Speaker.

MR SPEAKER

Mersi Minis. Onorab Loze nou a pran ou kestyon siplemanter silvouple?

HON JOHAN LOZE

Mersi Mr Speaker. Minis ou kapab *rest assured* mon pa krwar i an okenn Manm ki pou tret sa size dan en fason ki *insensitive*, akoz mo krwar nou tou nou vremen konsernen. *Minister from* bann sif ki ou'n donn nou, nou pe *average* en ka swisid par mwan pou 2022. E ou'n dir nou osi 3 ka *self-harm*, so we *averaging one per month*. So kestyon ki mwan mon annan pou ou Minister, mon konnen posibleman i pa antyerman ou responsabilite, si nou pe panse pou tret sa size koman enn;- en irzans nasyonal, kot i ava kapab ganny latansyon bann pli o lenstans pei, ki nou ava nobou bouz lo en nivo en pe pli o petet pli vit e komans adres li atraver konsyantiz dimoun, ledikasyon osi. E konsyantiz dimoun pou ede si ou vwar en dimoun i izole, i pe al dan serten direksyon.

Mon konnen Minis posibleman sa i pa egzakteman ou *purview*. Me selman si ou ti a kapab gid nou, si i annan okenn *thinking* pou bouz sa lo rekonnet ki koman en ka irzans nasyonal?

E mon dernyen kestyon Mr Speaker lo sa size eski nou pe mazin anmenn plis sipor pou bann viktim, pou fanmir, pou sosyete an zeneral, la ki lemonn pe antre dan bann moman pli trouble?

E mon rekonnet Minis ou'n koz lo bann viktim ki pa'n ganny rikorde dan ou statistik. Sa mon konnen i leka pou *at cases of attempted suicide*. Akoz Lopital i annan ki antre, ki ganny rikorde kot Lopital menm e posibleman koman bann diferan form *harm* e pa neserman swisid? Mersi Mr Speaker.

MR SPEAKER

Mersi Onorab. Minis ou repons silvouple.

MINISTER ERROL FONSEKA

Mersi Mr Speaker. Mersi Onorab pou ou kestyon swivi.

Les mwan fer li kler, mon pa santi okenn rezon akoz i annan en *urgency* irzans nasyonal pou sa sityasyon an se moman. E menm lefe

ki i paret Onorab pe met en ton irzans en ton *emergency*, mon pa ni war okenn rezon pou en *Urgent Question* osi. Akoz mo pe dir sa, akoz menm mon'n donn ban sif 2020, 2021, 2022 ler ou get sif 2018 ti 6 sa lannen e 2019 ti 5 sa lannen.

E dan sa moman ti napa okenn irzans pou dil ek sa sityasyon. An 2020 in vin 3 in desann, 2021 i reste 6 ankor. So pour ki rezon i annan en keksoz irzans, mon pa kapab swiv sa rezonnman, alor setou ki mon annan pou dir.

Be lo okenn lasistans teknik lo parey mon dir boner sa size tre *typical* mon kapab petet demann Mrs Labiche si i annan okenn komanter i kapab fer lo la. Mersi Mr Speaker.

MR SPEAKER

Mersi Minis. Mrs Labiche ou annan laparol pou adres sa.

CLINICAL PSYCHOLOGIST ANALISA LABICHE

Mersi Minister Fonseka. Bonn apre midi Mr Speaker. *Leader of Government Business*, *Leader* Lopozisyon tou bann Manm Onorab e tou dimoun a lekout. Petet Mr Speaker si ou a permet mwan zis mon pou ranforsi en pti pe sa ki Minister in dir o komansman *in terms of the sensibility of* sa topik. E zis pou petet bann dimoun i pe ekoute ki a okenn moman petet in *engage* dan en *suicide*, oubyen petet ki'n perdi en Manm lafanmir or en dimoun *close*.

Mon ti a kontan petet *remind* zot ki zot kapab toultan pran kontak avek Servis Lasante. Nou ouver toulezour *even Emergency*, *Casualty* si an ka zot santi zot annan difikilte pou *cope as a result of the topic of the day*.

Me selman wi, pou retourn lo kestyon Mr Onorab Loze. Mon krwar i annan en distenksyon ant *complete suicide and suicide attempts*. So nou limero *of attempted suicide* i toultan pli bokou ki nou nimero *of complete suicide*.

E wi i annan en desant dan limero *of complete suicide*, e *similarly* petet zis pou pas lo la; 2019 nou ti annan 48 *attempted suicide* e sa se statistik ki ti raporte dan Lopital e sa se diferan *self-harm* ki dimoun i fer *towards themselves*, 2020 nou ti annan 140 e 2021 nou ti annan 106.

I enportan note ki sa bann *statistics* se bann dimoun ki aktyelman *end-up* kot *Casualty or end-up* dan en Servis Lasante Mantal or en lot servis. *Usually what happens is* zot pou ganny

ladmisyon, e apre zot ladmisyon zot pou vwar en *psychiatrist* e osi en *psychologist* avan ler zot al dan lakour.

E mon krwar i enportan note osi ki annan sa lentervansyon i aktyelman anpes nou vwar bann *repeat of attempts*. E sa i vremen, vremen enportan. I vedir ki sa servis ki nou pe met an plas i pe, zot pe kapab servi e zot pe an kontak avek servis. Mon pa konnen si mon'n reponn tou ou kestyon Onorab Loze.

MR SPEAKER

Mersi Mrs Labiche. En lot kestyon nou a swiv. Wi Onorab Loze ou kapab al lo ou klarifikasyon silvouple.

HON JOHAN LOZE

Mr Speaker be zis pou klarifye *attempted suicide is covered under self-harmed*. E Minis pa'n adres sa size ditou, Mrs Labiche la ki son nou sif. Mersi Mr Speaker.

MR SPEAKER

Wi, in demann Mrs Labiche adrese, Mrs Labiche in adrese. Silvouple satisfè. Bon mon pou demann bann Manm reste preski *concise* dan zot kestyon siplemanter. Mon annan lot tenm lo *agenda* ki sipoze komanse 3er. Onorab Pillay ou siplemanter silvouple.

HON SEBASTIEN PILLAY

Mersi Mr Speaker. Mr Speaker mon oule zis dir ek Minis pran sa kestyon *and* annou tir tou konsiderasyon Gouvernman ki ti la, ek Gouvernman ki pa la. Mon oule nou get zis bann sif ki devan nou e mon pa oule al okenn size sansib pou dimoun aköz sa i mon konsern priyoriter.

E mon konsernen ek sa bann sif ki Mrs Labiche in met devan nou, *whether* i ti pou ariv an 2018, *whether* in ariv an 2019, *whether* i pe ariv la mon pi konsernen avek. E mon santi poudir i bezwen annan keksoz ki nou kapab fer an plis e sirtou si sa pe *involve* miner, nou bezwen sey regarde si i annan okenn, mon a konnen okenn keksoz ki pe presipit sa bann sityasyon.

So mon kestyon Mr Speaker se eski Lapolis i pe konsidere met an plas, mon konnen dan lezot pei i annan, i annan bann diferan *hotlines* ki bann dimoun i kapab *call*, me osi i annan bann travay

konzwent ki bann lafors sekirite, pa lafors sekirite me Lafors Lapolis i fer avek bann Lenstitisyon Sivil.

Parey bann Departman Lasante pou fer bann serten lenvestigasyon pou etabli si i annan par egzanp *cyber bullying* ki *involve* dan bann ka kot bann miner pe komet bann aksyon *self-harm*, oubyen si i annan bann lezot, lezot bann kriter, bann kondisyon ki pe fer sa bann dimoun, en dimoun ki'n abou, nepli kapab *cope* e deside fer sa.

Nou pa kapab antre dan lespri dimoun e mon senpatiz avek tou dimoun me sey ed nou konpran si nou pe mazine met okenn mekanizm an plas pou zwenn sa ki Minister Lasante pe fer, e ki Lapolis i kapab fer an menm tan e lezot bann akter pour ki nou kapab vin ansanm e trete li. 140 ka Mr Speaker ou ava aksepte poudir i ase serye, i alarman.

So petet si mon ti kapab ganny Minis. Minis annou sey *focus* lo la, mon napa okenn lentansyon fer okenn pwen politik lo sa kestyon. I zis ki mon anvi regarde ki mannyer nou kapab travay ansanm pou dil ek sa sityasyon.

MR SPEAKER

Mersi. Minis a pran sa kestyon silvouple.

MINISTER ERROL FONSEKA

Mersi *Leader* Lopozisyon pou ou kestyon.

Mon'n zis ganny parsel yer sorti kot Mrs Labiche enn de bann *causes for suicide attempts*, i pe koz lo *relationship problems, financial issues, addiction, patients avek existing psychopathology mental issues*. Tousala i annan bann *existing agencies* ki dil avek *the social and the civil law*.

Me *at the same time* mon a pas ou kestyon avek *Commissioner of Police* lo *response* Lapolis ki zot pe fer an kolaborasyon avek sa bann *Agencies*.

MR SPEAKER

Mersi. *Commissioner*.

COMMISSIONER OF POLICE MR TED BARBE

Mersi Mr Speaker. Lapolis parey nou konnen nou annan en *unit* ki apel *Child Protection Unit* e sa i konsernen avek travay ki viz ver bann

lofans kont bann, bann zanfan, si oule ziske 14an. Apre nou osi annan *Family Squad* ki pran 15an an montan.

Me kwa ki byen parmi sa ki mon pe dir la, i se ki i annan en travay kolabore ant plizyer Lazans kan i konsern okenn lofans ki viz ver bann miner. Kot bann miner i vin viktim i toultan annan sa travay kolaborasyon. Si Lapolis ki ganny *call* avan i toultan alert ban lezot Lazans, si *Health* ki imedya si ki bezwen sa swen medikal *then Health* i ganny apele avan.

Me i toultan annan sa travay an kolaborasyon tre pre avek *Social Services*, lekol kot i konsernen si i annan kestyon pou *counselling* i annan bann *referral* ki ganny fer. *So, all in all* sa i *extend* ziske *Attorney Zeneral* ziska Zidisyer, kot si i annan en *case* i ganny dispoze Ankour.

All in all i annan sistenm an plas ki *cater* pou sa bann keksoz. E i en *matter* ki bann rapor i ganny fer apropiyeman, e Lapolis i ganny met azour avek kan i fodre e lanket i ganny fer kot i annan en lanket.

E mon mazine tou keksoz i annan lespas pou *improve* e se sa ki mon kapab dir. Travay pe ganny fer selman i annan travay ki la e nou pran li serye tou. Mersi Mr Speaker.

MR SPEAKER

Mersi. Mon a pran kestyon Onorab Vidot.

HON AUDREY VIDOT

Mersi Mr Speaker. Mr Speaker mon premye kestyon pou Minis. Minis premye mon en pti pe dezapwente lo ou dernyen larepons avek kestyon Onorab Loze.

Akoz mon santi poudir eski Gouvernman pe esper ankor plizyer ka swisid pou pran en lapros ansanm avek bann Minister, oubyen bann partener konsernen pou nou kapab vwar ki problem ki komen avek nou popilasyon, ki zot vwar semen pli fasil se komit swisid oubyen sey komit swisid? Sa mon premye.

Mon dezyenm Mrs Labiche petet mon pa konnen si ou annan sif avek ou la, letan ou'n dir pou *self-harm* lo bann miner kantite zot lo baz *gender*? Akoz Minis in dan zis 2 sif dan konparezon sa 2 lannen. Mon pe dir zeneralman sa kantite ki ou'n nonmen, eski mou annan en kantite miner ki sif i pli o ki adilt?

Sa i enn. Si ou kapab klarifye sa e osi zot *gender*. E kwa ki petet vi ki zot ki anmas sif, la ozordi la letan nou pe koz lo sa size la, napa bokou zenn ki pe swiv Lasanble Nasyonal. I annan en kantite zenn ki pa konn sa *hotline*. E sa bann zenn pa tou, zot zanmi pli pris parfwa ki zot koz avek kekfwa i sa enn ki dan lekol ek li.

E li osi i pa konn sa *hotline*, e ki mannyer Gouvernman i kapab tret sa size serye pou nou vwar ki mannyer ou kapab ed nou bann zenn ki pe ganny *bully*, ki pe pas dan difikilte e ki krwar poudir solisyon pli fasil pou li dan plas vin devan oubyen apros en adilt pou li kapab eksprim son santiman, i deside pou li komit swisid? Mersi.

MR SPEAKER

Mersi. Minis ou a pran premye parol apre ou a pas avek Mrs Labiche.

MINISTER ERROL FONSEKA

Mersi Mr Speaker. Mersi Onorab pou ou kestyon. Onorab ou kestyon ki ou pe demande, i en sityasyon ki bann lenstitisyon pou dil ek sa i egziste e zot pe toultan fer zot louvraz. I pa en kestyon ki *suddenly* nou bezwen panik lo la, sa bann sif ler zot gannyen zot war mannyer i pe monte zot dil avek.

Me sa pli gran resers pou kapab etabli si i annan en keksoz direktman asosye ek sityasyon dan lekol, lekol sityasyon *COVID*, sityasyon ki dimoun i ganny *restricted* dan bann rezon *COVID*.

Tousala bann keksoz ki la nou pe sorti ladan, mon pa konnen si i relye ek sa, si zot pa relye ek sa. Me mon pa war okenn keksoz ekstra normal ki bezwen ganny apropiye *either then* pran bann *advice* ki bann eksper dan sa domenn i donn ou pou fer. So, mon a pas sa avek Mrs Labiche pou reponn son kestyon. Mersi.

MR SPEAKER

Mrs Labiche ou ava adres dezyenm bout.

CLINICAL PSYCHOLOGIST ANALISA LABICHE

Mersi Mr Speaker. Mersi Onorab. Avek mwan la statistik i mon annan 2019, 20 ek 21 *in terms of female children* nou'n annan, an total nou'n annan 66 zanfan, so sa i pandan sa 3an. So sa i bann zanfan, pli zenn ki nou'n vwar petet 12an *up to 17*, sa nou pe koz zanfan, nou konsider *anybody* anba 18an en? So i annan en kantite fwa dan bann *cases* ki nou'n vwar plis se dan bann 16, 17an. E en

kantite i *relationship issues*. Apre bann ki en pti pe pli zenn ki nou'n vwar *mostly has been* ankor lo *relationships*, me selman plis konfli dan lafanmir, bann pti *issues* dan lafanmir. E par ler zanfan pa konnen manner pou *express* zot lekor e *suicide* in en keksoz ki zot in *threaten*.

Par ler zot pa neserman fer en keksoz, me *the fact* ki zot in *threaten* e paran pou kontakte Lopital oubyen pou kontakte sosyal, oubyen en kantite fwa zot kontakte Lapolis pou Lapolis ed zot anmenn zanfan kot nou. So nou menm si napa en *attempt - the fact* ki ti annan lentansyon *for an attempt* nou pou *still* rikord li, i pou still vin en *statistics*.

Selman i enportan ki mon dir ki nou *statistics* Sesel i pa diferan avek lezot parti lemonn. Lezot parti lemonn parey ou pou vwar plis madanm i *attempt suicide* ki msye.

Me selman *in terms of final complete suicide* nou pou ganny plis dan msye ki dan madanm. *And again* i enportan, pa ki bann madanm pe fer krwar oubyen bann madanm pe rod latansyon non i pa sa, fodre nou pa met sa dan nou latet *at any pint*. *At any point* ki en dimoun i dir ou i annan lentansyon, *we must deal with it seriously each and every time*. E sa ki nou, nou fer dan nou servis. Mersi Mr Speaker.

MR SPEAKER

Mersi Mrs Labiche. Nou a pran kestyon Onorab Roucou.

HON MICHEL ROUCOU

Mersi Mr Speaker. Bonzour Minis avek ou lekip. Minis anefe lo sa bann sif ki zot in donner, eski si ou kapab dir nou, eski i annan etranze ladan, ki petet ki souvandfwa i koz sa bann *self-harm* oubyen ki'n komet swisid? Mersi.

MR SPEAKER

Mersi. Minis.

MINISTER ERROL FONSEKA

Mersi Mr Speaker. Zis mon'n ganny *clarification here with COMPOL*. *Minimum* etranze eksepté enn, leres Seselwa. Mersi Mr Speaker.

MR SPEAKER

Mersi. Mon a pran dernyen kestyon. Onorab Bistoquet.

HON ROSIE BISTOQUET

Mersi Mr Speaker. Bonn apre midi Minis avek ou delegasyon. Bonn apre midi tou bann Onorab. Petet Minis mon kestyon ti a diriz ver sa Ms Labiche.

Mrs Labiche ki mon ti pou demann ou atraver Mr Speaker. Baze lo nou kantite popilasyon ki nou annan Sesel, 80ekek poursan, 90poursan, ki poursantaz sa sif i reprezante pou - donn nou en lannen, lannen pase, par egzanp, pou Sesel deklar *well* en sityasyon irzans nou pei, sirtou en irzans Nasyonal parey avek lezot maladi ki annan dan Sesel? Apre sa i enn.

Dezyenm mon kestyon petet sa pou Minis avek son lekip se ki letan nou regarde sa i en sityasyon kot en dimoun i annan en problem, swa i annan en problem mantal swa i annan lezot keksoz. Be selman mon pa krwar i zis pou Gouvernman pou pran sa an men. Petet Ms Labiche vi ki ou en psikolog ou konn en pti pe pli byen ki mon pe dir ou.

Se ki mannyer petet nou kapab ankouraz bann lasosyete sivil, ouswa bann legliz NGOs, pou zot kapab zwenn ansanm pou vin Anbasader pou kapab lalit kont sa sityasyon? Sirtou ki nou konnen poudir dan nou pei i annan en kantite dimoun ki servi drog ki mo krwar zot bezwen en kantite *psychosocial support*? Mersi.

MR SPEAKER

Mersi Onorab. Minis kot ou ti a kontan komanse?

MINISTER ERROL FONSEKA

Mersi Mr Speaker. Sa premye kestyon ki ou'n demande ma get ek Mrs Labiche taler i a reponn. E wi Onorab mon pa konnen ki eksitasyon nou [e met lo sa size. I en size serye, me selman i annan en kantite sa bann lenstitisyon ki egziste ozordi ki fer en kantite louvraz ki petet zot pa tro tap zot lekor lo zepol.

Me selman zot pe fer en kantite louvraz. Annou rekonnet sa bann *social work*, sa bann zefor eksepsyonnel ki sa bann Lazans i fer e respe sa en pe. Gouvernman i la. Gouvernman pou pran *advice from* tou sa bann dimoun, sa bann *expert* parey Ms Labiche e desizyon ki ganny fer i baze lo *expert data, expert advice*.

So mon krwar pa si la en sityasyon ki nou *desperate* pou rod sa sityasyon ki pa egziste ki nou pe sey met lo la. Lo kestyon sa zafer irzans mon a pas sa kestyon ek Mrs Labiche silvouple. Mersi.

MR SPEAKER

Mersi. Mrs Labiche ou ava adres dernyen parti sa kestyon oubyen premye.

CLINICAL PSYCHOLOGIST ANALISA LABICHE

Mersi Mr Speaker. Mersi Ms Rosie, Onorab. *WHO* zis petet pou met li en pti pe dan konteks *right*. *WHO* in *estimate about 800mil* dimoun i mor tou le lannen avek *suicide around the world*. Sa i reprezant a *suicide rate ant 16per hundred thousand people globally*.

E pou Sesel 2021 dan nou *vital statistics report* Minister Lasante ki *available online*, i montre en *rate of 8.1 per hundred thousand population*. E sa i *8.1per hundred thousand population*. So ankor nou pli ba ki *the global rate which is* ankourazan.

E wi *suicide* pe annan sa lanpler *public health*, se *obviously* akoz sa lenpak ki i anmennen lo lafanmir e lezot dimoun ler i arive.

E *in terms of* lentervansyon, promosyon sirtou petet prevansyon e promosyon kot Minister Lasante tou le Septanm, *from le 10 Septanm* ki *World Suicide Prevention Day* nou, nou fer *a months' worth of activities* kot nou pe kontinyelman ankouraz dimoun pou zis demann kanmarad koman ou sava, *how are you, are you okay?*

So petet sa bann kestyon ki bann Onorab osi i kapab komans demann kanmarad *on a regular basis*. *Are you okay?* So nou'n annan en *campaign* - nou'n annan en *campaign over the couple of years* la pou nou aktyelman promot demann kestyon.

Mon konnen en kantite dimoun i per, i dir ou si mon demande kekfwa mon a met sa nide dan latet sa dimoun. Me aktyelman si ou demande ou donn sa dimoun loportinite pou li koz avek ou lo la. Apre *once* i koz ek ou lo la, *then* ou kapab reazir *by* kontakte Lasante. *Thank you*.

MR SPEAKER

Mersi Mrs Labiche. Avek sa mon a remersye Minis e son delegasyon pou zot partisipasyon. E mon a swet zot bon kontinyasyon. Mersi. Nou a pran en *sanitizing break* avan nou kontinyen.

(technical break)

MR SPEAKER

Bonn apre midi Vis-Prezidan Ahmed Afif. E byenveni Lasanble ankor enn fwa e osi egalman bonn apre midi e byenveni Mr Stefan Knights, *Assistant Principal State Counsel*. E Mrs Nissa Thompson *State Counsel* tou lede sorti *AG's Office*.

Nou pe pran *Mutual Assistance in Criminal Matters, Bill, 2022*. Nou a komanse avek Mosyon pou *Second Reading*. Onorab Georges.

HON BERNARD GEORGES

Mersi Mr Speaker. Bonn apre midi Mr Speaker. Bonn apre midi Vis-Prezidan. Mr Knights avek Mrs Thompson e tou dimoun ki pe ekout nou. Mr Speaker anba *Order 69/2* nou *Standing Orders* mon *move* ki *The Mutual Assistance in Criminal Matters, Bill, 2022* i ganny lir en Dezyenm Fwa. Mersi.

MR SPEAKER

Mersi. Nou a ganny en segonnman. Onorab Hoareau.

HON JOHN HOAREAU

Bonn apre midi Mr Speaker. Mon annan gran plezir pou segonn sa Mosyon. Mersi.

MR SPEAKER

Thank you. Vis-Prezidan nou envit ou pou prezant *Bill* silvouple.

THE VICE-PRESIDENT AHMED AFIF

Mersi bokou Mr Speaker. Bonn apre midi Mr Speaker. *Leader* Biznes Gouvernman, *Leader* Lopozisyon, tou bann Manm Lasanble e tou dimoun a lekout.

Mr Speaker ozordi mon pe prezant avek Lasanble Nasyonal en Prozedlwa trez enportan. Sa se proze Lalwa Lasistans Legal dan bann Zafer Kriminel 2022, oubyen an Angle *Mutual Assistance Assistant in Criminal Matters Bill, 2022*.

Sa proze Lalwa i annan bi pou ranplas Lalwa aktyel lo Lasistans Legal dan bann Zafer Kriminel 1995. Bann diferan aktivite kriminel ki ti afekte lemonn an 1995 totalman diferan avek sa ki egziste ozordi.

Malerezman bann krim organize, trafik drog kontrole, blansisaz larzan, koripsyon, e osi bann defi pou tras bann resours vertyel, se bann nouvo realite ki reprezant en gro problem ki pa selman Sesel ki pe fer fas avek ozordi.

Par egzanp, anmezir ki bann kriminel i vin pli eksperyanse spesyalman, sa bann ki eksplwat nou bann sekter finansyel, fer li pli difisil pou bann Lazans ki aplik e ranforsi Lalwa atraver lemonn, pou kolekte levidans.

Mr Speaker bann diferan defi in ganny idantifye dan Lalwa aktyel Lasistans Legal dan bann Zafer Kriminel, e zot in ganny dokimante par diferan Lenstitisyon Enternasyonal parey in ganny eksplike dan deklarasyon sa Prozedlwa.

Enn parmi bann defi i lefe ki Lalwa Lasistans Legal dan bann Zafer Kriminel ti vin an fors an 1995, 27 an pase. Alor i kler ki i annan en bezwen pou en Lalwa pli efektif pou fasilite bann korperasyon enternasyonal ant Sesel ek bann lezot pei, ki neserer pou ede ranforsi nou konba e konba lezot leta kont bann krim serye e sever.

Mr Speaker mon pou aprezan fer remark lo bann pwen pertinan pou latansyon bann Manm Lasanble Nasyonal e osi tou bann manm piblik ki pe ekoute. Tou dabor i enportan ki piblik i konpran ki definisyon Lasistans Legal dan bann Zafer Kriminel. Sa se en proses formel ki bann pei i servi pou asiste enn a lot dan bann lanket e pourswit pou bann lofans kriminel sever.

E sa bann lofans i kapab ganny pini pou en tern lanprizonman 12mwan oubyen plis. Mr Speaker sa Prozedlwa i ganny divize an 4 parti;- premye parti i enkli bann zafer preliminar tel ki definisyon e lobzektif sa proze Lalwa.

An partikilye i enportan pou fer resorti ki seksyon 5 i fer kler ki sa Prozedlwa pa otoriz lekstradiksyon okenn endividi. setadir nou pa pou fer en endividi ki Sesel ki pou ganny anvoye dan en lot pei kot i a ganny zize. Nou pa pe fer provizyon dan sa Lalwa.

Dezyenm parti sa proze Lalwa, i fer provizyon pou bann demann ki Sesel i kapab soumet anver bann lezot pei pou lasistans dan bann zafer kriminel. Sa bann tel demann a ganny fer atraver Departman Zafer Etranzer isi Sesel par oubyen atraver *Attorney General* oubyen okenn lezot Lotorite ki Prezidan i otorize.

Mr Speaker i enportan note ki seksyon 17 sa Prozedlwa i permet *Attorney General* pou fer okenn lezot demann ki ganny permet anba

Lalwa a sa bann lezot pei. E sa i vremen enportan prenon kont diferans dan striktir legal pei, e osi bann fitir devlopman dan Lalwa ki fer provizyon pou sa bann tel lasistans.

Mr Speaker trwazyenm parti sa Prozedlwa i adres bann demann ki lezot pei i kapab soumet anver Sesel, pou lasistans dan bann zafer kriminel. Sa i enkli bann diferan lasistans tel ki pou pran levidans isi Sesel.

Pou fer servi dokiman lo en dimoun isi Sesel, e menm pou egzekit serten lord Lakour ki'n ganny fer dan lezot pei pou konfiskasyon propriyete ki'n ganny realize an relasyon avek bann krim sever.

Mr Speaker finalman katriyenm parti sa Prozedlwa, i fer provizyon pou kre e mentenir en rezis pou anrezistre bann demann;

Prosedir pou otantifikasyon bann dokiman; pou permet laplikasyon pou donn lasistans par lyen *video*; pou permet Sesel kapab antre dan Lagreman avek lezot pei, pou partaz okenn propriyete ki'n ganny sezi an rezilta kolaborasyon ant Sesel ek lezot pei. E finalman pou fer regilasyon e osi pou kre prosedir ki ganny servi Ankour. Mr Speaker pou terminen, mon kapab dir ki sa Prozedlwa pou pli bye fasilite lasistans enternasyonal dan bann zafer kriminel, e i osi en zouti esansyel dan nou lalit kont bann aktivite kriminel.

Mr Speaker mon osi profite pou remersye *Attorney Zeneral* pou son travay dir an relasyon avek sa Prozedlwa e an partikilye son zofisye Mrs Nissa Thompson pou tou son travay ki in fer e ankor pe fer, pou egzekit ban kantite demann ki *Attorney Zeneral* in resevwar li osi pou soumet bann demann ki pei in fer.

Mr Speaker mon osi remersye ou, tou bann Manm Lasanble e osi pep Seselwa pou zot latansyon. Mon aprezan prezant *Mutual Assistance in Criminal Matters, Bill, 2022*. Prozedlwa Lasistans Legal dan bann Zafer Kriminel 2022 pou deliberasyon e laprouvasyon Lasanble Nasyon. Mersi bokou.

MR SPEAKER

Mersi Vis-Prezidan. Nou a pran deba lo sa *Bill*. E mon a komans avek entervansyon Onorab John Hoareau.

HON JOHN HOAREAU

Mersi Mr Speaker. Bonn apre midi Mr Speaker. Bonn apre midi Minis, bonn apre midi bann Zofisye AG's Office.

Dabor mon oule salye sa travay ki'n ganny fer lo la - lo sa *Bill*, akoz i reprezant en travay ase metikile akoz ler nou koman *Bills Committee* nou'n pas lo la, nou pa'n vwar tro bokou ou preski ditou fot lo la. So i en travay egzampler ki nivo i devret ganny mentenir.

Mr Speaker sa Prozedlwa ki devan nou i pe moderniz Lalwa aktyel, e entrodwir bann pli bon pratik enternasyonal. Dan lafason ki lasistans mityel i kapab ganny fer dan bann ka kot i annan bann zafer kriminel tel ki blansisaz larzan oubyen bann ka ki relye avek terorizm.

Ki kapab arive an deor Sesel, me pou en rezon ou en lot i lye avek Sesel atraver nou sekter *offshore*. Ler nou get sa Prozedlwa lafason ki in ganny drafte, i enportan pou piblik konpran en pti pe ki striktir ki pe ganny servi.

Premyerman ler laplikasyon i vini sorti aletranze, i ganny adrese avek *The Central Authority* ki AG's Office e la i pou determinen si sa Leta i en *prescribed state* oubyen i en *non-prescribed state*.

En *prescribed state* vadir en Leta ki deza annan en lagreman mityel avek Sesel pou lesanz lenformasyon oubyen pou lesanz bann lasistans lo *criminal matters*. E si i en *prescribed state* la AG i rod Lotorite konpetan ki souvandfwa i Lapolis, *FIU* oubyen *FSA*, e la li i *conduct* sa laplikasyon.

Be si i en *non-prescribed state* prezan sa zafer i al kot *Foreign Affairs* e li *Foreign Affairs* i antre an kontak avek sa pei ki'n demann sa laplikasyon.

An fezan sa i etabli en lagreman mityel avek sa pei an ka ki tou lede kote i kapab lesanz sa bann lasistans pou *criminal matters*. E *once* ki in ganny sa lagreman mityel prezan i retourn kot AG e AG i fer Lotorite konpetan aplik sa bann rekomandasyon.

Mr Speaker anba sa Lalwa Lotorite konpetan i pou kapab egzekt bann lord Lakour, pou fer parey fouye, lenvestigasyon menm ekout telefonn e fer laranzman pou en dimoun al don levidans swa isi lokalman, swa aletranze; entersepte kominikasyon *internet*, sezi okenn propriyete ki annan relevans avek sa ka e *conduct* sa ki nou apel bann *covert surveillance* bann sirveyans maske.

Me selman si sa lenformasyon sa laplikasyon se pour obtenir selman lenformasyon *accounts* i fasil. Me si i pou fer bann lenvestigasyon pli o profon, parey tel ki koman ekout telefonn, sa i

pou bezwen rod en legzekisyon sorti kot *Supreme Court*. Vedir Lakour Siprenm ki bezwen donn sa lotorizasyon.

Mr Speaker Sesel nou'n ganyen plizyer fwa bann laplikasyon pou lasistans mityel. E tou resaman i annan *Guinea Equatorial* ki'n demann Sesel pou egzekut en lord Lakour pou sezi serten byen ki'n pas atraver nou sekter *offshore*.

Alors sa Lalwa pou ede pou kapab fasilite sa bann travay ki *FIU*, Lapolis, oubyen *FSA* i bezwen fer. Sa Lalwa parey mon pe dir pe *provide* sa *framework* legal, pour ki sa bann, sa mekanizm i kapab mars dan en fason pli byen.

Me selman Mr Speaker i annan enn de pti konsern ki mon annan lo kote sa Lalwa. Par egzanp *FIU* anba *Anti-Money Laundering Act, 2006* e avek son lapartenans avek *Egmont Group* i deza annan bokou sa bann pouvwar.

Mon ti a kontan konnen ki fason sa 2 rol pou ganny rekonsilye? Ki striktir ki pou permet kordinasyon ant sa bann diferan Lotorite konpetan e ki fason e ki fason ki zot pa pou mont lo lipye kanmarad e zot pa war zot rol i ganny *overlap*.

Efektivman, egalman setadir Lapolis osi i deza annan serten korperasyon avek Enterpol, e mon ti oule konnen ki mannyer sa bann rol pou marse, anba ki *framework* sa bann diferan rol pou ganny kordinen, pour ki i annan efikasite dan lafason ki nou servi nou resours ki deza tre limite, sirtou nou resours personnel.

Si soudan osi nou komans ganny pli bokou laplikasyon, ki fason Gouvernman i mobiliz oubyen i pou mobiliz resours finansyel e resours teknolojik pour kapab *accommodate* pou sa bann demann.

Parey nou'n vwar sa Lalwa i en pti pe *tailor made* pou *IBCs* pou bann *International Business Companies*. Me petet i annan serten grey *area* ki konsern 2 Leta souvren, mon ti a kontan konnen si i annan, mon konnen poudir sa Lalwa i pa *go through that extent*.

Me selman mon ti a kontan konnen si i annan en lot mekanizm ki kapab ganny servi pou petet permet rod serten lenformasyon, avek en lot Leta si i annan pou fer avek terorizm oubyen *money laundering*.

Nou'n vwar dan lepase osi par egzanp in annan bann ka kot zarm *MALO* par egzanp ki ti vann avek *Rwanda*. Si demen i annan en lenvestigasyon ki Sesel i anvi fer, eski i kapab, ki striktir ki pou permet li antre anba en lagreman avek dizon *Rwanda* pou ganny serten lenformasyon lo sa bann size.

Oubyen par egzant si en dimoun, si demen nou dekouver ankor en kantite zarm dan lakour en lot dimoun ki lye avek serten lezot *foreign state*, ki mannyer Sesel i kapab antre dan en lagreman avek sa lot *foreign state*, pou kapab ganny serten lenformasyon lye avek sa.

Selman nou konnen an prensip poudir sa Lalwa i pou vreman efektiv. I pou vreman morde ler i konsern bann endividi ki pa *civil servant* ki dizon dan bann *business, international business* avek Sesel dan sektè *offshore*.

Dan serten ka koripsyon si petet i annan serten ka ki Sesel i annan dimoun ki'n petet servi son larzan koripsyon pou li met dan en lot pei, ki fason nou ganny sa lasistans mityel avek en lot *state*, ki petet ki annan pou fer avek sa kalite keksoz?

So, an zeneral mon krwar i en bon Lalwa, me selman Minis taler i ava kapab donn nou en pti pe detay lo sa bann *grey areas* ki mon mansyonnen ki mon konnen i pa kouver anba sa Lalwa. Mersi.

MR SPEAKER

Mersi Onorab. Mon a donn laparol Onorab Johan Loze.

HON JOHAN LOZE

Mersi Mr Speaker. Mr Speaker mwan letan i vin kot sa bann Lalwa Finansyel kot i vin pou tir Sesel lo bann *Black List, Grey List* e lezot lalis ki i lo la mon'n toultan annan mwan en senp lapros.

Sa ki bon pou pei nou al ansanm, si i bon pou Sesel i devret bon pou nou tou e nou tou nou zwenn lanmen ansanm e nou fer li ansanm. Mon'n toultan profes sa. Mon'n lev lanmen mon'n vote e mon'n toultan ensiste ki i bezwen se sa linite dan sa Lasanble ler nou *reach across the aisle*, nou ganny konsansis nou tonm dakor pou nou avans lentere nou pei devan.

Sa pou toultan mon pozisyon. E mon'n fer li kler zanmen mon'n kasyet zot tou isi annan dan zot konnen. *However* i annan en keksoz mon bezwen dir. I annan en pe letan la i annan en *element of distrust* ki'n komans *creep in*. Lalwa i vini ou ganny dir keksoz en fason, ou ganny dir sa i serten fason.

Be si ou en dimoun ki port atansyon, ou asize ou ekout byen ou tande poudir i annan lot keksoz par deryer. I annan lot dimoun ki'n dir fer antre serten keksoz dan Lalwa a en serten pwèn e prezan lezot

dimoun pa kapab tire sa keksoz. Son lanmen i anmare i asize, i get ou.

Mwan osi mon lanmen i anmare aköz konmela Sesel ou pa kapab koze, si mon ouver mon labous pou koze taler zot pou dir zot pou anmenn en Mosyon kont mwan. Deza i deza annan Mosyon *pending* kont mwan, ki zot ti pou anmennen in fware kek par pa'n zanmen arive.

Alors mon bezwen vey byen mon parol ki mon dir.

(Interruption)

MR SPEAKER

Silvouple bann Manm. Gard *order!*

HON JOHAN LOZE

Mr Speaker *there is an element of distrust* ki pe *creep in*. Lalwa i vini ou ganny eksplike Lalwa serten fason, ou ganny dir son bann bon lentansyon par deryer Lalwa.

A few months down the line ou al realize poudir ou vwar sa enn Lalwa la, i ti ganny anmennen pou target direkteman tel ou tel keksoz, ti ganny anmennen pou target entel ouswa entel. Prezan ou kalkile ou dir “be mon ti dan Lasanble mwan ! Mon ti lev mon lanmen, mon'n donn lanmen pase sa Lalwa.”

Be aköz mwan mon'n donn lanmen pas en tel Lalwa, si ti annan sa bann tel lentansyon par deryer. E prezan ou ale ou fouye ou osi ou dir be petet mwan ki mal, ouswa sa dimoun ki'n dir mwan sa li ki mal. Be non - *turns out* wi, zot ti pe seye fer serten keksoz.

Be selman apre zot in anpay zot lekor ek zot bann prop lenvestigasyon zot in tay avan ler ek Lalwa kit en pti pe levidans laba, al tir pli tar sepa kisisa. Bon, zot bann *blunders* ki zot fer atraver zot bann prop lenkonpetans, selman nou isi anndan zot in anvoy Lalwa nou'n pase nou. Nou'n pase Lalwa.

Be prezan mwan mon war mon pri ant sa ki fer sa ki bon pou pei, ouswa pri dan bann lezot kalite azanda ki prezan ler dimoun i dir ou, ou konnen sa dan sa Lalwa la, sa in ganny dir mete par laba, laba ki'n dir met sa dan sa Lalwa prezan nou, nou pa kapab tire.

Be *I'm sorry* Mr Speaker. Mon pou bezwen *reassess* mon pozisyon dapre mon konsyans pou mwan Johan Loze. Mon pa pe koz pou mon Parti mwan, mon pe koz pou mwan. Mon pa pe vot ankor!

In *lock step* ek personn baze on *mutual trust*, because there is no trust avek zot.

E la mon pa pe koz mon bann koleg la *I'm sorry* mon bann koleg Onorab. Mon pa pe koz pou zot mwan. *In fact* si i annan en keksoz pe arive se lenkonpetans *Cabinet Minis* pe komans anmenn tansyon isi dan Lasanble, dan travay Lasanble ! Akoz zot bann Manm i forse a tou pri lager lebra kase pou defann zot lenkonpetans.

E mon pa pou koz plis, mon pa pou antre dan sa bann detay mwan, selman mon pe met deor poudir sa i la ! Mon konnen taler mon repons pou vini be selman larepons osi *consider the source* en, *consider well the source of the answer*, parski mon ava kapab annan keksoz pou dir dan sa bann direksyon mwan osi.

But mon pa pou antre ladan. *I'm sorry* i bezwen annan *trust* ki ganny *built and maintained* isi anndan. Ki swa *across the aisle* ki swa ant nou avek L'Egzekitiv nou pa pe kapab annan sa bann kalite zwe koumsa ki pe pase. E i pe vin tro souvan, tro bokou.

Ou asiz trankil ou gete ou pa dir naryen, dimoun pran ou pou bet, i pran ou pou boufon. Konmsi ou pa'n remarke ou sa in ganny dir la. Ou pa'n remarke *they were trying to pull a fast one, they try to slip one in quietly*. Ou pa'n trouve ou.

De fwa nou trouve nou le pase nou dir oke sa i bon pou pei annou, ou konnen annou soud zepol nou fer li pou rezon benefis pei. Be zot vini zot fer ankor, zot fer ankor prezan nou, nou pou lev lanmen menm nou, nou pou lev lanmen in *lockstep* avek zot akoz sa i bon pou pei.

But I'm sorry mwan an tout bonne konsyans mon pa pou kapab fer sa bann keksoz ankor. Mon ava vot ansanm, mon ava vot an faver, mon ava vot an soutyen pou mon pei, letan mon konsyans i kler mon santi ki mon kapab fer li, mon fer li an tout bonn konsyans.

Mon pa pou fer li parey zot, zot ti fer ler zot ti amann serten Lalwa, akoz zot ti ganny forse par serten ki ti *powerful* dan zot *Caucus*, ti fors zot fer apre ti plonz pei dan difikilte. Mon pa pou fer sa bann keksoz mwan.

Si mon pou vote mon bezwen konnen mon vot i pou mon pei, alors mon vot pou mon pei. Be la pou le moman in fini sa bann zafer la. Non, mersi. *Thank you very much* Mr Speaker.

MR SPEAKER

Thank you Onorab Loze. Mon apel Onorab Bernard Georges.

HON BERNARD GEORGES

Mersi Mr Speaker. Mon *Chief Whip* i dir mon koz lo *Bill*, alor mon bezwen pran son lord e adres sa *Bill*.

Me avan ki mon al lo la Mr Speaker en pti lentervansyon i dir ki mannyer mon emerveye avek kapasite Onorab Loze, pou li pran 15minit pou dir non. I fer mwan, i komans avek wi fer letour, i fer letour, i fer letour, i fer letour i al Amirantes Asonpsyon parey en.

Mon pa pe koz an mal parey mon'n dir mon emerveye avek kapasite entelektyel en dimoun, ki olye dir mon pa pe vot pou sa *Bill*, i antre dan son avyon parey en pilot, i konnen lo ki *Airport* i pe *take off*, me selman i pa konnen lo ki *Airport* i pe al apoze.

E sa set en atou ki i mank nou annan de fwa dan sa Lasanble kot akoz set en Lasanble kot nou vin koze e kapasite koze i toultan enteresan.

Mon sel regre avek Onorab Loze ki en garson byen entelizan e ki toultan ler i koz lo sa bann *Bill* finansyel, i annan bann pwen enportan pou fer, se k ozordi in regrete tir son kannet dan ron, e pa fer okenn propozisyon konkret. Mon ava esey fer sa pou li Mr Speaker.

Me avan ki pa'n al lo la mon bezwen fer en dezyenm lentervansyon, e sa se pou mwan dir ki mannyer sa *Bill* in byen drafte dan son teknik, *contents aside*.

E la osi mon krwar ki i plito bon, me i *refreshing* Mr Speaker pou nou lir en *Bill* ki'n byen drafte kot ou pa pe. E mon pe koz pou mwan kot ou pa pe lir en *Bill* pou koriz bann fot gramer ek tipografik, me kot ou pe lir li pou son *content* akoz son *structure* son *Bill*, son lafason ki in ganny drafte i a en tre, tre o nivo.

E mon ti a kontan ki *panel* i felisit sa dimoun, oubyen sa lekip ki'n drafte sa *Bill* e dir zot ki sa se kalite *Bills* ki nou ti a kontan vwar dan sa Lasanble. Akoz vremen i en zoli travay e i en travay ki'n ganny ekstrememan byen fer.

Mr Speaker, *VP*, Onorab Vis-Prezidan avek Onorab Hoareau tou lede in eksplik konteni sa *Bill* dan en fason byen detaye. E *Mutual Assistance in Criminal Matters* set en keksoz ki depar nou lapartenans oubyen depar nou vizyon koman en sant finansye.

In anmenn serten nesesite pou nou revwar nou bann Lalwa moderniz zot pour ki kot nou bezwen nou kapab rod lasistans oubyen

don lasistans, pou ed bann deteksyon, bann *cross border criminal deficiencies*.

E la sa *Bill* i moderniz pare *VP* in dir nou s ki ti la depi 1995 akoz in fer nou rapel ki dan sa dernyen 25an apepre lemonn in sanze e in sanz dan en fason radikal.

Me Mr Speaker apre tou sa, apre tou son zoli *focus* mon ti a kontan fer en lapel avek Gouvernman, e mon fer s apre midi an gran senserite e an bonnfwa pou al pli lwen ki zot in ale.

Mutual Assistance in Criminal Matters i enportan, me i annan en gran defayans lo nivo sivil. E mwan mon kapab dir ki mwan menm mon personnelman mon fristre dan bokou ka *recently*, akoz nou Lalwa pa osi performan lo nivo bann aktivite kriminel ki ganny fer me ki ganny fer dan en fason sivil.

Oubyen ki pa ankor ariv kot en Lotorite Lapolis oubyen kot *Interpol*, oubyen kot en Lotorite ki kapab fer en demann avek en lot pei anba *Mutual Assistance in Criminal Matters*.

E la mon kapab sit 2 legzanp ; premyerman *bitcoin*, e mon konnen Onorab Loze pou lev zorey ler mon pou mansyonn *bitcoin* akoz set enn son topik prefere.

Bitcoin, ki li menm li i en *token*, en mwayen finansyel en mwayen peyman oubyen en mwayen lenvestisman ki *opaque* e fasil pou bouze. E *obviously* akoz sa i en *currency of choice* si ou anvi pou bann dimoun ki anvi fer en aksyon kriminel, akoz i fasil pou kasyet, i fasil pou bouze e i fasil pou personn pa konnen kot ou ete.

Akoz sa e akoz nou isi Sesel nou en sant finansye ki'n permet atraver par egzanp nou koneksyon avek lasosyete *BitMEX* me pa zis *BitMEX*, lezot osi ki'n permet annan en rezis oubyen en landrwa kot *bitcoin* i kapab ganny anrezistre, *deposited*.

In arive ki dan *at least 2* ka ki mwan mon'n *involve* avek resaman in annan vol *bitcoin*, par bann kriminel e bann *bitcoin* i ganny soupsyonnen ki in pas atraver en lakonpanyen isi Sesel, me nou napa en Lalwa ki kapab mord sa bann dimoun ki'n kapab fer sa kalite lantrepriz.

Dan e ka ki mon ti *involved* avek, sa propriyeter *bitcoin* ti konnen ki son *bitcoin* in ganny vole, e i ti konnen kote sa *bitcoin* in ganny vole, me i pa ti konnen lekel ki'n vole.

Me i ti soupsyonnen ki i annan en lakonpanyen anrezistre isi Sesel, e pa Sesel ditou, i zis sa bann konpani ki ganny anrezistre isi me napa naryen pou fer avek nou pei ki ti annan sa lenformasyon.

Me etandonnen ki zafer pa ti'n al dan en nivo kriminel, pa ankor akoz ou ankor pe rod lenformasyon. En lakour Lanngleter in fer en lord kont *persons unknown* akoz zot pa ti konnen lekel ki ti'n vole, e in demann Lotorite Sesel pou *register* sa lord isi pour ki nou a kapab ganny sa lenformasyon, e malerezman pa'n kapab akoz nou Lalwa pa permet li.

E la i annan en travay pou fer, akoz si nou pa fer sa premyerman nou pou les kriminel sape. E dezyenmman nou pou ganny en move repitasyon lo nivo enternasyonal e lo nivo enternasyonal *in financial services reputation is everything*.

Le moman ki ou kapab ganny persevwar koman en landrwa, kot ou pa kapab swiv en aksyon ilegal ki'n arive ou komans perdi ou repitasyon koman en sant finansyel e fodre nou vey sa tre, tre pre.

Matter is ongoing me koman ou konnen Mr Speaker bitcoin dan lespas en segonn i disparet. Alor le moman kot sa dimoun i konnen ki ou'n fayle en *case* devan Lakour eksetera *bitcoin* i al dan en lot landrwa.

Dezyenm *case* plizoumwenn menm zafer, sa fwa si nou konnen lekel ki'n vol sa *bitcoin*, e in ganny deklare koman en *bankrupt* dan son pei e son pei parey Sesel i en sinyater avek *The Convention on Mutual Assistance in cross border insolvency, UNCTAD* ou *UNCITRAL* eskiz mwan, *UNCITRAL Convention*.

Sa pei i anvoy en lord kot Sef Ziz Sesel sorti kot Sef Ziz sa pei, parey sa Konvansyon i demann li fer pou dir donn nou lasistans, pou nou kapab trouv sa *perpetrator* dan ou pei. Natirelman ankor enn fwa i pa isi, napa naryen pou fer ek Sesel i zis ki in anrezistre isi.

E ankor enn fwa malerezman akoz kantmenm an 2013, nou'n pas en *Insolvency Act* sa morso lo *cross border insolvency* nou pa'n anmenn li an aplikasyon e *still* i pa an fors. Alor ankor enn fwa Ziz in dir *sorry* nou pa kapab ede.

La alor Mr Speaker i annan en travay pou fer. Mon kontan sa ki nou pe fer lo nivo kriminel ozordi, *Mutual Assistance in Criminal Matters*. Me nou bezwen osi kapab vin performan annan *Mutual Assistance in non-Criminal Matters*.

Kot nou kapab anforsi lasistans ki nou kapab donn bann lezot pei, akoz parey mon'n dir si nou pa fer li nou pou ganny persevwar koman en pei ki pa rezonnab e ki pe sey kasyet. E sa i pa en bon keksoz, alor mon demann avek Vis-Prezidan ozordi e mon ava swiv

sa avek li e avek Biro *Attorney Zeneral*, pou fer sir ki *Cabinet* i *focus* lo sa defayans e ki nou met li an mars.

Akoz *our financial sector deserves it*, zot fer en kantite bon travay, zot en tre, tre bon regilater *FSA* i en tre, tre bon fasiliter zot merite ganny sipor Lezisasyon pou zot kapab fer sa travay k zot pe fer.

Mon'n al an deor sa *Bill* ki devan nou ozordi Mr Speaker me parey mon dir Vis-Prezidan avek Onorab Hoareau in ase eksplik sa *Bill* mon pa bezwen al ladan apard pou soulev lefet ki nou ankor annan en pe travay pou nou fer dan menm direksyon la.

Akoz i ankor annan serten lepase kot kriminel i kapab pase e kot olye nou pei i donn lasistans nou pei i vwar ki son lanmen in anmare e ki i bezwen pa kapab donn lasistans e dir *sorry* nou Lalwa pa ase performan.

Lo nivo sa *Bill* i anmenn Mr Speaker mon annan 2 kestyon e mon ti a kontan *panel* i *focus* lo sa 2 kestyon silvouple, enn se dan *Clause 7, subclause 4*. Vis-Prezidan in dir ki Lotorite Santral ozordi se *Attorney General* me anba 7(4) Prezidan i kapab dezir lezot Lotorite Santral.

E i tre probab ki a en serten moman pou annan lezot Lotorite Santral ki anba ganny dezinyen. Mon kestyon se etandonnen ki anba *Bill* ki devan nou ozordi an zeneral se *Attorney General* ki pran tou bann *steps*, swa ler li i pe demann - ler Sesel pe demann lasistans avek en pei etranze, oubyen ler en pei etranze i demann lasistans avek Sesel, se *Attorney Zeneral as a Central Authority* ki sa pwen Santral pou fer tou sa bann tranzaksyon, eski ler pou annan en dezyenm Lotorite Santral sa Lotorite Santral li osi i ava kapab fer menm aksyon ki *Attorney General* i kapab fer anba sa *Bill*?

E si wi, *obviously* sa ki pou arive se ki nou pou bezwen anmenn en lamannman pou dir ki sa lot Lotorite Santral li osi i annan menm Lotorite ki *Attorney General*.

Unless ki kantmenm i annan plizyer Lotorite Santral, nou anvi se zis *Attorney General as the main legal advisor to Government* ki fer tou bann *steps* e pou *Attorney General* e pou lezot Lotorite Santral?

Mon'n demann sa kestyon avek *panel* aköz mon pa kler lo la.

Dezyenm kestyon ki mon annan se anba *Clause 24(1)*. E la i dir 24(1) i donn serten lalis bann rezon, aköz nou kapab refize donn lasistans avek en pei ki demande.

Enn bann keksoz ki mon anvi i demande se, si sa lasistans i pou anmenn en konviksyon lo en dimoun deor ki kapab fer li ganny pini par en santans lanmor.

Eski nou pou *still* donn sa lasistans oubyen non? Oubyen eski akoz nou *Anti-Death Penalty* anba nou Konstitisyon, nou pa pou donn lasistans si sa lasistans i kapab anmenn a en konviksyon ki pou rezilte *in a sentence of death*?

Sa set en lot kestyon ki mon ti a kontan ganny en pe leklersisman lo la. E mon demann sa leklersisman mon pa'n anmenn en lamannman, akoz mon konsevwar ki kekfwa i annan serten ka kot malgre ki nou, nou kont pinisyon lanmor, sa lasistans ki nou pou donn li dan en ka telman grav ki pasib - ki nou napa okenn rezervasyon ki sa dimoun i kapab ganny en santans lanmor.

E san al dan okenn detay mon pe regard en pti pe sa ki pe arive dan lemond ozordi, e mon pe demann mon lekor eski nou pou refize donn lasistans dan serten ka zis akoz sa i kapab rezilte dan en santans ki nou pa kontan, ki malgre ki son lofans li menm li i telman grav ki kekfwa i en leksepsyon?

Mon demann sa kestyon ankor Mr Speaker e mon pa anvi prolonz deba. Avek sa detrwa mo, mon remersye ou pou ou latansyon. E mon remersye Manm pou zot latansyon. Mersi Mr Speaker.

MR SPEAKER

Mersi Onorab Georges. Nou a pran entervansyon Onorab Pillay.

HON SEBASTIEN PILLAY

Meri Mr Speaker. E mon pou gard mon lentervansyon lo Lalwa ki devan nou. Mon pa konnen ki'n pase avan mon koze, me mon pou gard li lo Lalwa ki devan nou.

Premyerman mon krwar nou bezwen *être* fran dan Lasanble. Nou bezwen *être* fran akoz i enportan pou nou di serten keksoz ki neser pou dimoun tande e petet pou Lasanble menm tande e petet konpran akoz nou end up annan seren tansyon ki souleve dan Lasanble.

E rezon pou sa i akoz parfwa nou ganny nou bann morso travay ki vin devan nou koman manm Lasanble, e ki mon pou servi sa term ki'n ganny servi avan - wi, lenkonpetans oubyen fason sey kasyet

serten keksoz, i fer ki inevitableman kote mazoriter enkli parfwa Mr Speaker mon pa oule *input* - me ou menm.

Nou vwar nou inevitableman al en laliny kot i annan serten proteksyon ki bezwen ganny *afforded*, akoz zisteman serten dimoun pa pe fer zot louvraz parey i devret ganny fer, oubyen serten size pe ganny met dan en fason, pe ganny met akote.

Dan sa klima ki nou pe viv ozordi, ler ou tande ki Gouvernman pe vin avek en lamannman konstitisyonnel, pou met solda lo semen avek Lapolis, e o menm moman nou ganny ou en Prozedlwa ki ladan i fer serten provizyon ase serye, ou bezwen komans demann ou lekor egzaktman ki vre lentansyon deryer sa bann lamannman ki pe vin devan nou? I enportan pou nou demann sa bann kestyon.

Mon pou dir sa akoz i nesese pou Seselwa ki pe ekoute deor konpran poudir zot osi zot annan en lavwa e zot osi kapab eksplik zot lekor lo sa ki pe pase, i pa nesese pou zot sey vin ekri let par deryer oubyen anvoy mesaz par deryer, kan dan lepase tou dimoun ti pare pou donn son lopinyon lo sa bann size, e ozordi mon pa konnen akoz nou tou nou per pou koz lo la.

Annou pran par egzanp en pwen ki'n ganny souleve *regarding* Seksyon 7 sa Lalwa. Mon pa vwar pour ki rezon dan e Lalwa ki ase konpreansif i sipoze ase konpreansif ki nou bezwen entrodwir en provizyon ki dir ki Prezidan i ava *designate* lezot Lotorite e lo bann kondisyon ek bann term ki li i ava deside. Kisisa sa?

Tou kondisyon e tou term in ganny defini dan Lalwa, me Prezidan li i pou annan en term diferan e kondisyon diferan ki li i ava determinen an relasyon avek ki mannyer pou annan sa lesanz par sa Lotorite ! Me kwa ki anpes li ankor pou servi sa Lotorite pou zisteman fer malis son bann opanan politik, kwa ki anpes li?

Because there's no checks. Mon war mon soke Onorab Georges pa'n *pick up* lo la, *where is the check* dan Lalwa? Nou pe koz lo merit sa Lalwa, montre mon *the check* lo pouvwar ki Prezidan i annan - napa. Sel *check* lo pouvwar Prezidan ki i annan se la anndan.

Be la anndan i annan en mazorite ki pou fer sa ki i anvi fer. So lekel sa *check* alors ki pou vini? *Bar Association*? Be *Bar Association* ozordi pa oule donn lopinyon lo preski naryen. Lontan wi zot ti annan lopinyon lo tou keksoz.

Ozordi i paret nou tou nou lo *mute* e pou mwan sa i en keksoz serye akoz ou'n deza etabli poudir *Attorney Zeneral* ka anba

Konstitisyon i annan en rol legal pou li zwe, en rol tre enportan anba nou Konstitisyon. Me akfer entrodwir sa provizyon adisyonnèl?

Si i napa en rezon, si oule dir en lapo bannann ki nou oule mete la, e ki nou, nou ava lev nou lanmen akòz merit i paret tre bon, i paret tre byen prezante nou ava tonm dakor e nou pa ava vwar poudir i annan en fot dan sa Lalwa, en konsern dan sa Lalwa e nou ava zis sipòrt li.

En lot pwen enportan ki nou bezwen gete se anba Seksyon 24. E la pou mwan mon war li ankòr drol sa mwan. Anba Seksyon 24 nou koz lo si i annan en laplikasyon par en leta etranze e sa laplikasyon i pou ganny refize si i dan lopinyon *Attorney Zeneral* sa *request i relate to sa lofans of a political nature*.

Wi, be *Attorney Zeneral* i kapab refize li, be *what about* sa lot Lotorite ki Prezidan pou kree? Eski li i pou refize li osi? Oli kot ou'n mete poudir ki son bann paramet ki li i pou li reakte anba la. Ou napa okenn paramet ki pou li reakte anba la.

Mon ti a kontan ki nou pran konsyans sa. Nou'n met tou paramet kot *Attorney Zeneral* pou fer son travay an relasyon avek refi pou li donn lenformasyon, me nou pa'n met en sou paramet lo sa nouvo antite ki li i pou akte kote li dan ki fason li? Prezan i anmenn mwan lo en pwen osi enportan e sa se lo seksyon 46 ziska 50.

E ler nou get seksyon 46 ek 50 la, mon komans mon komans avek sa ki pe pase dan nou pei mon komans devlop serten konsern. Mon komans devlop serten konsern akòz anba 46 ek 50, nou komans koz lo pouvwar pou fer entersepsyon telekominikasyon.

Lord pou fer entersepsyon lo telekominikasyon. *Ok Onorab Loze* i pe konsernen ki i kapab vin respinyan en Mosyon. Mwan i annan enn ki zot in dir zot pou anmenn lo mwan tou.

Me selman mon ti a kontan *remind* zot, komans azir e fer sa ki byen pou sa pep. E aret sey zis anvoy keksoz dan nou lagorz e dir nou poudir ou ganny ou en semenn a en semenn edmi pou lir en keksoz ekspekte poudir i fasil pou ou konpran li dan son totalite.

Anba Seksyon 47, anba 46 ou kapab ganny en *request* pou entersepsyon telekominikasyon. Savedir Sesel i annan kapasite pou fer entersepsyon kominikasyon. Savedir sa si ou pe met dan Lalwa, savedir sa si ou pe met dan Lalwa savedir sa.

Be si Sesel i annan sa pouvwar pou fer entersepsyon kominikasyon, i osi *include request* entersepsyon *recording* e *subsequent transmission of* telekominikasyon. Savedir Sesel i annan

sa pouvwar pou fer sa. E si Sesel i annan sa pouvwar pou fer sa, mon war i drol nou pe anmenn Mosyon pou nou dir, pou dir sepa kisisa.

En lavey nou anmenn en Mosyon me landmen nou vwar en Lalwa ki dir egzaktaman sa ki sa Mosyon, i al dir egzaktaman lopoze ki sa Mosyon ti sipoze vin dir dan Lasanble. Konmsi ki mannyer mon kapab konpran?

Prezan ler nou regard sa anba 47 sa lord pou entersepsyon kominikasyon, i kler ki poudir anba sa nou pe koz lo *traffic data*, nou pe koz lo plizyer keksoz.

Now mon oule fer Lepep Seselwa ki pe ekoute la deor konpran en keksoz. Si ou dir mwan poudir ou kapab fer sa pou en *request* ki sorti aletranze, *it means* ou annan sa kapasite pou fer li Sesel *actually*. E si ou annan sa kapasite pou fer li Sesel *actually* napa naryen ki pa pe dir mwan ki ou pa pe fer li la konmela menm.

Non, be i kler. I kler akoz si nou pe al lo sa laliny nou pe komans koz lo met Lapolis lo semen avek Lapolis, met Larme lo semen avek Lapolis *sorry*, Nou pe koz lo entersepte kominikasyon anba relasyon avek lesanz lenformasyon, *it means* ou pou devlop sa kapasite lokal pou fer li.

E si ou pou devlop sa kapasite lokal pou fer li, kwa ki anpes ou pou fer li avek pou pop sitwayen? Kote ki sitwayen ozordi pou annan rekour pou al dil ek sa, Ankour? Eski sitwayen ozordi i santi poudir i pou ganny en rekour *fair* Ankour? Eski sitwayen i santi ozordi i pou ganny en rekour *fair* dan Lasanble Nasyonal?

So i annan bann kestryon serye ki nou, nou bezwen demande *from* perspektiv en sosyete ki nou annan en Konstitisyon ki *give* serten Lalwa. E ki serten Lalwa ki nou krwar pe vin lo en anvergir enternasyonal i kapab annan en lenpak nasyonal, i kapab annan en lenpak lo nou demen akoz sityasyon ki egziste dan pei.

E sa ki enteresan, sa ki enteresan, e la mon vwar s vreman enteresan, sa Lalwa i fer provizyon pou sa ki nou apel *ex parte application* pou *seizure*, selman Vis-Prezidan 2015 ek 2016, sirtou an 2016 ek 2017 ti pran afron, ti pran lofans avek mansyon *ex parte application* dan Lalwa *FIU* ki ti la sa letan.

E annefe si ou regard Lalwa *AMLCFT* mon pa krwar si i annan mansyon sa mo *ex parte application* ladan. Savedir sa dimoun pa prezan ler ou pe fer laplikasyon devan Lakour. Mon pa konnen si Lalwa *Proceeds of Crime*, si mon pa tronpe li osi i napa, pa konnen si

zot in mete dernyen-r-er ti bezwen mete akoz problem ki ti annan, me ti'n ganny retir sityasyon *ex parte application*.

So ler nou get sa Lalwa e nou konsider bann provizyon dan sa Lalwa ki devan nou, i annan provizyon ki parey mon'n dir i byen i al dan laliny, rol ki Sesel i bezwen dan en kominote global. Be i annan serten provizyon dan sa Lalwa ki *raise* serten konsern pou nou, e ki devret *raise* serten konsern pou zot osi *as well*.

E ki mon santi poudir sa Lalwa menm i kapab ganny servi dan le fitir, atraver bann probasyon ki pou vini dan sa Lalwa ki kapab ganny servi dan en fason ki nou prop sitwayen pou ganny afekte.

E *unless* ki nou, nou kapab ganny garanti *from* Gouvernman, ki serten provizyon ki pou kre serten kondisyon lokal pa pou ganny servi kont nou. *Then* nou war nou dan en sityasyon difisil ki ou pou siport en tel Lalwa. Senp.

E mon ti a kontan *remind* Lasanble enn nou bann rol enportan se pa zis regard Lalwa lo son merit, me osi regard Lalwa lo sa ki i pou anmennen. Sa ki i pou kree, kalite sityasyon i pou kree.

E mwan mon pe vwar nou ptitapti pe apros en sityasyon kot kontrol preski tou lenstitisyon dan nou pei, pe retourn dan lanmen *State House*, pe retourn dan lanmen Prezidan Larepublik e ki sa i en keksoz ki danzere pou nou koman en pei.

Ler nou pou pas sa lamannman ler Lasanble si i pas sa lamannman konstitisyonnal, lefe ki Prezidan li menm li i Komandan-an-Sef Larme, e Komisyoner i deza trouve dan Konstitisyon, Prezidan i pran rol Komisyoner. E ler ou annan en sityasyon koumsa avek en tel kalite lanvironnman eski nou, koman en Lopozisyon ki pe regard sa nou kapab dir poudir nou 100poursan konvenki ki bann provizyon sa Lalwa, bann sistenm ki i pou kree, pa pou kapab ganny servi pou abiz serten drwa ki sitwayen i annan.

Si Leta i santi poudir sa sitwayen pe swa kritik li dan en fason oubyen en lot fason. Vis-Prezidan taler pou dir sa i akoz mon'n viv dan sistenm avan, sa i son komanter ki i kontan servi kont mwan. Sert si i anvi dir sa i kapab dir sa, be mwan mon pou dir sa ki mon annan pou mon dir.

Ozordi nou pa pe viv dan lepase nou pe viv ozordi, e mwan mon annan serten konsern *regarding* sa bann provizyon dan sa Lalwa, e ki mon krwar ki ti devret annan, ti devret annan plis konsiltasyon lo sa Lalwa.

Me ki nou'n ganny nou en Lalwa ki *more or less* en fet akonpli. E ki malgre ki mon konnen *Bills Committee* pou oule *interface* avek sa Lalwa, mon pa pe vwar gran, gran keksoz ki Bills Committee ti pou kapab sanze lo sa Lalwa.

So Mr Speaker mon bezwen dir poudir mon pa konvenki ki serten provizyon dan sa Lalwa, pa pou ganny servi o detriman nou sitwayen. E pour sa rezon ek sa bann konsern ki mon pou eksprimen, mon pou rezerv mon pozisyon lo sa Lalwa, malgre i annan keksoz ki byen ladan, me i osi annan keksoz ki kapab dan le fitir afekte laliberte ki nou sitwayen pe zwir anba nou konstitisyon ozordi. Mersi Mr Speaker.

MR SPEAKER

Mersi Onorab Pillay, nou a pran en poz. 30 minit apepre nou a retournen 4er35. Mersi.

(BREAK)

MR SPEAKER

Mon ava apel Onorab Cosgrow.

HON WALLACE COSGROW

Mersi Mr Speaker, bonn apre midi vis Prezidan avek ou tim. Mr Speaker mon pou pran en pti morso letan apre midi pou mon koz lo sa Prozedlwa ki devan Lasanble.

Annefe en pti pe parey mon koleg Onorab Loze in dir, mon osi en pti pe menm lopinyon.

An se ki konsern ki mannyer nou dil avek, sirtou lo sa kote, ki mannyer nou dil avek serten bann Lalwa, sirtou bann Lalwa finansyel ek bann Lalwa ki annan relasyon avek domenn finansyel, parey nou'n toultan fer dan mazorite ka.

Kot nou'n toultan get li avek en lizye, si i bon pou Sesel, i bon pou nou. E pou nou avans Sesel de lavan. E parey Onorab Loze in dir, sa Lalwa ki devan nou, i enn ki, petet i annan son merit, me selman i kit serten dout, sirtou dan mon lespri, *as to* ki mannyer sa Lalwa dan lefitir i ganny servi.

E la mon pa pou fer okenn gran letour, e mon pa pou fer okenn gran letour pou mwan dir non *or* okenn gran letour pou montre ki mon pa neserman antyerman satisfè avèk sa Lalwa.

Annefe i annan 2 pti keksoz mon anvi koz lo la Mr Speaker. Mon pa konnen, petet mwan mon, mwan ki pa pe war. Me selman i pa'n ganny koz lo la par Mr Speaker, Mr Vis -Prezidan dan son lèntrodiksyon.

E sa i konsèrn lobligasyon, pardon, okenn Leta ki nou, nou fer en *request* avèk. Petet legalman mon pa en dimoun legal, e mon pa pe war dan Lalwa.

Mon ava ganny korize si mon mal. Me selman, eski enn bann kestyon ki mon ti a kontan demande.

So eski i annan en *framework* Lalwa ouswa en *framework* Konvansyon ki par egzanp nou etabli sa Lalwa *Mutual Assistance, Legal Mutual Assistance in Criminal Matters*,

Eski i annan en *framework* konvansyon ki ou obliz *once* ou annan sa provizyon Lalwa dan ou pei, ki obliz sa lot pei ler ki mon'n fer, ler ki mwan mon'n fer *request, meaning* Biro *Attorney Zeneral* in fer *request* pou li donn nou sa lenformasyon, ouswa fer sa lenvestigasyon, ouswa, mon pa konnen mwan, aret sa dimoun laba lot kote delo e fer sa proses ki nou, nou anvi fer isi vin pli fasil?

So mon pa pe konpran, mon pa pe war ladan, petet taler ler Vis-Prezidan i reponn, i ava reponn lo la.

E mon osi santi Mr Speaker, lo mon lot pwen, ki i annan en *pattern*, e sa i annan en pti pe avèk pwen ki mon'n fer oparavan lo komansman. Ki i annan en *pattern* ek bann Lalwa ki pe vini.

Kot ou a krwar i annan bokou restriksyon ouswa restriksyon ouswa en pti pe antre dan *privacy* en pti pe sitwayen Seselwa.

E sa i ganny fer anba kouvertir ouswa anba angiz kriminalite. Bokou bann Lalwa ki n ou vwar i vin devan nou Mr Speaker i ganny dir i konsèrn tranzaksyon finansyel, i konsèrn tranzaksyon kriminel, tranzaksyon drog.

Me ler nou anvi *tackle* sa bann sityasyon, nou antre dan bokou, sirtou dan bann Lalwa, nou antre dan bokou provizyon, kot i antre en pti pe dan *privacy* nou sitwayen.

E la par egzanp, in ganny fer resorti taler, ler nou pe get seksyon 46an desandans, i annan sa sityasyon kot nou pou kapab servi serten mwayen elektronik, pou nou kapab ekout bann telefonn, ekout konversasyon pardon, ekout konversasyon.

Entersepté konvèrsasyon, bann kominikasyon pou kapab fasilite en lènvèstigasyon. Son kèstyon ki'n reste, akòz in toultan ganny dir or resaman ganny dir, ki poudir nou napa bann fasilite Sesel, me si nou napa, ki manner nou annan en provizyon or ki manner nou annan en provizyon dan Lalwa ki pou permet nou fer sa.

Or eski dan lefitir si nou napa, eski dan lefitir, akòz sa bann Lalwa i koumsa, nou pou oblize antre dan sa bann sistenm koumsa, kot nou kapab entersepté sa bann telekominikasyon.

So i kit en pe konsèrn e i ranforsi en pti pe lo mon pwèn ki mon pe koz lo *privacy* sitwayen. Mon krwar i enportan ki sa i ganny fer resorti dan repons Vis-Prezidan.

Akòz i annan en kantite konsèrn deor la ki wi nou bezwen al lo bann norm entènasyonal, nou bezwen tay deryer kriminalite.

Me nou bezwen osi protez *privacy* e restriksyon ki serten sa bann Lalwa pe mete lo nou sitwayen.

Lot bout Mr Speaker ki mon ti a kontan koz lo la, e i ankor relasyon avek *privacy*. Me plito an relasyon avek bann lezot pei. E menm Sesel petet. Par egzàn p i annan bann lezot pei ki annan bann proteksyon ki zot mete dan zot bann Lalwa.

Sirtou bann pei parey Lanmerik, bann pei Linyon Ewopeen, kot zot annan bann proteksyon for dan zot Lalwa kot i konsèrn bann lenformasyon ki manner i ganny kolekte.

Ki manner bann data, lenformasyon, ki manner ou dil avek kominikasyon dimoun, entersepté kominikasyon dimoun.

So *basically* si nou, nou pe annan sa bann provizyon dan nou Lalwa, ki garanti ki ler nou nou'n met sa bann provizyon e nou, nou pare pou *abide* avek sa bann serten keksoz.

Ki garanti ki nou annan ki sa lot *counterpart* lot kote, li osi i pou, ler nou bezwen son lasistans, i pou kapab fer sa ki i oule fer, sa ki nou anvi i fer, san ki petet i ganny peze par son bann Lalwa.

Ki for dan son pei e ki protez son bann sitwayen kont bann *sharing of information* avek bann lezot Leta.

So sa i bann keksoz ki mon krwar nou bezwen fer kler, nou bezwen fer resorti, pou nou kapab fer dimoun deor la konpran ki benefis sa Lalwa ki la ki nou pe mete pou annan pou nou koman en Leta?

E ki benefis nou kapab tire lo bann lezot leta, ki ler nou pe demann sa legal *mutual legal assistance*.

Dernyen pwen Mr Speaker, ki mon oule koz lo la. I osi an relasyon avek sa pwen kot Biro *Attorney* zeneral, i sa pwen santral, sa pwen fokal ki fer sa bann *request*.

Mwan mon krwar i enportan ki Biro *Attorney* Zeneral i reste sa pwen fokal, sa pwen enportan. Akoz se li Avoka leta parey in ganny fer resorti.

E se en Biro *Attorney* Zeneral dan en pei ki pou komann petet sa respe ki en lot pei pou dir, be *ok*, be sa i sorti, sa *request* i sorti kot Biro *Attorney* Zeneral en Leta.

E nou ava *comply* avek sa ki pe demann nou e non pa anba nenport ki Lotorite ki ozordi or demen bomaten Prezidan Sesel i deside li i pou fer vin en Lotorite konpetan pou demann sa lenformasyon.

E apre ou war ki ler i annan nesesite pou ganny keksoz enportan, pei i kapab dir, be la ozordi, yer *Attorney* Zeneral ti demann mwan, ozordi *FIU* pe demann mwan, lot pe demann mwan.

So napa en, napa en keksoz striktire e organize dan sa pei. So i riske vin en problem dan lefitir, malgre tou bon lentansyon Lalwa.

I riske vin en problem dan lefitir pou Sesel pou *request* serten lenformasyon.

Si zot ti kapab adres sa detrwa pti pwen pou mwan, mon krwar i ti ava byen e i ti ava met serten leklersisman osi lo bann dout ki petet dimoun ki pe ekout nou la apre midi i annan.

Avek sa Mr Speaker, mon ti a ekout bann larepons e rezerv mon drwa pour desid lo sa Lalwa apre. Mersi.

MR SPEAKER

Mersi Onorab. Onorab Waven William.

HON WAVEN WILLIAM

Mersi Mr Speaker. Bonn apre midi tou dimoun ki a lekout. Mr Speaker mon kontribisyon lo sa Prozedlwa se ki letan mon pe analiz devlopman global lo sa vilaz global ki nou ladan, Sesel pa pou kapab li reste an izolasyon avek devlopman e avek bann, letan nou pe koz bann pratik, *best practices*, norm enternasyonal.

Mr Speaker si ou *go back into history*, mon pe vwar poudir sa Lalwa in an egzistan depi 1995. I annan apepre en 20 ekek lannen depi ler in annan serten *attempt* pou revwar. La nou pe koz 2016.

Mr speaker, e i bon ki nou konstate ki pandan sa letan, Gouvernman *LDS* pa ti o pouvwar. E dan sa lespri transformasyon e anmenn bann nouvo sanzman, e an menm tan vin azour avek bann Protokol, bann trete ki Sesel in sinyen, ki form parti.

I annan serten egzizans lo nou. Mr Speaker mon byen rapel letan mon ti pe swivre e al asiste bann *meeting* *ACPU*.

Ti annan bann keksoz koman bann Manm parlman ki nou ti dekouver avan ki Sesel i rantre lo *blacklist*.

Me menm si ou ti fer konnen poudir be regarde, nou bezwen revwar ouswa sanz serten nou bann Lalwa, Me mon pa konnen sa lepok si nou, lekel ki nou ti pe proteze. Me ti annan en pti pe *reluctance* vizavi revwar serten bann Lalwa.

Mr Speaker mon vwar si ki an 2019, la ankor se Gouvernman *LDS* pa ti o pouvwar. Me ti annan bann *attempt* pou rod lasistans avek plizyer bann group lo en baz revizyon.

Par egzanp mon vwar ki lo lenplimantasyon konvansyon Nasyon-z-Ini lo koripsyon, nou'n rod osi lasistans avek Nasyon-z-Ini lo drog avek, aktivite drog avek krim.

Mon'n rod lasistans avek Komite Legal *SADC*. Mr Speaker nou'n rod osi lasistans avek group Les e Sid Lafrik ant *Anti-Money Laundering*. E Mr Speaker nou'n osi al kot Linyon Eropeen an 2019.

Mr Speaker be sa bann sanzman ki pe vini ozordi, i baze lo bann rekomandasyon lo sa bann *findings*. E mon kapab dir bann lakin ki sa bann diferan group in vwar vizavi Prozedlwa. Ki ler ou regarde in vin *obsolete* si ou oule. Dan realite nou lavi ozordi.

Mr Speaker sa bann revizyon parey Vis-Prezidan in dir se pou moderniz nou Lalwa. Mr Speaker sorti 1995 tou sa letan Mr Speaker, in kree bann loportinite pou en ta konsiltasyon.

In kree loportinite pou bann dimoun ki i annan konsern pou vin devan, e anmenn zot bann konsern. E anmenn zot bann konsern.

E letan mon ekout serten Manm dan Lopozisyon koze, zot pe donn lenpresyon poudir be in napa ase letan pou fer bann konsiltasyon.

Mr Speaker be si ou get depi 1995, 2016 letan *attempt* in ganny fer e an 2019 tousala *attempt* in ganny fer. Me mon mazine poudir si lot kote ti annan okenn lanvi pou anmenn serten amannman.

Akoz lo Komite, lo *Bills Committee* Mr Speaker i napa zis bann Manm Lasanble *LDS*, i enkli osi bann Manm Lasanble lo kote *US*.

Alor si zot ti vremen serye, vizavi anmenn bann lamannman, baze lo bann konsern zot ti pe leve Mr Speaker, zot ti ava'n fer li.

So zot napa *grounds* Mr Speaker la, pou dir en ta keksoz, ki zot in dir, ki mon pa pou al ladan. Akoz mon santi poudir lafason ki zot pe fer se zot anvi met bann baryer teknik.

Me mwan mon krwar poudir dan lenstans kot nou ete e dan sa vilaz global, modernizasyon bann Lalwa, nou menm nou koman bann Manm Parlman letan nou al deor, nou pe koz aliny nou fason fer, armoniz nou fason fer avek bann modernizasyon ki pe arive deor.

So Mr Speaker mon pa trouv okenn rezon ki mon pa pou vot an faver sa Prozedlwa.

Mr Speaker akoz ler mon voyaze, dan bann koridor mon ganny kwense mwan osi e ganny demande serten bann kestyon. Ou trouve? E mon santi poudir parfwa i annan bokou lipokrizi dan lafason ki lot kote zot pe met devan zot bann largiman, ou pa kapab dan en serten kote ou dir en keksoz, e ler ou vir ledou ou al laba, ou dir en lot keksoz.

Mr Speaker sa i pa akseptab. E mon santi poudir nou koman en Manm Parlman nou bezwen pran serten pozisyon.

E si nou anvi bouz devan dan sa lespri transformasyon Mr Speaker, Sesel koman en pti leta zil Mr Speaker, i bon ki nou pep deor la i konpran, nou napa swa.

Nou napa swa akoz i annan negligans. Petet kestyon mon ti ava demann Vis- Prezidan, se ki la letan nou pou aprouv sa Prozedlwa, ki pozisyon i met nou vizavi sa bann Lalis Nwanr?

Akoz nou, nou pe seye pou nou sorti lo Nwanr pou vin lo *Grey* epi pou al lo *Blan*. Akoz oparavan nou ti blan nou, epi nou'n glis lo *Grey*, la nou'n al lo *Black*.

Be nou anvi tourn lo *Blan* ankor. So eski sa Prozedlwa i pou ed nou dan lize. Mersi.

MR SPEAKER

Mersi Onorab. Onorab Wavel Woodcock.

HON WAVEL WOODCOCK

Mersi Mr Speaker. Mr Speaker ler mon'n ekout bann entervenans lo lot kote latab, i kler ki zot annan zis en pwen largiman ki zot pe sey fer.

E sa angiz pou sey *mislead* lepep Seselwa. E sa i lo *Clause 47* ki koz lo "*order for interception of telecommunications*." "

Mr Speaker lenpresyon ki zot pe sey donn lepep Seselwa la deor se ki nou Gouvernman, *State House*, nou bann Minis, nou annan lentansyon pou ekout konversasyon telefonn, kekfwa zot konversasyon telefonn.

Me sa Mr Speaker i en keksoz ki nou Gouvernman zanmen in enterese pou fer. Nou konn tre klerman dan lepase, annefe dan en rali mon rapel, zanmen mon pou bliy sa, *in fact* sa *audio* in sirkile partou, e mon mazine zot annan en *copy* dan zot *archive* zot osi.

Kot Albert Rene ti dir, kot tou sa ki son bann lennmi i fer i konnen. Sa ki dan zot kastrol i konnen. Sa ki zot manze i konnen, ler zot pete i konnen.

E annou pa bliye Mr Speaker, poudir apre sa bann entersepsyon telekominikasyon ki zot parti, zot Gouvernman in fer dan lepase.

MR SPEAKER

Onorab ou ava evit bann parol en pe vilger.

HON WAVEL WOODCOCK

Nou ti perdi enn nou frer Gerard Hoareau. Mr Speaker provizyon dan sa Lalwa i vreman ler, *Clause 47(1)* i fer kler.

Nou pe koz lo rod *Mutual Assistance in Criminal Matters*. Sa *Bill* i konsern ler bann lenvestigasyon pe ganny fer, ki ou kapab ganny levidans, ouswa si i annan en *accomplish* aletranze ouswa en *witness* aletranze ki nou ti a kontan vini pou *testify*, pou ganny levidans lo okenn ka.

Sirtou bann ka kriminel, sirtou bann krim finansyel parey blansisaz larzan, koripsyon. Parey mon'n dir, bann krim ki relye, finanse ki relye avek *terrorism*, *human trafficking*, *drug trafficking* ouswa okenn bann krim finansyel. E *Clause 47(1)* i dir, mon ava lir Mr Speaker.

"Where the Attorney General approves a request under section 46, the Attorney General or the Commissioner of Police may make an ex parte application to the Supreme Court for an order to intercept communication."

Se pa Prezidan ouswa Minis sa. Sa se Biro *Attorney Zeneral* ler i pe fer son bann lenvestigasyon ki kapab i bezwen *request* avek *Supreme Court* pou ganny en permisyon *Supreme Court*, pou li entersepte en kominikasyon ki relye avek bann krim parey mon'n dir.

Finansyel, blansisaz larzan ouswa koripsyon. Ki zot pe fer, ki zot enkyet avek sa? Eski zot pa anvi bann *investigation* ki nou pe fer ki Lakour Siprenm, Biro *Attorney Zeneral* ouswa bann lezot antite ki dil avek koripsyon pe fer?

Zot pa anvi sa bann *case* ouswa okenn *case* dan lefitir i progrese? Ki zot pe enkyet, ki zot pe per avek sa *Bill*?

Mr Speaker sa *Bill* devan nou i senp. Eleman pli enportan sa *Bill* se pou etabli e *update* Lalwa Sesel pou ganny sipor lezot pei, dan lenvestigasyon e prosekisyon bann lofans kriminel.

Sirtou bann lofans grav parey mon'n dir, blansisaz larzan, koripsyon, bann *case* finansyel.

E Mr speaker, zisteman Onorab William fek koz lo la, e nou Sesel koman en pei, nou form parti, nou form parti *ESAAMLG*, *ESAAMLG* i *South African Anti-Money Laundering Group*.

Nou'n ratifye plizyer bann Protokol enportan dan sa Lasanble. Mr Speaker, ki nou Komite *IAC* in diskite ki annan Manm lo zot kote latab ki form parti sa komite.

Nou'n ratifye protokol, *Anti-Corruption*, nou'n ratifye *SADC Protocol Against Corruption*.

Nou'n ratifye plizyer Konvansyon ki annan pou fer avek *terrorism*, *Anti-Money Laundering*. E dan sizyenm Lasanble nou'n pas plizyer Lalwa, *POCA*, *Proceeds of Crime Act*.

Napa Lalwa ki nou pa'n pase pou ranforsi nou Sesel, pou fer sir ki sa bann keksoz i arete dan nou pei. I mal Mr Speaker ki ozordi mon tann zot pe gele, zot pe gele, akoz nou pe pas en Lalwa sitan enportan pou dil avek bann sizer ki'n arive dan nou pei.

E fodre pa zanmen ki zot bliye Mr Speaker, bann keksoz ki zot in fer dan lepase. Fodre pa zanmen bliye, bann aksyon ki'n arive anba zot *watch*.

Plizyer bann Lalwa ki ti merit pase depi lontan, enkli sa enn, depi 1995 pa'n zanmen ganny amande. Akoz? Pou ki rezon? Depi 2016 sa Lalwa i ek zot. Akoz prezan ki sa Lalwa pe ganny, i vin devan nou Lasanble.

Mr Speaker fodre nou pa bliye, en pake zafer in arive dan nou pei. Ki zot pe per, akoz zot pa oule pase?

Onorab Loze in dir i pa *trust*. I pa *trust* sa Lalwa ki nou pe sey anmennen ozordi, akoz, e mwan mon konnen klerman Mr Speaker.

Eski enn bann rezon akoz zot pa pe *trust* sa Lalwa ozordi, se ki akoz parey zot in fer dan lepase, zot in soutir bann voler ek bann kriminel, bann dimoun ki'n kasyet Mr Speaker?

Eski zot pe per si ler sa Lalwa i pase, nou pou kapab al fer bann, nou kapab ganny sipor enternasyonal pou nou al *investigate* pli lwen?

Ki ler en ka i pas devan Lakour, sa dimoun in ganny akize, ki sa Lalwa pou fer provizyon pou nou kapab al deor pou nou al sezi sa bann *asset* aletranze?

Sa ki zot pe enkyet Mr Speaker? Eski i annan dimoun ki zot anvi proteze, sanmenm sa rezon ki zot oule vot kont sa Lalwa Mr Speaker?

Annou pa bliye, anba zot *watch*, Zenosid *Rwanda*, zarm *MALO*, bato *MALO* ti ganny bann - Anba ki *watch* ti arive sa Mr Speaker? *FIU*, *NDEA*. Tou sa bann *shell companies* ki'n ganny kree aletranze, *CALENDULA*, *SOLAS BEO*, *Tech Limited* ki zot ti pe pey zot lekor sepa konbyen milyon.

Tou sa bann biznes ki zot in sezi kont bann biznes e donn bal dann larzan sa bann dimoun. Anba ki *watch* ti arive sa?

Eski zot per ozordi poudir sa Lalwa ler nou pase la, nou kapab al *investigate* tou sa bann *case* pli a profon, sirtou dan pei kot zot bann konplis pe kasyet Mr Speaker?

Annou pa bliy ankor Mr Speaker, ka disparisyon plizyer milyon rounpi, e enkli bann ka bann later vole, bann lotel ki zot ti sezi later, sezi zot kont, atraver *COSPROH* ki ozordi i anba *investigation*.

Pa Cosgrow, *COSPROH* Mr Speaker. E annou osi pa bliye Mr Speaker, i annan bann ka ankor ki devan nou Lakour ozordi ki *subjudice*, mon pa kapab koz lo la.

(laughter)

(Interruption)

MR SPEAKER

Order! Order! Order silvouple. Eskiz mwan, Onorab arete.

HON WAVEL WOODCOCK

Mr Speaker *COSPROH*, pa Cosgrow, *COSPROH*.

MR SPEAKER

Stop. Onorab mon'n tande anpasan.

HON WAVEL WOODCOCK

COSPROH Mr Speaker.

MR SPEAKER

Ou'n mansyonn, mon krwar Cosgrow.

HON WAVEL WOODCOCK

COSPROH.

MR SPEAKER

Mon oule ou dir ki ou pa pe fer referans avek sa Onorab ki la.

HON WAVEL WOODCOCK

Wi mon pa pe fer referans avek Onorab Cosgrow, mon pe koz lo *COSPROH*. Tou menm *COSPROH* pou zot menm sa Mr Speaker, ti anba *SPPF* ek *US* sa.

MR SPEAKER

Move-on.

(disruption)

HON WAVEL WOODCOCK

Mr Speaker. Onorab Loze ou pa pou kriy ek mwan dan sa fason. Mon pe dir ou arete, e mon pe donn ou en *warning* la, ou pa pou kriy ek mon dan sa fason.

HON JOHAN LOZE

(Off-Mic)

MR SPEAKER

Mersi. Mersi, arete. Onorab Woodcock, mon ava dir ou mersi pou pa mansyonn nou ki kapab ganny referans avek dimoun dan sa lasal. *Ok.* Kontinyen.

HON WAVEL WOODCOCK

Mr Speaker mon kontinyen.

MR SPEAKER

One second. Ki i annan Onorab Pillay, en *point of order*?

HON SEBASTIEN PILLAY

Mr Speaker, me ou konnen, mwan mon pe gard mon kalm, mon pa pe kriy ek ou.

MR SPEAKER

Wi, ou fer tre byen.

(disruption)

HON SEBASTIEN PILLAY

Mon Mosyon i la, ale anmennen. Anmenn mon Mosyon.

MR SPEAKER

Silvouple.

HON SEBASTIEN PILLAY

Akoz mon pe koz ek ou, i parey poudir i annan dimoun i oule fer ou louvraz.

MR SPEAKER

Ale kontinyen. Ou konnen Onorab. Annou sey fini sa annord silvouple.

HON SEBASTIEN PILLAY

Tou keksoz ti annord, tou dimoun in fer son pwen dan deba.

MR SPEAKER

Wi.

HON SEBASTIEN PILLAY

Onorab ki pe *impute*. I pe dir poudir, ler i pe dir zot, i pe koz pou nou, nou bann konplis ki aletranze, bann dimoun ki'n fer isi, ki'n fer laba.

I nou, e nou koman manm Lasanble, ki sipoze ganny proteksyon Speaker. Akoz Konstitisyon i fer kler ki rol en Speaker se protez minorite.

MR SPEAKER

Yes.

HON SEBASTIEN PILLAY

Protez minorite dan Lasanble, protez en minorite dan Lasanble.

MR SPEAKER

Ok.

HON SEBASTIEN PILLAY

Akoz se sa son rol kont en mazorite. E ki nou war Mr Speaker, ki nou war, nou war Onorab i fer plizyer *statement*.

Manm lo mon kote latah ki ti pou'n fer menm kalite *statement* ki'n ganny arete, in ganny koup son mikro, in ganny termin zot lentervansyon.

E ou dir ek li aret dir kan in fini dir. So i devret fer en *retraction* ki i pa pe *impute improper motive* kot nou.

MR SPEAKER

Onorab Woodcock vey byen mon parol. *No reference* lo okenn dimoun la.

HON WAVEL WOODCOCK

Mr Speaker mon pa pe *impute* okenn motiv lo lot kote latah.

MR SPEAKER

Kontinyen, terminen silvouple.

HON WAVEL WOODCOCK

Mr Speaker mon kontinyen, *COSPROH*. Sa ta later ek lotel ki zot in sezi, ki zot in vole, apre ki nou tou nou konnen lekel ki'n *end-up* propriyeter sa bann later.

MR SPEAKER

Onorab ou pe al, ou pe al en pe lwen.

HON WAVEL WOODCOCK

Ok, mon a proceed Mr Speaker.

MR SPEAKER

Ou'n dir ankor enn fwa ki zot in vole, ou pa pe fer referans avek okenn dimoun la.

HON WAVEL WOODCOCK

Ek personn wi.

MR SPEAKER

Retract.

HON WAVEL WOODCOCK

Ok Mr Speaker. Mr Speaker i annan en kantite parey bann krim finansyel ki'n arive dan nou pei. Ki non selman enkli larzan, me i osi enkli bann *asset*.

Parey 46 bout later *US* i form parti bann koripsyon ki'n arive dan lepase ki anba lenvestigasyon ozordi. Mr Speaker zot pa anvi nou koz laverite.

Pa zot dir koumsa nou pe rod laliberte lekspresyon, les zot koze, zot in koze. Prezan les mwan koze. E sa ki mon pe koze la ozordi Mr Speaker, se laverite ki tou lepep Seselwa deor i konnen, i okouran, in pas dan sa Lasanble, *in fact* i piblik Mr Speaker.

Rapor i la, i annan bann rapor ki Oditer Zeneral in fer, i annan sa bann rapor, sa bann *case* ki devan Biro Anti-Koripsyon.

Alor Mr Speaker, mwan mon santi ki sa Lalwa ki la devan nou ozordi, *Mutual Assistance in Criminal Matters* i en Lalwa ki vreman enportan. Ki pou ed nou *improve* nou *ranking* enternasyonal.

Ki pou ed nou sorti lo sa bann lalis Nwanr ki zot Gouvernman in met nou la dan lepase, ki petet parey Onorab William in dir, nou ava *move* lo lalis Blan. Avek sa 2 mo Mr Speaker, mon dir ou mersi bokou.

(APPLAUSE)

MR SPEAKER

Mersi. Bon nou'n termin deba lo sa *Bill*. Mon ava demann Vis-Prezidan pou fer son rezimen silvouple.

THE VICE-PRESIDENT AHMED AFIF

Mersi bokou Mr Speaker. Pli ler i pase, mon pa konnen si tansyon ki pe monte, oubyen leksitasyon ki pe monte. Selman i gou dan sa Lasanble.

Mon ti a kontan premyerman remersi tou bann manm Onorab ki'n koz an faver sa *Bill*. Zot in fer plizyer komanter.

E mon ti a osi profite pou petet adres en pe bann konsern sirtou ki bann Manm Lasanble in leve. E mon a pas enn par enn parmi bann pwen relevan ki'n ganny fer sorti.

Onorab Hoareau in, i ti dir i kontan ki *Bill* in ganny drafte dan en fason prop e bokou pli byen. Mersi Onorab.

Me ou'n osi dir poudir ou ti a kontan en pti pe plis lesplikasyon lo bann mekanizm ki pou egziste, ki pou permet ki kan bann demann i ganny soumet avek lotorite, ki sa kordinasyon ki pou annan pou donn lenformasyon avek sa lot parti.

Onorab parey ou konnen, ozordi i annan plizyer lenstitisyon dan pei ki anmas lenformasyon, i annan ki anmas lentelizans.

I annan lenstitisyon ki li son rol se pran lo sa lenformasyon, konverti li dan levidans, ki apre i ganny pase avek en lot Lotorite.

Alor mekanizm ki egziste, ki pa neserman donn an detay dan Lalwa, Lalwa i kree sa lankadremman pou permet sa bann keksoz arive.

E dan en lenstans mon kapab dir ek ou, fer krwar en Lotorite deor i pe demann Lotorite Seselwa lenformasyon lo swa en lakonpanyen, swa en endividi, ki zot sipekte in fer en tranzaksyon Sesel, Lotorite Seselwa, e dizon ki i Biro Attorney Zeneral ki Lotorite.

Li i ava fer en demann zis pou ganny en lendikasyon avek par egzantp *FIU*, si i annan en tel kont dizon dan Sesel, dan okenn tranzaksyon in kapab pase.

Sa Lazans lentelizans li i a dir wi ou non, i pa neserman donn sa, tou sa lenformasyon lentelizans avek Lotorite.

Lotorite prezan li i a servi son pouvwat pou i kekfwa atraver Labank Santral, demann avek en Labank isi si i kapab ganny en *statement* oubyen detay en tranzaksyon.

E alors sa Lotorite li, ankor atraver sa kolaborasyon i a ganny sa lenformasyon, i a pas sa avek sa Lotorite aletranze.

Parey ou konnen, i annan bann Komite osi ki egziste, ki regroup Labank Santral, Minister Finans, *Attorney Zeneral* ek *FIU*, e menm *FCIU* ek Lapolis.

Alors tousala zot travay an kolaborasyon etrwat. E *FIU* li i form parti *Egmont Group*. E alors se atraver sa fason ki sa bann lenformasyon i pase, i ganny kominike.

E alor sa Lalwa ki la devan nou, sa *Bill*, li i donn labaz pou sa lankadremman pou tousala arive.

I annan lezot Manm, Onorab Georges an partikilye ki'n koz lo bann konsern ki li i annan, Parske bann ka sivil pa pe osi ganny sa kalite latansyon ki parey Lalwa pe fer provizyon isi.

E Onorab mon antyerman dakor avek ou poudir nou bezwen fer bokou plis. E mon tann ou mesaz tre kler, ki nou, nou bezwen fer tou sa ki nou kapab pou ede ki Sesel i zwe en rol restriktiv kot i konsern tou bann kalite ka ki vin devan lotorite, enkli bann ka sivil.

E i annan en komite ki'n ganny etabli, en komite legal, ki pe travay zisteman lo tou bann amannman legal ki devret ganny fer vizavi sirtou Sektor Finansyel e biznes.

E enn ladan se par egzanp *Insolvency Act*, si i annan bann provizyon ladan ki fer li en pti pe feb ozordi, lentansyon se pou fer li vin bokou pli kler, pou ki tou sa bann konsern ki ou'n leve zisteman kapab ganny adrese vitman. E pei son repitasyon an se ki konsern kolaborasyon e donn lenformasyon avek lezot lotorite, i ava al lo en lot nivo.

Onorab Georges mon krwar ou ti osi mansyonn, e lezot Manm osi in mansyonn pouwar anba 7(4).

Kot i fer Lotorite pou *Attorney Zeneral*, me i kapab fer provizyon pou en lot Lotorite osi.

Rezon i tre senp, parske dan bann ka ki ou pe ganny en lanket ki pe ganny fer, i annan diferan kalite ka ki vini. I annan bann par egzanp ki lye direktman ek koripsyon.

E dan ka par egzanp ki lye ek koripsyon. Nou annan en Lotorite Sesel, alor posibleman, e mon dir posibleman, i kapab fer provizyon ki dizon Komisyon Anti-Koripsyon i ava en Lotorite.

Kot li i pou fer li bokou pli vit dan sa ka. Parske li i annan tou son bann mekanizm neserer deza pou kapab dil avek sa kalite demann ki pe vini aletranze.

E sa se zis en posibilite. De tout fason, ler sa Lotorite i ganny etabli par Prezidan, anba bann term e kondisyon ki i pou donner.

Sa i bezwen ganny fer strikteman par sa lenformasyon i ganny pibliye dan *Gazette*. Alor i pa ganny fer an kasyet. I pa ganny fer dan en fason anba latab, dan en fason ki pa montre latransparans.

I pou ganny fer kot i ganny pibliye. E sa bann term kondisyon e pouvwar i ganny mete klerman.

Onorab ti osi demann anba 24(1) par egzant, si en aksyon ki nou pran son finisyon i vin dan kondannasyon en lanmor, e lanmor li i pa en keksoz ki nou, ki permet anba nou konstitisyon.

Mon ganny dir, e par, mon ganny gide par bann dimoun kot Biro *Attorney General* isi anba 24(1)(j), i permet ki, i dir poudir si sa i pou al ver en konklizyon, "*the provision of the assistance will require steps to be taken, that would be contrary to the Constitution or any other Law...*", then i kapab refiz sa.

Alor, sa set en pti pe bann pwen. Ti annan lezot pwen ki'n ganny souleve. E mon'n tan sa mo ganny servi, '*mistrust*', i annan tansyon.

E i annan dout lo lentansyon sa morso Lezislasyon ki devan nou. Mon vreman pa tro konpran aköz i annan tousala.

Parske an realite, sa Lalwa ki devan nou ozordi, ki parey Onorab in mansyonnen, i en Lalwa ki ase kler, ki'n ganny drafte ase byen, tin drafte depi 2020, avan sa Gouvernman ti vin o pouvwar.

Ti la lo *shelf*. Nou, nou'n poli li, nou'n netway li, nou'n fer li prop, nou'n tir tou sa bann fot.

E si i annan *mistrust*, mon konpran sa *mistrust*, parske zot pe *mistrust* zot prop Gouvernman ki ti'n aprouve par zot Konsey de Minis sa letan. Anfen mon pa trouv li drol.

Me selman si i annan *mistrust*, i kler poudir i annan problem lo en kote latab. Parske sa in ganny drafte, e tou sa bann lezot pwen, nou pa'n azoute, ler nou pe koz Seksyon 46, Seksyon 50 lo entersepsyon. Be tousala ti ladan.

Tousala ti ladan, aprouve par ansyen Konsey de Minis. Ler zot e demann kestyon, eski, eski ozordi Gouvernman i annan posibilite pou *intercept* telefonn e komunikasyon, e zot dir poudir nou ti dir zanmen nou ti annan san posibilite, i pa korek.

Mon ti a kontan demann bann manm ki pe kestyonn, ki pe zisteman demann sa kestyon, ki mannyer dan letan konplo 412, zot ti ekout telefonn?

Eski ti annan en dimoun anba lili dan lasanm 412 avek en pti *tape recorder*? Sa lepok, mon pa konnen, mon pe zis demande. Ki mannyer ti pase sa letan?

Si lotorite sa letan ti kapab entersepte kominikasyon *L'Angleterre*, isi Sesel zot pa ti pe fer? Eski i en keksoz ki Gouvernman LDS depi Oktob 2020 in entrodwir dan modernizasyon e telekominikasyon en keksoz ki fek ganny entrodwir ?

Sa ki mon ti a kontan dir zot, sa ki mon ti a kontan dir zot, se ki entersepsyon i ganny prometan anba Lalwa Sesel anba serten kondisyon.

Annefe Lartik 136 dan Konstitisyon ki ti pase an Out 1993 - byen lontan pase, dan lepok Mr Rene.

'Supreme Court interception of correspondence or other means of communications rules August '93, Lartik 136. I fer sa kler.

Alor ler serten Onorab i dir zot annan dout lo sa morso Lalwa, akoz prezan ki pe entrodwi bann sistenm pou al entervenir dan kominikasyon. I pa korek ditou. Nou pe anbet pep Seselwa pou krwar poudir sa pa ti egziste dan lepase, e la ozordi atraver sa Lalwa nou pe anmenn li.

Sa i pa le ka. Anba *Seychelles Intelligent Services Act* ki ti pase. Mon konnen zot pa kontan retourn dan lepase. Me in pase detrwa lannen pase.

I permet anba Seksyon 18 pou ou ki telefonn i kapab ganny ekoute, kot Lakour Siprenm i donn en lord.

Pa si *State House* i annan kontrol e *State House* i donn en lord en lakonpanyen telefonn pou ekoute. Petet zot, zot in abitye ek en sistenm koumsa, mon pa konnen.

Me anba sa ladministrasyon i pa egziste, *rule of law* ki egziste, e se koumsa ki pou toultan egziste.

Onorab William i demann nou si sa pou met nou bokou pli byen vizavi bann lenstitisyon enternasyonal ki'n met nou lo *Grey List*.

E pa bliye nou'n sorti lo *Black List*, nou'n vin lo *Grey List*. E nou pou kontinyen mars annavans nou. Wi Onorab, i pou met nou de lavan.

Parske tou sa bann provizyon ki ladan i annakor avek bann rekomandasyon *FATF*. E sa ankor enn fwa i pou met nou lo en nivo bokou pli o.

Mr Speaker mon krwar mon'n adres bokou bann pwen ki'n ganny souleve. Mon krwar sa morso Lezislasyon i pe zis moderniz sa ki egziste ozordi.

E mon krwar i annan zis en pwen petet, mon pa'n adrese, se ki fason sa kolaborasyon, eski par egzanp, ler nou, nou anvoy en demann a en Leta, pou donn nou lenformasyon, eski i oblize donn nou lenformasyon ?

Sa osi mon krwar ti ganny leve. Tou pou depan lo lakor ant nou pei e sa pei.

E par egzanp ozordi nou pe travay etrwatman avek bann pei SA, SADC kot nou annan lagreman avek zot, avek *La France*, nou pe etabli en lagreman e avek *UAE* osi nou annan en lagreman.

Alor bann ki nou konnen nou pou bezwen regilyerman demann lenformasyon, oubyen zot regilyerman zot pe demann nou lenformasyon, nou annan en lakor, e sa Lalwa ki la devan nou, i pe senpleman met sa labaz e lankadremman pou kree sa bann Lakor separe.

E sa bann Lakor anba la se la kot i pou mete ki mannyer sa lobligasyon tou lede Leta i pou ete. Vwala Mr Speaker nou pe bouz de lavan.

Nou anvi en rezim ki bokou pli modern. Kot lenformasyon i ganny transmet vit avek tou bann Lotorite. Pou ki nou osi nou zwe nou rol pou nou ede dan bann lager kont blansisaz, kont kriminalite. E sa i en fason pou nou fer li.

Mon espere ki mon'n kapab reponn bokou bann konsern. Mon osi espere ki Lasanble pou ed nou dan sa proses pou aprouv sa Lalwa.

E ki Sesel i ava ankor enn fwa pe modernize e bouz devan pou nou kapab kontinyen devlop nou pei. Mersi bokou Mr Speaker.

MR SPEAKER

Mersi, avek sa mon ava apel bann Manm pou vot lo *general merit* sa *Bill*. Manm ki an faver lev lanmen silvouple? Manm ki vot kont lev lanmen silvouple.?

Lo *general merit Mutual Assistance in Criminal Matters Bill 2022*, 22 Manm in vot pour, 0 kont e 9 in *abstain*. *Bill* in aprouve par Lasanble lo *Second Reading*. E Madanm Clerk a fer *Second Reading*.

MADAM CLERK

Mersi Mr Speaker. *A Bill for an Act to make provision for Mutual Assistance in Criminal matters between Seychelles and other countries; and to provide for matters connected therewith or incidental thereto*. Mersi Mr Speaker.

MR SPEAKER

Mersi. Mon realize i en pe tar, me selman nou abitye travay en pe tar. Alors nou a kontinyen.

Nou a pas dan Staz Komite pou nou pran bann amannman ek klarifikasyon ki Manm i anvi met devan. E lo kote *Bills Committee* se Onorab Hoareau ki pou pas lo bann amannman, wi.

HON JOHN HOAREAU

Mersi Mr Speaker. Mr Speaker napa tro bokou lamannman lo sa *Bill*. Premye lamannman i ganny trouve anba *Clause 2* lo enterpretasyon *communication data*.

E la i annan en lamannman ki'n ganny sizere par Onorab Georges. Se pou *delete 'and includes content data'* ki ganny trouve a lafen paragraf (c) e pou azout en nouvo *subsection* ki (d), ki ganny lir koman '*content data*.'

MR SPEAKER

Byen, les mon a pran avi bann *panel*, si zot in aksepte sa lamannman.

STATE COUNSEL NISSA THOMPSON

Mr speaker wi nou aksepte. Mersi.

MR SPEAKER

Eski nou kapab, Lasanble i kapab aksepte, oubyen nou bezwen en vot? I ant le de, i pa gro lamannman. So nou a kontinyen, *ok* Onorab napa lobzeksyon. Alor nou a kontinyen. Onorab Hoareau.

HON JOHN HOAREAU

Kot *Foreign prisoner*, ankor anba *interpretation*, so (a) i lir koumsa, '*pending trial or sentence for*', apre i dir '*or sentence for*.'

I annan sizesyon ki sa dezyenm bout pou *sentence for* i en repetisyon. Eski ou pare pou *delete* sa oubyen nou pare pou kite?

MR SPEAKER

Yes Ms Thompson.

STATE COUNSEL NISSA THOMPSON

Wi nou pare pou *delete*. Mersi.

MR SPEAKER

Ok, tre byen. Kontinyen Onorab Hoareau.

HON JOHN HOAREAU

Mr Speaker nou al lo *article*, sorry *Clause 31(1)*.

MR SPEAKER

31(10) wi. Onorab oule dir ki amannman la avan nou pran entervansyon vann lezot Manm? Anr in sot enn. Ok, Onorab Hoareau, Onorab Georges i oule fer en pe mars aryer. Onorab Pillay kot ou pe ale ou, ou pe, ou a swiv nou.

HON SEBASTIEN PILLAY

7, seksyon 7 mwan.

MR SPEAKER

7, ok. Menm avan. Ale, ler nou ariv lo 7 ou a kapab, Onorab Georges kot ou komanse?

HON BERNARD GEORGES

Mersi Mr Chair. Dan definisyon *video link*.

MR SPEAKER

Wi.

HON BERNARD GEORGES

2(B)(V). *‘The Court sentencing otherwise dealing with the defendant in respect of his conviction.’* Mon pe propoze ki ‘his’ i ganny ranplase par *the person’s conviction*.

MR SPEAKER

Yes, gender neutral.

HON BERNARD GEORGES

Akoz for obvious gender neutral reasons.

MR SPEAKER

Yes panel. Ok.

HON BERNARD GEORGES

Non, epi nou al lo 7, mersi.

MR SPEAKER

Ms Thompson.

STATE COUNSEL NISSA THOMPSON

Mr Speaker nou aksepte propozisyon. Mersi.

MR SPEAKER

Next one i, Onorab Georges. Next one i 7, ok, Onorab Pillay wi.

HON SEBASTIEN PILLAY

Mersi Mr Speaker. Baze lo tou sa ki’n ganny dir an relasyon avek 7, mon ti a kontan demann en klarifikasyon pou benefis Lasanble.

7(4) i dir ki anba sa Clause se Prezidan ki pou determin bann kondisyon ek bann terms ki sa Lotorite ki ganny, apard Attorney Zeneral, ki pou ganny apwente pour resevwar pou fer sa aksyon, pou fer en request pou lenformasyon.

Me Prezidan i li menm Minis for Legal Affairs. So prezan zot pe dir nou poudir sa pou ganny fer anba Regilasyon.

Mon pa vwar kote 7(4) i mansyonnen poudir i pou annan Regilasyon. I dir “as the President may determine”, me Regilasyon i ganny fer par Minis pou Legal Affairs ki Prezidan Larepublik li menm.

So Prezidan pou fer son prop determinasyon apre i pou pibliy son prop Regilasyon.

MR SPEAKER

Panel ti a kontan adres sa silvouple. Ms Thompson.

STATE COUNSEL NISSA THOMPSON

Wi Mr Speaker, mersi. Mr speaker mon panse pwen ki pe ganny fer resorti i anvi avek larepons *VP* oparavan, ki pou annan bann *terms and condition* ki pou ganny pibliye dan *Gazette*.

Alors ler Prezidan pou apwent sa lot lotorite apar *Attorney* Zeneral, i pou pibliye dan *Gazette*, pa dan Regilasyon, bann term e bann kondisyon ki i pou determinen.

E la Manm Lasanble i byen pou dir ki Prezidan i Minis pou bann Zafer Legal. Mersi. Si i annan okenn lezot kestyon, nou pare pou adrese.

MR SPEAKER

Ok.

HON SEBASTIEN PILLAY

Mr Speaker, war, sanmenm ki - e Vis-Prezidan in pran sa mo *mistrust* dan en fason negativ. Se pou sa rezon, aköz si nou ti anvi dir ki i pou ganny pibliy dan *Gazette*, ki nou pa ti'n met li la. Ou konpran? I ti ava la kot sa Seksyon 7(4).

E ti ava dir poudir sa bann kondisyon pou ganny pibliye dan *Gazette*. Me sa i pa zis.

So i ankor enn fwa, se sa ki fer ki i *raise* serten konsern vizavi lentansyon Lalwa ki'n vin devan nou, e lentansyon Gouvernman ek sa bann Lalwa. Ki kantmenm nou pe ganny dir ti lo *shelf*, inevitableman Lasanble ti pou bezwen kestyonn sa bann avan.

So mon pa pou tard prosedir, mon zis met sa lo latib. E mon pa anvi fer okenn deba lo la. Sa i ava koumsanmenm.

MR SPEAKER

Wi i tonm dan menm sityasyon mon krwar. Si i napa en *amendment* ki'n ganny propoze la, nou a kontinyen avek sa. Onorab Arissol.

HON SANDY ARISSOL

Mr Chair, be zisteman be letan nou pe koz tousala, an relasyon avek sa ki onorab Pillay pe dir, be mon ti a kontan demann *panel* laba devan, *in regards to* sa ki i pe dir, lo 7(3)(b).

Eski i reponn sa kestasyon Onorab Pillay, eski i senm plis dout? Sey eksplik nou en pti pe *panel* devan. Mersi silvouple.

MR SPEAKER

Yes VP.

THE VICE-PRESIDENT AHMED AFIF

Mersi Mr Speaker, Mr Chair. Mr Chair anba 7(3)(b), i fer kler poudir i pou pibliy en *notice* dan *Gazette*.

Alor i tonm egzakteman sa ki nou ti pe dir, ki Prezidan i determinen, e i pibliye, i fer li tout an transparans. So i ganny pibliye. Mersi.

MR SPEAKER

So, ou pwen i ganny kouver anba 7(3)(b)? Aksepte? Bon, *yes*.

HON SEBASTIEN PILLAY

Easy, ok, travay nou. Ou konnen si zot annan 7(3), sa ki mon pe sey ganny en konpran, se si ou pe entrodwir 7(4), pou ki rezon ki 7(4) i pe ganny entrodwir si 7(3) ti sipoze zis sa ki 7(4) ti sipoze dir?

Ou konpran, se sa problem ki nou annan. Akoz sa ki *VP* in dir nou, i diferan avek sa ki pe, ki dan Lalwa la li. Li in dir, non, ou ou'n dir nou, ou'n mansyonn *ACCS as en Lotorite*, ki nou tou nou konpran rol ki *ACCS* i annan pou zwe.

MR SPEAKER

Wi.

HON SEBASTIEN PILLAY

Be ou'n osi mansyonn lezot Lotorite. So sa i pe koz lo en Lotorite Santral. E ki definisyon Lotorite Santral anba seksyon lenterpretasyon. I annan en definisyon pou Lotorite Santral?

MR SPEAKER

Nou a permet *panel* adres sa pwen.

HON SEBASTIEN PILLAY

War i dir ou, i refer ou *back to pursuance to section 7*. So nou konsern ti lezitim nou.

Akoz i en *circular reference* ki pa vreman donn ou okenn definisyon lo lekel sa bann Lotorite santral ki pou ganny *designate*. Ler ou dir en *Central Authority*, i en Lotorite.

Ou pa kapab annan plizyer *Central Authorities* dan sa konteks. Se pour sa rezon ki nou'n koz lo serten anbigite ki egziste, ki normal pou nou *raise* sa bann anbigite koman Manm Lasanble.

Nou pa zis la pou nou aprouv tou keksoz ki Gouvernman in met devan nou.

MR SPEAKER

VP.

THE VICE-PRESIDENT AHMED AFIF

Mersi Mr Speaker. Mr Speaker fransman mon pa tro konpran kote problemn i vini. Parske Lalwa i dir ki Prezidan i ava swazir e i annan drwa pou li swazir en Lotorite pou li *designate* en Lotorite anba sa Lalwa, ki pou zisteman enplimant bann diferan provizyon.

I annan *Attorney Zeneral*, e li i kapab swazir lezot Lotorite. E sa ki mwan mon ti eksplike taler se i kapab swazir par egzanp en lot Lotorite, se Anti Koripsyon. Sel keksoz ki i pe dir prezan anba 7(3)(b).

Si demen i deside poudir Anti-Koripsyon i enn sa bann Lotorite, i pibliy en notis dan *Gazete*, poudir Anti-Koripsyon i sa *notice*. Napa nanryen ekstra ladan.

Si i anvi swazir en lot Lotorite ki pou lesanz lenformasyon, ki pou donn sa lasistans, sa kolaborasyon, i pibliye, i met son term e kondisyon dan en *notice* i met dan *Gazette*. I piblik, tou dimoun i war. Se tou ki sa pe fer.

E Prezidan i Sef Egzekitiv, finalman dan pei. E i pe fer son travay dan latransparans. E mon pa war okenn problemn ek sa.

Me si i annan amannman ki Lasanble i krwar i devret fer, propoze, nou ava ekoute. Annou koze.

MR SPEAKER

Well, for one, the proposed amendment, nou a kontinyen avek sa ki la. Nou napa en amannman lo latab. Onorab Georges kot ou pe ale?

HON BERNARD GEORGES

Mersi Mr Chair. Mr Chair mon ava, Lasanble i ava rekonnet ki premyerman mon esper ou donn mwan laparol avan mon met mon *micro on*.

E dezyenmman mon fer en propozisyon ki relevan. 17(2), dernyen laliny, zot ava vwar dan trwazyenm laliny 17(2),” *the Criminal Procedure Code, (Cap 54) Evidence Act (cap 74) or any other law, i bezwen annan en vigil apre ‘law.’*

Akoz i, sa i en “*subject to the provisions of any other law, be admitted.*” Alor mon pe propoz en comma la. E dan 17 (3), dan premye laliny, “*The Minister may make regulations in respect ‘of’ any form of request.*”

Mon krwar i annan en *of* ki manke la. Akoz i refer back to subsection one ki ‘*forms of request.*’ Mersi.

MR SPEAKER

Nou a les *panel* adres sa 2 pwen ki ou’n leve dan 17.

STATE COUNSEL NISSA THOMPSON

Mr Speaker nou aksepte. Mersi.

MR SPEAKER

Ok, byen. Onorab Georges ou ankor annan avan ou’n ariv kot Onorab Hoareau ti’n arive?

HON BERNARD GEORGES

Yes Mr Chair. Mon al lo *Clause 23(1)(IX)* trwazyenm laliny. *Details of the allowance to wish the person would be entitled, apre i annan en lot ‘to’, the second ‘to’ is redundant.*

“*Details of the allowance to which the person is entitled, will be entitled and of the arrangements*” extra. Mon pe propoze ki sa ‘to’ ki vin apre ‘*entitled*’ i ganny koupe.

On the basis that you do not end align with the preposition. Son ‘to’ in vin avan.

MR SPEAKER

Yes, *panel* pou adrese sa?

STATE COUNSEL NISSA THOMPSON

Mr Speaker mersi. Mr Speaker nou pa an faver sa propozisyon. Nou pou propoze ki nou *retain* sa 'to' ki nou ti'n mete dan - parey i ete.

HON BERNARD GEORGES

Mon ava bezwen bouz en amannman Mr Speaker, akoz mon, ou pa zanmen dir '*to which somebody is entitled to.*'

Ou dir '*to which somebody is entitled or which somebody is entitled to.*' Me ou pa zanmen servi tou lede.

Alor, *unless* ki *panel* i aksepte, mon pou *move* en *amendment* e mon pou demann en vot lo la.

MR SPEAKER

Panel. Yes VP.

THE VICE-PRESIDENT AHMED AFIF

Nou aksepte sa ki Onorab Georges i dir. Mon dakor avek, akoz nou deza annan sa *word* 'to' par devan. Mersi.

MR SPEAKER

Onorab Georges, *next point.*

HON BERNARD GEORGES

27, *Clause 27(5)* Mr Speaker. *Anyway* non, mon pa, *I won't move this one.* Akoz non, *ignore me.* *I can leave with it.* 28(3) - 28(3) avek 28(4) mon pou demann *panel* ed mwan.

I - dan tou lede ka, nou koz *of arrange service of a process.* Dan *Clause*, dan 28(3) dezyenm laliny e 28(4) dan premye laliny, '*service of a process.*'

I have always known it to be service of process without the singular. E mon pe demann *panel* si zot aksepte sa. *Or*, me lo sa enn mon *ambivalent.* Mersi.

MR SPEAKER

Yes Ms Thompson.

STATE COUNSEL NISSA THOMPSON

Mr Speaker nou aksepté, mersi.

MR SPEAKER

Ou'n – nou'n *catch up* la. *Ok, Onorab Hoareau back to you.*

HON JOHN HOAREAU

Mersi Mr Chair. Mr Chair, *Article 31(1)* i annan en *deletion* “*of pending in the court*” dan *dezyenm laliny*, i ganny *replaced* par “*in that foreign state.*” *Apré comma, the Attorney eksetera, eksetera. Ok.*

MR SPEAKER

Panel. Ms Thompson.

STATE COUNSEL NISSA THOMPSON

Mr Speaker nou aksepté. Mersi.

MR SPEAKER

Thank you. Next one. Onorab Georges wi, kot.

HON BERNARD GEORGES

Lo *31(2)(c)*. Mon pa konnen si Onorab Hoareau.

MR SPEAKER

In ariv la.

HON BERNARD GEORGES

31(2)(c). The first word should be ‘caused’ e non pa ‘used’ the writing. Sorry, yah, “caused to be sent to the Attorney General”, mon krwar ‘ca’ i annan ti’n manke la. Mersi.

MR SPEAKER

Panel? Yes Ms Thompson.

STATE COUNSEL NISSA THOMPSON

Mr Speaker nou aksepté. Mersi.

MR SPEAKER

Next point Onorab Hoareau.

HON JOHN HOAREAU

Mr Speaker lo sa koreksyon ki mon annan, se tou ki *happier*, ki mon pa konnen si i annan lezot keksoz ki petet Onorab Georges i kapab konstate.

MR SPEAKER

Well Onorab Georges oubyen lezot Manm. Onorab Georges ou annan en lot pwen.

HON BERNARD GEORGES

Yes Mr Chair. Avek ou permisyon mon annan 37(4)(c) “*to return the person into*”, e la mon pe propoze “*into the custody of the authorized officers.*”

MR SPEAKER

37(4) se *panel*, Ms Thompson.

STATE COUNSEL NISSA THOMPSON

Mr Speaker nou aksepte.

MR SPEAKER

Thank you. Yes Onorab Georges *next point.*

HON BERNARD GEORGES

39(5) - 39(5) dan trwazyenm laliny Mr Speaker mon annan en propozisyon pou *panel*.

“*Where an amount of money payable or remaining to be paid under a current confiscation order registered in the Supreme Court under this section is expressing a currency other than that of Seychelles rupees*”, mon krwar mon pe propoze ki nou dir “*in a currency other than the Seychelles rupee*” in the singular. Mon krwar i kekfwa lir en pe pli byen. Mersi.

MR SPEAKER

Panel? Yes accepted thank you. Onorab Georges.

HON BERNARD GEORGES

Yah. Mr Chair mersi, 45 immunities, 45(1)(a), son premye mo' the', mon pe propoze ki nou delete, so that it reads "no civil or criminal actions shall lie against any person for producing or giving access to the thing..." Mersi.

MR SPEAKER

Panel. Panel in nod Onorab Georges.

HON BERNARD GEORGES

E mon ti a kontan fer en pti lentervansyon lo 46, Mr Speaker avek ou permisyon. *This is Committee of the whole Assembly.*

E mon ti a kontan zis mansyonn en keksoz ki Vis- Prezidan in dir. Mon krwar ki i enportan pou nou retourn lo la en pti pe lo sa zafer *'requesting interception of communication'*.

E mon fer sa Mr Speaker, anba *Order 71* ki dir ki ler en *Bill* i ganny *'committed, we will not discuss the general merits but only its details.* ' E mon oule al en pti pe lo la.

Pou refer le pwen ki in ganny fer, bokou letan in ganny pase apre midi la, lo sa zafer *'interception of communication.* ' E Vis-Prezidan in fer nou konpran ki sa i la depi byen, byen lontan.

E mon vwar ki, mon vwar ki bann Manm lot kote zot tou zot bizi lo zot telefonn e lo zot *computer.* Mon ti a kontan kantmenm sa, fer sa pwen. Zot ava rapel ki Konstitisyon Sesel ti vin an fors le 18 Zen 1993, *18th of June 1993.*

E i ti en Konstitisyon ki ti anmenn en renouvelman total lo la demokrasi avek en *Charter of fundamental rights and freedoms* ki ti *Charter* ki ti annan plis drwa fondamantal dan lemond antye.

E i ti en moman tre fyer pou Seselwa. E le 19 zen 1993, premye Lalwa, premyer *S.I.* ki Gouvernman, sa lepok *SPPF*, premye *S.I.* ki zot anmennen 52 our pli tar, anba sa nouvo Konstitisyon ki ti anmenn tou nou drwa - premye *S.I.* ki zot anmennen, se, parey *VP* in dir, *'The Supreme Court Interception of Correspondence and Other Means of Communication Rules.'*

Premye keksoz ki zot in fer anba en Konstitisyon demokratik avek en *Bill of Rights*, se anmenn en Lalwa pou ekout telefonn. La, la premye keksoz ki zot ti fer !

E mon krwar sa i enportan fer konpran la ozordi. Akoz zot in pas telman letan apre midi sey fer krwar ki sa fek arive depi le 24 Oktob 2020.

Alor ki i ti la 52 zour apre ki nou Konstitisyon ti'n ganny fer koman premye Lalwa ki zot in anmennen anba sa Konstitisyon. Mersi Mr Speaker, Mr Chair.

MR SPEAKER

Ok. Mersi pou ou klarifikasyon.

HON BERNARD GEORGES

Next one, 47.

MR SPEAKER

Next one. Yes Onorab Pillay ou oule adres sa wi. Nou ava donn laparol Onorab Pillay.

HON SEBASTIEN PILLAY

Mersi Mr Speaker. Mon pou servi *the correct order*, i *Order 71, not Order 70*. Mon oule zis fer en komanter lo sa, lo detay Seksyon 46. E mon oule met sa pou tou dimoun konpran.

Ozordi nou dan lannen 2020, e non pa lannen 1993. E ki depi 1993 Vis-Prezidan Afif ki'n *PS* e annan plizyer pozisyon dan Gouvernman osi, in vwar evolisyon ki nou tou nou'n pas ladan.

E ki si ozordi an 2022 i annan konsern ki pe ganny eksprimen, kan en Gouvernman i swazir poudir i pou enn parmi son bann premye lamannman Konstitisyonnel se met larme pou fer louvraz Lapolis, i normal pou nou annan konsern.

E si parey Onorab Georges in dir, ki sa letan Gouvernman ti swazir pou fer premye lamannman, se fer koz entersepsyon kominikasyon elektronik, i bezwen *look in the mirror. Look at the man in the mirror*.

Akoz si ozordi nou pe fer sa, *then* ozordi nou osi nou pe fer menm keksoz. So konsern ki i pe ganny eksprimen i lezitim, e pa pran li dan sa fason.

Pran li dan fason ki nou pa pe retourn listwar, nou pe bouz devan. E se sa mon swe senser pou nou tou. E mon krwar i devret ou swe senser osi Onorab e nou tou dan Lasanble. Mersi.

MR SPEAKER

Thank you, ok. Le 2 Leaders in eksprim zot lo sa pwen ki'n soulev en kantite deba. Alor nou a kapab *settle* la e kontinyen si ou

annan okenn lot pwen amannman oubyen klarifikasyon Onorab Georges.

HON BERNARD GEORGES

47, Mr Chair mersi bokou. 47(2)(d) -(2)(d), “*approves the use of technology belong to the Seychelles.*” Mon krwar *the*, i an tro, ‘*belonging to Seychelles.*’

MR SPEAKER

Panel.

STATE COUNSEL NISSA THOMPSON

Mr Speaker nou aksepte. Mersi.

MR SPEAKER

Ok.

HON BERNARD GEORGES

Next one, Clause 50(3)(b) ki konmans ‘*contain a description.*’ Nou annan dan dezyenm laliny (,) *and in particular*, nou bezwen en *comma* la – ‘*identifying*’ eksetera.

MR SPEAKER

Panel.

STATE COUNSEL NISSA THOMPSON

Mr Speaker nou aksepte. Mersi.

HON BERNARD GEORGES

Next one Mr Chair, 51(3)(a), ‘*covert electronics surveillance including.*’ Mon krwar nou bezwen en ‘*comma*’ avan ‘*including.*’

STATE COUNSEL NISSA THOMPSON

Mr Speaker nou aksepte. Mersi.

MR SPEAKER

Onorab Pillay wi.

HON SEBASTIEN PILLAY

Mersi Mr Speaker. Avek ou permisyon, mon ti a kontan demann en kestyon ankor enn fwa, anba *Order 71(1)*. E sa se sa size *covert surveillance*.

Eski nou kapab ganny en klarifikasyon kwa ki nou oule dir par Minis pou fer Regilasyon, e prezan i pou *prescribed* bann prosedir pou *enforce* sa *foreign confiscation Order*. Mon konpran.

Mon vwar isi dan plas en (b), prezimen zot bezwen koriz sa. Me *what do we mean by covert surveillance?*

MR SPEAKER

Thank you. Panel i annan en repons pou sa? Yes VP.

THE VICE-PRESIDENT AHMED AFIF

Mr Chairman, dan definisyon i deza annan ‘*covert.*’ Mersi.

MR SPEAKER

Yes Onorab Pillay.

HON SEBASTIEN PILLAY

Non mon pe zis met lo latib ki son Prezidan ki Minis pou *Legal Affairs*, pou fer en provizyon pou *covert surveillance*. Sa ki nou pe dir en? Mersi.

MR SPEAKER

Thank you. Onorab Georges.

HON BERNARD GEORGES

Mersi Mr Chair. 54(2)(d), si nou regard son *chapeau an order issued under section 1, ‘shall order the person’* nou war ‘*to attend (a)*’, ‘*to answer (b)*’, *to ‘produce (c)*’, epi ‘*(d)*’, mon oule propoze ki nou *insert ‘to comply with other directions of the court*, eksetera.

MR SPEAKER

Yes panel.

STATE COUNSEL NISSA THOMPSON

Mr Speaker nou aksepté. Mersi.

MR SPEAKER

Ok.

HON BERNARD GEORGES

56 Mr Chair, “*the documents and support of a request for mutual assistance in criminal matters shall be in English language.*” Mon pe propoze ki nou koup ‘*language.*’ *It shall be in English, unless stipulated otherwise.*

MR SPEAKER

Thank you. Accepted.

HON BERNARD GEORGES

Nothing else Mr Chair, se tou.

MR SPEAKER

Ok, lo lapar lezot Manm okenn lot amannman? Klarifikasyon Onorab Pillay wi.

HON SEBASTIEN PILLAY

Mersi Mr Chairman, zis en dernyen pti klarifikasyon. So zis pou mon sitye byen mon konprenezon.

So covert surveillance i vedir sirveyans ki ganny fer dan en fason ki ganny kalkile pou asire ki sa dimoun ki pe ganny veye pa konnen i pe ganny veye, ouswa pe ganny fer.

E eski ou pe dir mwan poudir sa pou ganny preskri par Minis pou *Legal Affairs* ki Prezidan Larepublik? Se sa ki ou pe dir mwan?

MR SPEAKER

Panel. Yes Ms Thompson.

STATE COUNSEL NISSA THOMPSON

Wi Mr Speaker, mersi. Wi, sa ki nou pe sey dir, nou pe dir ki Minis ki responsab pou bann Zafer Legal ki pou fer Regilasyon. Mersi.

MR SPEAKER

Thank you. Bon si napa lot amannman, nou a retourn dan Staz Lasanble. E mon ava apel pou Mosyon pou *Third Reading*. Onorab Georges ou’n pare avek Mosyon pou *Third Reading*?

HON BERNARD GEORGES

1 minit Mr Chair, Mr Speaker, avek ou permisyon. Mersi. Mr Speaker mon ti pe get en kou sa *covert surveillance* avan ki mon - E sa ki Onorab in bliye dir, se ki sa se bann dimoun ki'n fer bann aksyon kriminel ki nou pe regarde, e i refize dir sa.

HON SANDY ARISSOL

(Off-Mic)

I pa dir sa bout.

HON BERNARD GEORGES

Sa bout i pa dir sa bout.

HON SANDY ARISSOL

(Off-Mic)

Misleading the House. Prezan zot riye parey bann zanfan.

HON BERNARD GEORGES

Mr Speaker anba Order 76(1) mon *move* ki *the mutual Assistance in Criminal Matters Bill 2022 as amended* i ganny lir en Trwazyenm Fwa. Mersi.

MR SPEAKER

Mersi. nou a ganny segonnman, Onorab Arissol wi.

HON SANDY ARISSOL

Mersi Mr Speaker. Mosyon i ganny segonde.

MR SPEAKER

Manm, nou ava apel Manm pou vote, Manm ki an faver lev lanmen silvouple? Mersi. Manm ki kont lev lanmen silvouple. *Thank you.* Lo,

(Off-Mic)

MR SPEAKER

Atansyon silvouple.

Lo *Third Reading*, lo *Formal Third Reading Mutual Assistance in Criminal matters Bill 2022 as amended* 21 Manm in vot pour, 0 kont, e 9 in *abstain*.

Alor *Bill* in aprouve par Lasanble. Madanm Clerk a fer *Third Reading*.

MADAM CLERK

Mersi Mr Speaker. *This Act may be cited as the Mutual Assistance in Criminal Matters Act, 2022.* Mersi Mr Speaker.

MR SPEAKER

Mersi. Alor *Bill* in pase. Mersi tou bann Manm e mersi *panel* pou zot partisipasyon. E mon swet zot bonn sware. Lasanble i a rebran demen bomaten 9er. *Adjourn*.

(ADJOURNMENT)